



6

Symbolum I. A. V. G.
2. Cor: 12. v. 9.
Sufficiat mihi gratia Domini.

I 46.45
II 101

383

40

Sum Achillis Sigismundi
von Blauburg.

Betruckt zu
Frankfurt am Mayn /
ben Martin Lechler / In
verlegung Sigmund Feyer-
abends vnd Simon
Hüters.



A N N O M. D. LXV.

Der Wegfürker.

Das dritte theil
des Kollwagens / von viel
schönen lustigen vnd furckweiligen
Historien / in Wägen / Schiffen / Gärten /
Sechen / vnd sonst / lustig zū lesen vnnnd zū erzē-
len. Mit einem sehr schönen vnd fast nützlichen
Büchlin / darinn die Jungen Gesellen / benorab
die sich frembder Land gebranchen wöllen / weß
sie sich halten sollen / vnterwiesen werden / mit
schönen Historien beybracht. Jetzt abermal
mit fleiß vbersehen / gemehret / vnnnd
schönen Figuren geziert / sampt
einem kurzen Register.



Francffurt am Mayn / M. D. LXV.

Ein dem ...

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

An den Leser.



Kundlicher lieber
Leser/

Deßgleichen auch zu
hörer.

Der du lust tregst zu
kurtzweil/

Darneben freuden begereſt vil.

Es ſey in feld / heuſern vnd Gärten/

Deßgleich wo du biſt bey geferten.

Es ſey im zechen ein vnd dem andern/

Oder ob du vber feldt wilt wandern.

So kauſſ diß büchlin zu leſen luſtig/

Iſt/ darzu den jungen ſehr nützlich.

Dann vil hiſtorien darin ſind beſchrie-
ben.

Welche dir on zweiffel werdē liebent.

So du dieſelbigen leſen thūſt/

Aber daneben auch gedenc̃ken müſt.

Warumb ſie hieher ſind geſetzt/

Vñ ob dich ſchon etwã eine verletz.

Dich in dem rechten ſack vnd ort fende/

Darum diß büchlin mit th̃in ſchende.

Gedenc̃ nicht allein von deint wegen
gemacht.

Sonder kurtzweil zu haben erdacht.

A ij So

Vorrede.

So ist es auch nit so gar auß der weiß/
(Dann ich alles hieher gesetzt mit
fleiß.)

Oder weit neben der warheit geschrie-
ben/

Darumb bitt ich wöllests lassen blei-
ben.

So du aber mit fleiß lesen wilt/

Die Historien so hieher gestellt.

Wirst du befinden baldt vnd gar frey/

Ob dir das Büchlin nit nützlich sey.

Ja du wirst loben vnd scherzen wolges-
then/

Das ich ein solche arbeyt fürhanden
hab gnon.

Hör Junger Gsell/ merck mich noch
eins/

Ich wil dir sagen noch ein kleins.

Von einer Histori wol gethon/

An irem blat findsts geschriben ston.

Vnd machet diesem Büchlin ein end/

d Histori Titi vnnnd Gissippi wirdt sie
genennt.

O wie ein schöne Histori außlesen/

Ich hab jr warlich nicht können ver-
gessen.

Sonder

an den Leser.

Sonder in diß büchlin müssen flicken/
Dabey die jungen gsellen sollen mer-
cken.

Was rechte lieb vnd freundschaft sey/
Das sagt dir diese Histori frey.

Wie Gisippus vō Athen nam ein weib/
Die ward gefallen Titi leib.

Er tracht mit sinnen vnd geberden/
Wie sie jm zū ein Weib möcht wer-
den.

Aber solches nit möglich wer ward ge-
dencken/

Darumb in die Lieb sehr thete kren-
cken.

Also das er sich legt zū beth/

Nichts dann jamerlichs klagen thet.

Den bitteren todt gar oft begert/

Wartet wenn er diß würd gewerth.

Viel lieber sich dem Tod ergeben/

Dann füren ein solch hartes leben.

Also das Gisippus Titi freundt sah/

Gar wind vnd weh jm da geschah.

Da er sein gsellen sah krank zū beth/

In brüderlichen fragen thet.

Was die vrsach seiner krankheit war/

Titus jm die erzelet gar.

Vorrede.

Mit grosser scham vñ grossem schmerz
Ben/

Ein solches gieng im zñ hertzen.

Das sein gesell vmb solchs war krank/

Vnd das vor ihm verborgen hett so
lang.

Züchtiglichen in darumb straffet/

Das er solchs so lang hett gemasset.

Vnd im nit langest kundt gethon/

Vnd tröstet in mit worten schon.

Sprach/du solt alles trawerē hinsetzen/

Dann ich wil dich mit freud ergetzen.

Vnd dessen so du bgeren bist/

Geweren gar in kurtzer frist.

Damit ich aber die sach zñ ende bring/

Die hochzeit Gissippi anfieng.

Als man sich zñ nacht schlaffen legt/

Gissippi sich zñ Tito fügt.

In zñ der Jungfraw zñ gehen ermant/

Welchs Titū sein daucht ein schand.

Doch sich vō der lieb sah vberwunden/

Derhalb er zñ denselben stunden.

Sich fügt zñ der Jungfrawen beth/

Sich an Gissippi beth baldt legt.

Mit jr der ersten lieb in pflag/

Dasselbig trieb er manchen tag.

Biß

an den Leser.

1

Biß Titi Vatter starb zû Rom/
Da wolt der scherz erst recht angon.
Der jungen frawen zûwissen thet/
Wie sie Titus vnnd nit Gisippus be-
schlaffen hett.
Welchs der gûten frawen weh that/
Das sie also betrogen ward.
Solches iren freunden klaget/
Gisippus ward von inen beschicket.
Des gesprechs ward so vil gar getriebē/
Das ich hie wil lassen bleiben.
Welcher das begert zû wissen/
Der mags büchlin durchlesen geflis-
sen.
Es wil hie zû erzelen vnnot/
Dieweil es vor geschriben stat.
Andre zerklären vnnot ist/
Fürnemlich von der Weiber list.
Deren gar viel hie geschriben sind/
Im büchlin ers alsamen sind.
Darumb wöllest mich lesen wol/
Billich es dir drum dancken sol.



Æ iij

Auff

Der Wegfürker.
 Auf ein zeit kam ein wunder-
 barlicher Abentheurer ghen
 Franckfurt inn die Mess / vnd
 schlug ein zettel an / er wölle
 ein jedes mensch vñ ein
 weispfenning wizig
 machen.



Als nam nun alle Menschen
 wunder / was doch das für ein
 selzamer Kautz müß sein. In sum-
 ma er bestellet jm ein losement / vnd rü-
 stet sich zür sach / nam ein Drommeter /
 ließ

Der Wegfärker.

2

ließ in in der Stadt herumbreyten / vnd
außschreien / wer vñ ein weißpfenning
wöll gescheid werden / der solte sich da-
hin verfügen / in der strassen würd man
den Herrn finden / der die bewerte Kunst
künd. In summa das geschrey gieng in
der Stadt vñ / das die leut nit kundten
warten / biß diesem Abenthewrer geles-
gen ward. Nun da es ihn gedaucht /
die zeit wer vorhanden / ordiniert er im
ein Kammer / da er sich ließ finden / das
dieselbig Kammer zwö thüren hett / vnd
ließ allwegen nit mehr dann ein Person
zñ im / wann er nñ einen vor im hatte /
sagt er : Höre lieber güter freundt / oder
Herr wer jr seyt / jr wisset das ich menig-
lich hab lassen verkünden / wie ich ein
jeden vmb ein Menzger Weißpfenning
wöll witzig machen / das bin ich gesten-
dig. Vnd solt jr von ersten wissen / wann
jhr zñ gaßt geladen werdet / so sehet vor
allen dingen / wann jr die hende wäschet /
das jhr die allerwegen in die mitte der
handzwelen truckent / dann wolt jhrs
zñ vntersten brauchen / müßt jr besor-
gen / wenn man die stuben hette kert / so

A v möchte

Der Wegfürker.

möcht sie bespritzt sein / vnd jr die hend
von einem newē bescheissen / truckent jr
euch dann oben an der handzwelen / so
laufft euch das Wasser zum ermel hin-
ein / darumb ist das best bleibet in der
mitte / so wirdt es euch gewiß nicht ge-
rewen.

Zum andern / wann euch einer ein-
bringe / so sehet für allen dingen das irs
fein reyn außtrincft / damit nichts vn-
lustigs darinn bleib / vnd ein Wein den
andern vnreyn mache / einer hat ein fey-
stes maul / der ander trincft sonst nicht
gern mit jm / so ist auch güt / das einer
stets ein frischen trunck hat.

Zum dritten / wan einer sol vber land
reyssen / vnd weder weg oder steg weyß /
so bleib er nür auff der fahrstrassen / vnd
laß sich kein abweg kümmern / so kompt
er gewiß auffß letzt zu leuthen / das sein
die drey stück die ich ein jeden vmb ein
weißpfenning lere / vnnnd folgt er mir /
wirt in gewiß sein gelt nit gerewē / Aber
doch wil er in eins vergebens leren / vnd
wann er wider hinauß gehe / vnd in die
leuth fragen / sol er niemand sagen / was
er

Der Wegfürher.

er in gelehrt hab / damit er nit der Tarr
allein sey / vnnnd ein ander mal nit einem
jeden Landtsfahr glaub / was er sage / so
wirdt er nit mehr so narrecht sein / wie
er vor ist gewesen / also fertigt er ein ab /
Wann nūn die leut ein fragten / was er
in doch gelehrt hett / sagt: es wer ein sol-
cher wunderbarlicher Mann / das nicht
darvon zū sagen wer / er solt nūr sehen /
das er auch für in kem / also ward ein sol-
lich groß gedreng vmb den Abentherer /
vñ vberkam viel gelts darmit / vnd
blieben die jenigen als wirzig / als sie vor
auch waren gewesen / Doch muß es also
inn der Welt zūgehen / dann die Leuthe
wollen beschiffen sein.

Aluff ein zeit macht man zu
Francffurt ein Hochzeit / vnnnd
vnterstund sich einer die Braut
heym zū führen / ware
aber ihm nicht be-
fohlen.

Da

Der Wegfürker.

Du nun die Hochzeit geschahen/
vnd jedermann güter ding war/
wurd oft gemeldet / es hett kei-
ner kein glück / er fürte dann die Braut
heym / wie es dann ein Sprich wort ist/
Das faßt ein Abentherer in seine ohrn



vnd gedacht im / wann ihm möcht die
Braut werden / wolt er sie gewiß nir-
gends hin führen / dan in sein hauß / ob er
auch ein mal glück hett. Da nun die
Hochzeit vollendet war / wurd ihm die
Braut vngesehr vberantwort / verstund
es vnrecht / fürte sie mit im heym. Da nu
der

Der Wegfürker.

4

der Breutigāheym kam mit seinen ver-
wandten / meynet sein Braut wer da/
ware sie anderßwo. In der Abenthew-
rer wurd verraten / müßt die Braut wi-
der lifern. Da mā in fragt/wie er so keck
dörffte sein / vñ die Braut nit hinfüret/
wie sich gebürt / sienge er an zū lachen/
vnd sprach: O ihr grossen narren/ wisset
ihr nit / das man an allen orten spricht/
es habe keiner kein glück / er füret dann
die Braut heym/wolt ichs auch ein mal
versuchen/ ob ich glück hett/ aber es ge-
riet im nit/ sonder müßt ein weil im Leis-
methaus tanzen / da geschah ihm wie
dem Hündlein vonn Bretta / ließ den
schwanz hinder der thür.

Wie ein Junger Gesell ei-
nes Hirten Tochter beschlefft / mit
verheßung / so sie es drey tage ver-
schweige/ wöll er sie zū Kirchen
füren/aber hernach
ein andere
nam.

Es

Der Wegfürker.

Es was inn einem Dorff ein
reicher Bawer gessen / derselbig
vnter andern seinen Kindern ei-
nen Sohn hette / der nach Bäwrischer
art ein feiner gerader gesell was. Nun
hett der Hirt im Dorff ein schöne toch-
ter / gegen der des Bawren son in liebe



enzünd / stetigs gedacht / wie er doch die
Jungkfraw zu seinem willen bringen
möchte / aber wol gedacht / solches nit /
dann er neme sie zu der Ehe / geschehen
kündte / von deß wegen er in grossen vn-
müt stund. Doch einest sich zu der Jung-
frawen (die in nit mind lieb hett) fügt /
sie

Der Wegfürker.

5

sie bat seins willens zu pflegen / vnd wo
sie solches 3. tag verschwige / wolt er sie
zu der ehe nemē. Die güt dirn als sie hort
das sie des bawrē son wolt zu der ehe ne
men/sich balt besünen hat/ vñ dem jun
gen seins willens pflegē (die sich on das
nit fast bitten dorfften lassen) zusagte/
doch dz er jr dz versprechlich hielte. Der
güt jung w3 diser antwort auß der ma
ssen fro/wol gedacht/ sie es nit lang ver
schweigen würd (wie dan der mägdlin
gewonheit ist/wen sie zu einander kom
men / fragt je eine die and/Wen ist dein
bül bey dir gewesen? Ey wen ist deiner bey
dir gewesen / so bekenen sie dan einander/
vñ mögen jr eigne schand nit verschwei
gen.) Nun als der stolz knab sein kurtz
weil die gātz nacht bey d dirnē gehabt/
vñ morgens der hirt austreiben wolt/
die tochter fein stillschweigend vñ dem
jungen (der von müde wegen der arbeit
so er die ganz nacht gehabt / entschlaf
fen) auffstund / zu der Mütter gieng/
bat sie/ sie wolt dem Vatter helffen auß
treiben / dan des Mäyers son bey jr leg/
vnd hett jr verheyssen / wenn sie es drey
tag

Der Wegfürker.

tag verschwiege / wolt er sie zu der Ehe
behalten. Der Jung der schon erwacht
war / der tochter vnd mütter reden wol
vernommen hett / zu ihm selbst sprach:
Das wirt gut werden / ich hab schon ge
wunnen / vnd dise nacht vergebens gut
lebē gehabt / er thet wider sam er schlief
fe / vnd wartet weñ die Tochter wider
kommen wolte. Als nūn die Tochter ihr
geschafft mit der Mütter außgericht /
sich auff's stillest wider zum beth fügte /
sich niderlegt / nicht anders vermeynt /
dann der Jung schliesse noch stets. Der
Jung als der wol gehört vnd vernoma
men / das die Jungfraw wider zu im ko
men / nicht anders thet / als ob er von
schlaaff erwachte / sich gegen der Jung
frawen kert / sein armbrust spanet / vnd
noch zu etlichen malen abschosse / dara
nach auffstund / heym zu hauß giengen /
sich offtermals bey der Jungfrawen
fand / vñ beyder willen ein gnügen thet.
Nūn begab es sich das der Bawer (des
jungen Vatter) von der freundschaft
gebetten ward / dem Jungen ein Weib
zugeben / welchs auch als baldt geschä
het

he/vnnd der Jung der vor offtmals bey
des Hirten Tochter gewesen/ mit jr sein
willen gepfleget / von deß wegen er sie
auch nit ehelichen wolt/dan er vermey-
net/sie einem jeglichen zu willen/wie im
worden were/vnnd er einen bösen Kauff
thete/mit eines andern Bawren Tocht-
ter sich verheytrat. Als nün der tag der
Hochzeit vorhanden war/vnd der jung
mit seiner newen Braut für die kirchen
trat / wartende wenn man in wolt ein-
segnen / trat des Hirten Tochter herzu/
begert er solt jr das versprechen leysten/
wolte ihm nit zulassen / mit der newen
Braut einzusegnen. Vnd nach langem
balgen vñ vil haderns/ leglich so vil zwis-
schē der freundschaft zu beyder seyt ge-
handelt/das er des Hirten tochter für jr
Jungfrawschafft ein abtrag thun solt.
Als nün der Kirchgang verbrachte / die
malzeit/ der tanz/ vnd ander gebräuch
den tag außgericht waren/ vnnd beyde
newe Ehleut schlaffen gefürt wurden/
die Braut jren Brentigam fraget/was
doch den morgē für der kirchen für ein
geschrey vnd tūmel gewesen wer? Dar-

B

auff

Der Wegfärker.

auff der güt gesell als baldt antwortet/
vñ erzelt jr alle ding/ was sich seinthalb
vnd des hirtens tochter zügetragen heta-
te. Die braut onbedechtelich herauß für/
vnd lachend sprach: Ey wie ist das so
ein thörecht Mensch/ das sie es nit ver-
schweigen hat können/ sihe/ meins vater-
ters knecht ist wol zwey Jar alle nacht
bey mir geschlaffen/ vnd ich hab es kei-
nem Menschen nie gesagt/ außgenom-
men dir hab ichs jetzt gesagt. Da solch-
es der Breutigam vernam/ gedachte er
wol/ wie er an ein stock gefaren were/
vñnd brot für kuchen genommen hett/
schwige still/ bey jm selbst gedacht/ ihm
recht geschehen wer/ das er die fromme
tochter/ die jm allein züwillen worden/
nicht gewolt/ vñnd eine die vor langer
zeit eines anderen gesellen gewesen/ er
wehlt hette.

Wie eins Rebman's Frau
sich gegen irem Mann frantz
stellt/ vnd nicht mit ihm
essen wolt.

Im

Der Wegfärker.

7

In Elßaß in einem Städtlin
ein armer Rebman̄ gefessen was/
welcher ein auß dermassen schön
weib gehabt / vñ wiewol er sonst nichts
gehabt / weder was er teglich mit saw-
rer arbeyt vberkommen / hat sich doch
sein fraw allwegen dahin geschickt / das



sie jren schönen feysten balgt behalten/
Gott geb jr Mañ hab zübeissen oder zü
brechen / vnd wen der mañ am morgē in
die rebē gangen / ist sie auffgestanden / jr
selber das best zessen gemacht / vnd her-
nacher dem mañ ein habermuß / od sonst
etwas grober speiß zessen bracht / aber
sie in keinerleyweg mit jm essen wollen /

B ij

sonders

Der Wegfärker.

sondern sich allerweg außgeredt / sie sey
krantz / vnd mög nit essen. Als sie solchs
lang zeit getrieben / hat den gütten man
wol wollen dunckē / sie nit vom lufft lebē
vñ jren feysten balgt nit von fasten be-
hielte / vñ betrachten ward / wie er doch
erfaren möcht / mit was sache die fraw
vmbgienge. Vnd eins tags früe auff
stund / zū seiner frawē sprach / er an sein
arbeyt gehen wolt / sie solte ihm zū essen
bringen / des die fraw willig was. Der
Mann aber verschluge sich in ein kam-
mer / darauff er wol sehen mocht / was
die fraw in der küchen thet. Vnd als es
vmb die achte stund / die fraw auß dem
beth zohe / in die küchen gieng / baldt ein
feuer auffmacht / darauff ein pfannen
mit schmaltz satz / vnd lieff / vnd zwölff
eyer darein schlug / wie dann jr tegliche
gewonheit war. Demnach ein mässige
kanten nam / in keller lieff / einen weissen
schleyr nam / den oben zūm bunten hün-
ein stieß (dann der Mann den grossen
vässern die zapffen abgeschlagen hett)
den in die kante außtruckt / das als offe-
thet biß die kanten gefüllt war. Nun /
dieweil

bißweil die Fraw im Keller was / lieff der
man auß der Kämmer / schlug noch zwölff
eyer zů den andern zwölffen / also / das
der eyer 24. wurden / vñ macht sich vom
stundan wider in die Kämmer / in dem die
Fraw wider auß dem Keller kam / sich an
die eyer richtet / vñnd sie halber auß aß /
demnach ein gütē trunck / doch sich wi-
der an die eyer setzt / vñd noch eins oder
zwey aß. Als sie aber nicht mehr essen
mocht / sieng sie an mit jr selbs zůreden:
Bin ich krank oder wil ich krank wer-
den / wie ist mir? hab ichs doch vor alles
wegen mögen außessen. Solch klagen
sie ein güt weil trieb / des der Man eben
warnam / in zeit daucht / der frawen die
eyer zů gesegnen / der frawen schurtz / so
in derselben Kämmer lage / an stat des
Chorock's vmbschlug / ein gütten eychen
federwisch erwischt / hinauß zů der frau-
wen trat / vñd sprach: Wolan mein lie-
be fraw / ich sihe wol das du sehr krank
bist / vñnd nit mehr als wol essen magst
als vor / vñd dir nún nichts nehers dan
der Tod vorhanden ist / damit aber das
du nit vngebeichttet sterbest / bin ich dir

B iij

von

Der Wegfürker.

von Gott hieher gesandt / die beicht zu
hörē / mit dem den eychen pengel fasset /
sie auß der massen vbel schlug vnd zu-
richtet / das sie mehr ein todten dan ein
lebendigen Menschen gleich sahe / sie li-
gen liesse / vñ an sein arbeyt gieng / doch
sich zeitlich wider zu hauß füget vnd im
selbst kochet : dann er wol gedacht / der
frawen halben denselben tag vngessen
sein müste. Nun gedacht die fraw für
vnd für / wie sie doch jren Mann wider-
umb möchte betriegen / vnd im die gros-
se schmach / so sie newlich von ihm ent-
pfangen / vergeltē / sich gegen im freund-
lich erzeygt : Eins tags sich begab / das
die fraw etliche jrer nachbawrin bey jr
hett / vnd güter ding waren. Vnter an-
dern spielen so sie theten / die fraw zeit
daucht sich an dem Man zurechen / an-
hüb / vnd sagt : Wir wollen verbergens /
(dan also neht mans im Elsass) mach-
en / des der Man wol züfriden was. Nu
die listig fraw den man vberredt / das er
in ein målsack schluff / der güt Man / als
der sich nichts arges versahē / gar wol
content was / dann er vermeynet / man
würde

würd in nit balt finden. Die Fraw aber/
als die den man im malsack sahe/die bent
del schnell zustricket/balt lieff da sie ein
güte pengel fand/den man im sack nach
dem besten tractirt/vñ in die schmach/
so er ihr darvor gethan/widergalte. Da
sie ihn aber genüg geschlagen/vnnd ihr
mütlin wol an im erkält hette/gedacht
sie wol/tem der Mann auß dem sack/er
sie erwürgen würd/ließ also den Mann
im sack ligen/ließ zñ dem Schultheiß/
vnnd klagt ihm alle ding vom anfang
biß zñ ende/was sich zwischen ihnen
begeben hette/vnd bat den Schultheiß
vmb GOTTes willen/er wolte ihr be-
hülfflich sein/nach dem Man schicken/
vnd ihm gebieten/das er ihr solchen wi-
derdrieff nicht rechnet/nach sie es ent-
gelten liesse. Der Schultheiß/welcher
ein geschwindlistig Mann was/der sa-
chen gnüg lachet/seine diener nach dem
Kebmann schickt/die in noch im sack
verknüpfet funden/den sack aufflöß-
ten/vñ in für den Schultheissen brach-
ten. Der Mann/als er sein frawen vor
de schultheissen sahe/auff sie klagt. Dar
B üñ gegen

Der Wegfürker.

gegen im die Fraw antwort / vñ so best
sie mocht / sich beschirmet. Als nün der
Schultheysß irem Streit lang auff gehört/
befahle jnen still zů schweigen. Erstlich
der Frawē gebott / sich solchs schleckens
zů mässigen. Darnach dem Mann / das
er gedechte / vñ die frawen vmb solches
so sie ihm die nacht im sack gethan / we-
der schlagen / stossen / noch raussen solte
des im der Rebman auch geloben müß /
also mit einander heym zogen. Nū ge-
dacht der Mann (der sich von der frau-
wen betrogen sahe) wie er doch jr möch-
te zů kōmen / vñd sich an der argen frau-
wen rechnen / vñd dannoch des Schulte-
heysßens gebot nit breche. Vñd eins tages
sich begab / das jr nachbaror einer / so ein
Weib genomen / Hochzeit hielte / darzů
sie auch als andere geladen waren. Nū
als man zů nacht gessen / sieng man an
zů tanzen / Vñd wie man lang tanzet /
den Mann zeit dauchte / sich an seinem
bösen weib zů rechnen / sie nam / mit jr tan-
zet / vñnd im vmbher tanzen sich fügt /
das er zů der stiegen / so ins vnterhausß
gieng kame / darbey sein Weib fasset / vñ
im

im vmbherkeren er sie die stiegen hinab
warff/sie also für todt liegen ließ/ heym
zū hause gieng/wol bedacht jm/ solches
nit geschencft würde. Vñ als die Fraw
wider zū jr selbs kam/ sie zūm Schultheys
heyssen gieng / vnd jm die sach was sich
die vergangen nacht zūgetragen / erz
zelt/bey ihm selbs lachet / vnd gedacht/
er jr recht than hett/doch sich gegen der
Frawen ernstlich erzeyget / nach dem
Mann schickt/ vnd jm fürhielt/warum
er nit gehalten / was er jm geboten het
te. Der Mann als der dem Schultheys
sen sein red wol auffgemerckt/ antwor
tet/vnd sprach: Herz Schultheys jr ge
boten mir / ich solt sie nit schlagen/ stos
sen oder rauffen/ das hab ich fest gehal
ten / hab ihr auch alles was sie gethan/
vergeben/ vnd bin guter ding mit jr ge
wesen / hab auch die vergangen nacht
mit jr getantz/vnd im vmbher werffen
ist sie mir auß dem arm gefallen / was
kan ich dafür das sie so schwer ist/war
umb ist sie nit hieoben blieben. Derhal
ben Herz schultheys hoffich keiner stras
se würdig sein/ sonder ewere gebott vn
B v uerbrochen

Der Wegfärker.

unverbrochenlich gehalten hab / vnd was
ir leyds begegnet / sie ir selbs gethā hat.
Da der Schultheyß des Weingartners
antwort vernommen / wol zūmüt was /
sich der Mann außgeredt hett / sonst er
verursachet were worden in zūstraffen /
ine ledig absoluiert / des ir die Fraw be-
sundern schmerzen nam / heym mit dem
Mann zohe / forthin wol mit einander
lebeten / dann sie wol sahe / das sie dem
Mann nichts mochte abgewinnen / so
hatt sie auch wenig gunstes mehr bey
dem Richter / von deßwegen alles das
thete / so dem Mann wol gefiele.

Wie ein Junger Bawren-
knecht zū einer schönen Jungfraw-
en zū Breysach in liebe entzündt /
sie aber sein kein gnad haben
wolt / vnd wie es im her-
nach gieng.

In ein Dorff nicht weit von
Breysach ein bawr gefessen / wel-
cher ein son gehabt / der auff ein
seit

Der Wegfürher.

II

seit als er zu Breysach gewesen / ein
schöne dirne ersehen / als bald sie lieb ge-
wā / vñ in gedaucht / er doch sein lebtag
kein schöner weibsbild gesehē hett / sich
heym zu hauß füget / solchs seinem vater
vñ mütter angezeigt / mit bit / sie sol-
ten im vmb sie beholffen sein / od er wolt



alles vnrecht thūn / das Gott je verbotē
ten hett. Seine eltern als sie solchs ver-
nommen / ihn vmb solche seine thorheit
strafften / vermeinten in dadurch abzū-
weisen. Der jung als bald wid antwort /
vnd sagt: Man hörte in wol / wolt man
vmb sie werben / wol gūt / wo nit / wolt
er se

Der Wegfürher.

er sehen/wie er sie vberkem. Die Eltern
als sie solche seine bestendigkeit erkann-
ten/vñ das er nit abzuweisen were/wol-
sahen/in trösteten/vñ sprachen: Er sol-
te wol zūmut sein / sie wolten sehen wie
sie in die Jungfraw zūwegen brechten.
Vñnd von stundan der Bawer/sampt
seiner Frawen vñnd auch der ganzen
freundschaft in die Stadt giengen/
nach der Jungfrawen hauß fragten/
darein tratten / vñnd nach dem sie der
Jungfrawen Eltern gefragt / was ihr
zū hauß kommen bedeute / sienge einer
vnter ihnen an/ vñd warbe dem jungen
vmb die Tochter. Die Eltern als sie sa-
hen einen solchen vmb ihr Tochter (die
von irer schöne vñd tugent wegen wol
eins Graffen würdig) werben / solches
spöttlich sein daucht / noch dem jungen
nit außdrucklich neyn sprechen / son-
dern sagten: Ihre tochter were zū jung/
ir ein Mann zū geben/ bitten in derhal-
ben / das er in ihr abschlagen nit in vbel
wolt auffnehmen / vñnd bedanckten sich
gegen im / das er sie vmb ir Tochter vor
andern hette angesprochen. Wie solches
der

der jung sahe/ auff dasselbigemal nicht
weiter dorfft ansuchen / mit betrübten
hertzen zu hauß gieng/ vnnnd gedencen
ward / ob er die Jungfraw mit gewalt
möcht hinfüren / doch solches ihm sein
eigen Conscientz widerrieth/ dan er wol
gedacht nicht ehrlich sein würd/ einem
seintochter wider iren willen hin zufü-
ren / so möcht er auch dardurch gefan-
gen/ vnnnd vmb sein leben bracht wer-
den. Solchen seinen fürsatz doch nichts
desteminder seinen freunden anzeyget/
sie von newem bat/ im vmb die Jungk-
fraw zühelffen/ oder er müsse sterben/
sich auch gleich zu beth legt / nicht an-
ders thet / als ob er gleich hinfaren/
vnd den geist auffgeben wolt. Wie sol-
ches seine freund sahen / in abermals so
best sie mochten/ trösteten/ mit verheys-
sungen/ sie wölten von newem im vmb
die Jungfraw werbē / er solt allein auff-
stehen/ vñ mit inen in die Stadt ziehen.
Des der jung wol zu müth was / hoffet
(doch alles vergebens) im solt die jung
fraw zu ein Weib werden / auffstund/
vnnnd wider mit seinen freunden zu der
Jung-

Der Wegfürker.

Jungfrawen gienge / vnd von newem
vmb sie warben. Der tochter eltern als
sie sahen / das kein abweisen an dem jun-
gen helffen wolte / der Jungfrawen sol-
ches zu wissen theten / vnd fragten / Ob
sie ein lust zu dem Jungen hette? Die
Jungfraw in grossen sorgē stund / stets
forcht / man würd sie dem knebel zu ei-
nem Weib geben / den Eltern entbote /
sie ganz kein lust nicht zu ihm hett / bat
auch sie ehe vnuerheyrat zu lassen / we-
der einem so groben hölzlin zu vermeha-
len. Die Eltern dem jungen der tocha-
ter antwort wider zu wissen thetē / vnd
in baten / ihrer tochter halb müßig ste-
hen / vnd anderswo sich zu versehen /
dann ire Tochter kein Mann nehmen
wölt. Da solches der gute Jung sahe /
schnell von der Jungfrawen hauß / den
nächsten auff die Reinbrücken gienge /
den laß auffhet / vnd den gotz dieb vnd
bößwicht im selbs herab schnidt / vnd in
Rein warff. Dardurch ward die
Jungfraw sein ledig / vnd
er begert forthin keins
Weibs mehr.

Von

Der Wegfärker.

13

Von einem alten Büler.

Nicht lang vergangen / ist ein
alter Kerle / der all sein tag ein sel-
tsamer Abentherurer gewesen /
vñ sich mehr in württsheusern / auff dem
spielplatz / vñd bey den schönen meßlen /
dann in der Kirchen hat finden lassen /
vñd hett ein güter Schütz sein müssen /
der in daheim ob der arbeyt hett treffen
wöllen. Der auff ein zeit zñ einer güten
dirnen kommen ist / vñd mit jr sein wil-
len zñ pflegen vermeynt. Nun weys ich
nit was dem güten alten Kempffer den
selben tag begegnet / oder ob er zñ vil ge-
truncken / ihe er nit hat wöllen auffwa-
chen / dessen er vber in erzürnet / hat den
puppenhan auff den kopff geschlagen /
vñ gesagt: Nun bin ich manchmal ein
gantz halbe nacht vmb deinet wegen
gestanden / vñd dir zñ lieb gewacht / vñd
du magst nicht nñr ein halbe stund vom
meinet wegen wachen. Abstund / vñd
mit schanden wider heym zoge.

Von

Der Wegfärker.
Von einem König/ Schnei
der/ Rysen/ Eynhorn/ vnnnd
wilden Schwein.



In einem Stadlin Roman
dia genant/ ist ein Schneider ge
fossen/ welcher auff ein zeit als er
gearbeit/ einen apffel bey ihm ligen ge
habt/ darauff vil fliegen (wie dan Som
mers zeiten gewönlich) gefessen / das
dem Schneider zorn than hat / ein fleck
von thuch genommen/ auff den apffel
geschlagen / vnnnd der fliegen sieben er
schlagen.

schlagen. Als solchs der einfeltig schneid
der gesehen/ bey ihm selbs gedacht/ sein
sach solt gut werden. Baldt im ein sehr
schönen harnisch machen / vnd darauff
mit güldin Buchstaben schreiben ließ/
Sieben auff ein streych zů todt geschla-
gen / vnd auff der gassen mit seim har-
nisch umbgezogen / wer ihn besahe / der
meynt er hett sieben Menschen auff ein
streych zů tod geschlagē / war dardurch
von jedermann vbel geforcht. Tū was
inn derselben gegne ein König/ welchs
lob weit vñ vberal erschall / zů dem sich
der faul Schneider füget/ in Hof trate/
vnd sich daselbst in das graß niderlegt/
vnd schlieff. Die Hofdiener so auß vnd
eingiengen / den Schneider in dem rei-
chen harnisch sahen/ vñ die vberschriffte
lasen/ sich sehr verwundern warē / was
dieser streittbar Mann jetzt zůr zeit des
friedens/ in des Königs hof thūn wolt/
sie gedaucht on zweiffel ein grosser Herz
sein. Die Herren/ Rāth/ so ihn gleiches
falls gesehen hetten / König. Maiestet
solchs zůwissen theten/ mit anzeigung/
das/ wo sich zwispalt begebe/er ein sehr
C nützlicher

Der Wegfärker.

nützlicher Mann were. Dem König die
redē wol gefielen / balt nach dem gehar-
nischte Schneider schickt / in ob er dienst
begert / fraget. Der Schneider baldt ant-
wort: Er darumb allher kommen were/
vnd bate König. Maifestet / wo sie in zu
brauchen hett / aller gnedigst dienst mit
zu theilen. Der König im balt dienst zu-
sagt / vnd im ein besonder losament ver-
ordnet. Nun es stunde nit lang zeit / die
Keyter wurden dem gūten Schneider
gram / hetten gewōlt das er bey dem teuf-
fel were / dann sie fürchten / wo sie mit
ihm solten vneins werden / möchten sie
im kein widerstandt thun / wenn er all-
wegen sieben auff einen streych zu todt
schlagen würd / stets gedachten / wie sie
doch von dem Kriegsman kōmen möch-
tē. Doch leglich zu rath wurden / vñ mit
einander vber ein kamen / all mit einan-
der für den König zutretten / vnd vmb
vrlaub zubitten / welchs auch geschah.
Der König als er sahe / alle seine Diener
vmb eins Manns willen vrlaub nemen /
kein trawriger Mann er nie ward / het-
te gewōlt den Kriegsman nie gesehen /
dorffte

hörffte ihm doch nit vrlaub geben/ dann
er forcht/ er sampt allem seinem Volck^z
zü tod geschlagen würde/ vnd hernach
sein Reich von dem Krieger besessent
würd. Rath suchet wie im doch züthun
were/ vnd nach langem hin vnd her ge-
dencken/ leglich ein sinn erfande/ ver-
meynte dadurch des Kriegsmañs (den
niemandt für ein Schneider schätzet)
abzükommen/ nach im schicket/ im für-
hielt/ wie er wol vernommen/ das er ein
gewaltiger starcker Kriegsmanñ were.
Nun hett er zween Rysen im wald/ die
im auß dermassen groß schaden theten/
mit rauben/ morden/ brennen/ einem
vnd dem andern/ vnd man kōndte jnem
weder mit waffen vnd andern nicht zü-
kommen/ dan sie erschlügen alles/ vnd
so er sich vnterstehen wolte/ die Rysen
vñzübringen/ vñ brechts vmb/ so wolt
er im sein Tochter zü einem Weib/ vnd
sein halb Königreich zü einer Ehesters
er geben/ wolt ihm auch hundert Key-
ter zü hülff wider die Rysen geben. Der
schneid war wol zümut/ das er solt eins
Königs tochtermanñ werden/ sprach/ er

Der Wegfürzer.

wolt gern die Rysen vmbbringen / vnd
wol on hülff der Keyter zū tödten wiß-
te / sich den nechsten zūm Wald verfü-
get / die Keyter vor dem Wald warten
hieße / hinein tratt / von weitem sahe / ob
er die Rysen irgent sehen möchte / doch
nach langem suchen / sie vnter einem
baum schlaffen fand / vñ schnarchleten
das die äßt an den bäumen sich bogen /
der schneider sich nit lang besane / was
ihm zūthun were / schnell sein büßen voll
steyn lase / auff den baum / darunder sie
lagen / stiege / anfieng den einen mit dem
steyn auff sein brust zūwerffen / dauß er
als balt erwacht / vber den andern zür-
nen ward / vñ sagt / warum er in schläge
Der andere entschuldiget sich so auff
best als er mocht / in dem wiß schlaaffen
wolten / der Schneider wider ein steyn
fasset / vnd den andern warff / daruon er
vber sein mitgesellen zürnen ward / vnd
sprach / warum er in werff / als sie aber
von solchem zanccken ließen / vnd ihnen
die augen zūgangen waren / der schnei-
der gar hefftig auff den erstē warff / des
der Rieß nicht mehr vertragen mocht /
sein

sein gesellen hefftig schläge (dan er ver-
meynt er were von im geschlagen / wel-
ches der ander auch nit leidē wolt / auff
stunden/baum außrissen/ vnd einander
selbs zū tod schlügen/doch zū allem glü-
cke den baum darauff der schneider saß/
stehen lieffen. Als solches der schneider
sahē / baß zū mūt warde dann er nie ge-
wesen war/frölichen ab dem baum stie-
ge/ jeglichē mit seinem schwert ein wun-
den oder etliche schläg/vnnd wider auß
dem Wald zū den Keyteren gieng/ die
Keyter in fragen worden/ob er die Ky-
sen nirgends gesehen hette / ja saget der
schneider/ ich hab sie zū tod geschlagen/
vnnd vnter dem baum liegen lassen / sie
woltēs aber nit glaubē/ das er also vn-
uerletet solte von den Kysen kommen/
sondern ritten in Wald diß wunder zū
besichtigen / vnd fundens also wie inen
der Schneid gesagt hett. Darob sie sich
sehr verwunderten/ grossen schreckē em-
pfingen / vñ noch vbler zū mūt waren/
dann sie mehr forchten er würde sie/wo-
er in feind were/ all umbbringen. Rit-
ten also heym / vnd sagten dem König

Der Wegfürker.

die that an. Der Schneider bittet die
tochter mit sampt dem halben Königs-
reich. Der König als er sahe die Ry-
sen erwürgt/ von des wegen er sein toch-
ter dem unbekandten Krieger solt zur
Ehe geben/ ward ihn seins verheyssens
sehr vbel gerewen / gedacht wie er doch
sein mit fügen möcht abkommen/dann
er im die tochter zu geben/keines weges
gesinnet / dem Schneider noch einmal
sagt: Wie er ein Lynhorn im wald het-
te/ der ihm so grossen schaden an Viehe
vnd leut thete/ wann er dasselbig fieng/
wolt er im die tochter geben/der schnei-
der war sein wol zufrieden/ nam ein strick
lin / gieng zum Wald / befahle seinen
zugeordneten / heraussen zu warten / er
wolt allein hinein/spazirt also im wald
vmbher/in dem ersihet er das Lynhorn
gegen im daher springen / der meynung
ihn vmbzubringen/ der Schneider aber
war nit vnbehend/wartet bis das Lyn-
horn gar nahe zu im kam / vñ als es na-
he bey im was / stellt er sich hinter den
baum/dabey er zu aller nechst war/ Das
Lynhorn aber / so sich in volle lauff nit
wenden

wenden kundt / mit dem horn in baum
lieff / vñ also darinn vnuerwent stecken
blieb. Als solchs der schneider sahe / her-
zû gieng / dem Lynhorn den strick so er
mit ihm genommen hett / vmb den halß
thet / vnd an den baum band / hinaus zû
seinen gesellen gieng / ihn sein sieg des
Lynhorns anzeigt / solchs hernach dem
König zûwissen thet / welcher auß der
masen trawrig war / nit wußt wie im zû
thûn wer / dan der schneider der tochter
begert. Doch begert d̄ König noch ein
mal an den Kriegßmann / er solt im das
wild schwein so im wald lieff / fahē / her-
nach wölt er im die tochter on allen ver-
zug geben / wölt ihm auch seine Jäger
zûordnen / die im helffen solten / das wil-
de schwein fahen. Der Schneider zoch
mit allen seinen gesellen zûm wald. Wie
sie darzû kamen / befahle er inen heraus-
sen zûbleiben / des sie gar wol zûfrieden
waren / dann das schwein sie dermassen
offt empfangen / das sie im nit mehr bes-
gerten nachzûstellen / danc̄ten im fleiß-
sig. Der schneider trat hinein / vñ als im
das schwein ersahē / lieff es den nechsten
C iij auff

Der Wegfürker.

auff in mit schaumendem mund vñ we-
zenden zänen/ vnd wolt in zū der erden
werffen. Zū allem glück aber stund ein
Capellen im Wald / darin man vor zeis-
ten ablaß geholt/ darbey ebē der schneis-
der war/ vnd als der Schneider solches
ersah/ den nechsten in dz Capellin lief-
fe/ oben zūm fenster wiß hinauß spran-
ge / dem die Saw als baldt nachfolget/
vnd im Capellin stunde. Der Schneider
aber lieffe den nechsten zū der thüren/
schlug die zū/ vnd versperit das gewild
im kirchlin/ den nechsten hingiang/ vnd
solches seinen gesellen anzeiget/ die mit
einander hinein ritten / solches besun-
den/ mit grossen verwundern heym rit-
ten/ vnd dem König anzeigten. Ob der
König solcher mähr fro oder trawrig
gewesen/ mag ein jeglichs geringuerste-
digs leichtlich abnehmen / dann er sein
tochter dem Schneider hat geben müs-
sen/ zweifflet mir aber gar nicht/ hett er
gewist / das er ein Schneider were / er
hett im ehe ein strick geben weder seine
Tochter. Nu der König müst sein toch-
ter also ein vnbeaknten geben / nit mit
Kleiner

kleiner bekümmernuß / darnach aber
der güt Schneider wenig fraget/ er als
lein gedacht/wie er des Königs tochter
Mann werden möchte. Also ward die
hochzeit mit kleinē freuden vollbracht/
vnd auß einem Schneider ein König
worden. Nu als er etlich nacht bey sei-
ner braut geschlaffen / hat er im schlaff
geredt vnd gesagt: Knecht mache mir
das wammes / flicke mir die hosen/ oder
ich wil dir das Elenmēß vber die ohren
schlagen/welchs die güt jungfraw eben
war genommen hat/solches irem Herrn
Vatter dem König anzeigt/ ihn darbey
gebetten/er solt ihr des Manns abhelf-
fen/dan sie wol merckt/das er ein schnei-
der were. Solche rede dem König sein
hertz durchschnitten / das er sein einige
Tochter einem Schneider geben hette/
sie auffß best tröst vnd sagt: Sie solt die
zukünfftig nacht die kammer öffnen/so
wölte er etliche diener für die kammer
stellen/vnd wenn er mehr also sagt/müß-
ten sie hinein gehn / vnd den Mann vñ
bringen / solches der Frauen gefallen
was. Nun hett der König am hof ein
C v Waffenz

Der Wegfürker.

Wassentrager/der dem Schneider holt
was / vñ des Königs red zū der frawen
gehört hette / sich schnell zūm Jungen
König füget / vñd ihm das schwere vr-
theil so vber ihn gangen / eröffnet / mit
bitten / er wölt sich so bester möcht ver-
waren. Der Schneider sagt ihm seines
warnens grossen danck / er wistē dieser
sachen wol zū thūn. Wie nūn die nacht
kōmen was / der Schneider sich mit der
Königin zū beth legt / nit anders thete /
als ob er schlieff / die fraw aber stunde
heymlich auff / öffnet die kammer / vñd
legt sich wider zū beth. Der Schneider
der solches alles gehōrt / sieng an zū re-
den / gleich als im schlaaff mit heller
stimm / das die vor der kammer wol hō-
ren mochten : Knecht mach mir die ho-
sen / bletz mir das wammes / oder ich wil
dir das elnneß vber die ohrn schlagen /
ich hab sieben auff ein streych zū todt
geschlagen / ich hab zwen Rysen zū tod
geschlagen / ich hab ein Lynhorn samē
einer wilden Saw gefangen / Solte ich
dann die vor der kammer fōrchten? Die
vor der kammer / als sie solche wort ver-
nommen /

nommen/nicht anders flohen/dann als
sagte sie tausent teuffel / vñ keiner wolt
sein / der sich an den Schneider richten
wolt. Also blieb der Schneider sein leb-
tag ein König.

Von einem Schwaben der das Lüberlin gefressen.

Als vnser lieber Herigott noch
auff erdtrich gewandelt ist/ von ei-
ner stadt zů der andern/das Euan-
gelium gepredigt/ vñnd viel zeichen ge-
thā/ ist auff ein zeit ein güter einfeltiger
Schwab zů jm kommen/ vñd hat jm ge-
fragt: Mein leiden Gesell/wo wilt du
hin? Hat vnser Herigott jm geantwort:
Ich ziehe vmb / vñd mach die Leuth sel-
lig. Sagt der Schwab/Mein lieber ge-
sell/wilt du mich mit dir lassen? Ja sagt
vnser Herigott gern / wenn du fromm
sein wilt/vñd weidlich betten? Ja sagt
der Schwab. Nūn als sie mit einander
giengen/ kamen sie zwischē zwey Dörf-
fer/darīn man leutet. Der Schwab der
gern

Der Wegfürker.

gern schwezt / fraget vnsern Herigott /
Mein leiden gesell / was leutet man das
Vnser Herigott (dem alle ding wissent
waren) sagt: In einem Dorff leut man
zü der hochzeit / im andern zü dē toden.
Geh du züm todē / sprach der Schwab /
so wil ich zür hochzeit gehn. Vnser Herz
gott gieng in das Dorff / vñ macht den
todten wider lebendig / da schenckte man
im 100. gülden. Der Schwab thet sich
auff der hochzeit vñ / mit einschencken /
einem vnd dem anderen. Vnnd da die
hochzeit ein ende hatt / schencket man
im ein creutzer / deß der Schwab wol zu
frieden war / sich auff den weg macht /
vñ wider zü vnserm Herigott kam. Als
aber der Schwab vnsern Herigott von
weitem sahe / hüb er sein creutzerlin in
die höhe auff / vnd schrey: Sihe mein leis
den gesell / ich hab gelt / was hast du?
Trieb also vil prangens mit seinem creu
zerlin. Vnser Herigott lachet sein / vnd
sprach: Ach ich hab wol mehr als du /
den sack auffthet / vnnd den Schwaben
die 100. gülden sehen ließ. Der Schwab
aber war nit vnbehend / warff sein ar
mes

mes creutzerlin vnter die hundert gülden / vnd sprach: Gemeyn / gemeyn / wir wollen gemeyn mit einander habē / das vnser Herigott güt sein ließ. Nun als sie mit einander giengen / begab es sich / das sie zu einer herd schaf kamen / sagt vnser Herigott zum Schwaben: Gehe zum Hirten heysß dir ein Lämmlin geben / vñ koch vns das gehengk oder gereusch auff das essen. Ja / saget der Schwab / gieng zum Hirten / hieß im ein Lämblin geben / zogs ab / vnd bereyt das gehengk auff das essen / vñ im siden schwam das Läberlin stäts empor. Der Schwab truckets mit dem löffel vnter / es wolte aber nicht bleiben / das den Schwaben verdriessen ward / ein messer nam / das Läberlin von einander schnitt / vnd aß es. Vñ als das essen auff den tisch kam / vnser Herigott fragen warde / wo das Läberlin hinkomen wer? Der Schwab balt antwort: Es hat keins gehabt. Ey sagt vnser Herigott / wie wolt es gelebt haben / wenn es kein Läberlin gehabt hette? Es hat bey Gott vnd allen Gottes Heiligen keins gehabt. Was wolt vnser

Der Wegfärker.

Unser Herigott thün/wolt er haben das
der Schwab still schwig / müßte er wol
zufrieden sein. Tün es begab sich / das
sie widerumb mit einander spazierten/
leutet man abermals inn zweyen Dörff-
fern. Der Schwab fragt: Lieber was
leutet mā da? In dem Dorff leutet man
zū ein todten / in dem andern zūr hoch-
zeit/saget vnser Herigott. Ja/sagt der
Schwab/geh du zūr hochzeit/so wil ich
zūm todten / vermeynet er wölte auch
hundert gülden verdienen. Fraget ihn
weiter: Lieber wie hast jm gethan/da
du den Todten aufferweckt hast? Ja/
sagt vnser Her: Gott / ich sagte zū ihm:
Stehe auff im Namen des Vatters/
Sons vnd Heiligen Geists. Da stund er
auff. Ist güt/sagt der Schwab/ich weyß
ihn wol zūthün / zohe hin / Kam zūm
Dorffe/da man jm den toden entgegen
trüg / Das der Schwab als baldt sahe/
mit heller stimm schrey: Halta/halta/
ich wil ihn lebendig machen/vnd wenn
ich ihn nicht lebendig mach/so hencfet
mich ohne Ortheil vnd Recht. Die güt-
ten Leut waren fro/verhiessen jm hun-
dert

bert gulden/ vnd sagten den baum dara
inn der Todt lag / nider. Der Schwab
thet den sarch auff / sienge an zû sprech
en: Stehe auff im namen des Vatters/
vnd des Sons/ vnnnd des Heiligen Geis
stes. Der tod wolt nit auffstehn / Dem
güten Schwaben war angst / sein seggen
zû anderen vnnnd dritten mal sprach.
Als er aber nicht wolt auffstehn / sprach
er: Ey so bleib ligen in tausent Teuffel
nammen. Als nûn die Leut sahen / das
sie mit dem Narren betrogen waren /
den sarch stehn lieffen / vnd den nechsten
mit im den Galgen zû eilten / die Leyter
anwarffen / vnd den armen Schwaben
hinauff fürte / vnser Herigott zohe fein
allgemach hernach / dann er wol wuste
wie es dem Schwaben gehen würde /
wolt sehen / wie er sich doch stellen wür
de / zûm gericht kam / vnd sprach: O gû
ter Gesell wie hast du im than? in was
gestalt sihe ich dich da? Der Schwab an
sienge zû schelten / vn sprach / er hette im
nit recht gelert. Ich hab dich recht ges
lert / sprach vnser Herigott / du hast ihm
aber nit recht gethân / im sey aber wie im
wölle /

Der Wegführer.

wölle/ wilt du mir sagen/ wo das Lüber
lin hinkomen ist/ so wil ich dich erledigē.
Ach sprach der Schwab/ es hat warlich
Keins gehabt/ was zeyhest du mich. Ey
du wilt es sonst nit sagen/ wolan sags/
so wil ich den todten lebendig machen/
vnd dich erledigen. Der Schwab sieng
an zūschreyē/ hencfēt mich nūr/ hencfēt
mich nūr/ so kom ich der marter ab/ der
wil mich geheyen mit dem Lüberlin/ vñ
hört wol das es Keins gehabt hat/ henc
fēt mich nūr fluck's. Wie solches vnser
Herrgott höret/ das er sich ehe wolt hen
cken lassen/ weder die warheit bekenen/
befahler in herab zūlassen/ vñnd er ma
chet selbs den todten lebendig. Nun sie
zogen mit einander heym/ sprach vnser
Herrgott zūm Schwaben/ komme her/
wir wollen mit einander das gewunnen
gelt theilen/ Dann wenn ich dich allwe
gen solt am galgen erledigen/ würd mir
zū viel sein/ name also die zweyhundert
gülden/ vñnd theilets in drey theil/ als
solches der Schwab sahe/ sagt er: Ey
lieber warumb machest du drey theil/
seind doch vnser nūr zween? Ja sprach
vnser

vnser Herigott/der ein ist mein/der and
 dein/vnd der dritte ist dessen der das lã-
 berlin gefressen hat. Da solchs d̄ schwa-
 be hört / sprach er: so hab ichs bey Gote
 vn̄ allen Gottes heiligen gefressen/vnd
 daruor / wolt er sich ehe henden lassen/
 the er es bekennen wolt/aber da ers gelt
 sahe/bekannt ers vngenötet.

Ein Pfaff der am Ostertag das Requiem sang.



In einem Dorff ein guter ein-
 feltiger pfaff saß / vn̄ das zu den
 D zeiten

Der Wegführer.

zeiten da die Pfaffen nit als gelehrt gewesen/als zu vnsern zeiten / welcher am dem Ostertag nicht wußt/ was er doch für ein ampt singen solt/in die Stadt so nahe bey seinem Dorff was/seinen messner zu dem pfarrer schickt in zu fragen/was er für ein ampt den zukünfftigen Sonntag den Ostertag singen solt? Der pfarher die einfaltigkeit / vñ den kleinen verstandt des Capplans verwundern ward / dem Messner zu antwort gab / Er solt sein pfarher sagen / das er das Resurrexit senge. Der Messner zohe vom pfarher/nit weyß ich / ob er zum Wein gangen / oder ob er sonst so viel zu versorgen gehabt hat / er hat ihne des namens vergessen. Als er nun heyme kommen/hat ihn der pfaff gefragt/was der pfarher gesaget habe? Ich weyß nit / sprach der Messner / wie ers genannt hat / ich weyß wol das es Requiem ist. Der pfaff schnell antwort: Ja warlich es wirt das Requiem sein / dan es morgen eben drey tag/das vnser hertz Gott gestorben ist. Sang also am heiligen Ostertag ein Requiem.

Vom

Von einem Juden / der ei-
nem Gauckler ein fuß auß
dem Leib gerissen.



Vff ein zeit ist ein wunderbar-
licher kund gewesen / der viel vnd
mancherley kurtzweil vnnnd aben-
thewr mit gaucklen ein vnnnd dem an-
dern sein tag getrieben hat. Vnd eins-
mals hat er viel Strowische gemacht /
dieselbigen vergaucklet / also dz man nie
anders gemeint / daß es wer ein grosser
hauffen Genß / vnd hat sie feyl geboten.

D ij

Welches

Der Wegführer.

Welches ein Jud gesehen / im fürnam /
die Genß allsam zukauffen / vnd ers her
nach mit wücher vnd gewinn verkauf-
fen wölte. Zu dem Gauckler trate /
ihn fraget / wie er die Genß alle mit
einander gebe? Der Gauckler die Genß
im vmb ein summa bott / vnd nach lan-
gem marcktē sie / mit einander des kauf-
fes eins wurde. Nun der Gauckler als er
das gelt empfangen / den nechste in das
Wirtshaus gieng / dem Wirt solche
sach zuwissen thete / wol gedacht / der
Jud baldt den betrug finden würd / mit
dem Wirt ers anlegt / wie er im forthin
thun wolt / vnd bat ihn / er wölt im be-
hülfflich sein. Der Jud als er die Genß
kauft hett / sie in das wasser zutricken
triebe. Als sie aber hinein kamen / eitel
Strowisch wurden / vñ das wasser hina-
ab flossen / da der Jud baldt sahe vnd er
kannte / das er von dem Narren betros-
gen ward / den nechsten sich des Gauck-
lers Herberg zunahete / das der Gauck-
ler baldt ersehen hett / sich auff den bank
niderleget / nicht anders thete / als ob er
vor völle des Weins entschlaffen were.

Nun

Nun als der Jud inn die Stuben kam/
nach dem Gauckler fraget / den er auff
dem bancf liegen fande / ihn bey dem fuß
nam / vnd in weckt. Der Abentherer
aber thete / als ob er gar hart schliesse/
das den Juden verdriessen thete / den
Gauckler gar zorniglich risse. Nun in
solchem reissen / der Gauckler sein aben-
thwer triebe / also / das meniglich ge-
dacht / der Jud hett jm ein schenckel auß
dem leib gerissen / sich auß dermassen v-
bel gehub / nit anders thet als ob er vor
grossen schmerzen sterben müste / wer
war vnmütiger / weder der arme Jud/
der nit anders meynt / dann vmb solche
vbelthat / sterben müste / hette gewölt
den Gauckler mit seinen Gensen nie ge-
sehen / der stubenthür züeilte / vnd ver-
meynt zü entlauffen. Der Würt aber
mit dem es der gauckler angelegt hett/
den Juden bey dem haar erwischet / vñ
sprach: nit also / halt still ich bin meinem
Gast gûts schuldig / wann er also stür-
be / wie wolt sein freundschaft gebüßt
werden / wann du entlieffest / Darumb
mußt du hie gefenglich sein. Der Jud
D iij bat

Der Wegfürker.

bat umb Gottes willen / man solt ihn
lauffen lassen / er wolt alles geben / was
man begert. Ey so gib hundert gülden /
vnd lauff an liechten Galgen / sprach
der Wirt. Wer was frölicher dann der
Jud / das er mocht mit gelt abkōmen /
die hundert gülden darzelet / vnd sich
auffs beldest so er mocht / trollet / dann
er forchte wann er begriffen / wurd ihm
nit wol gewartet werdē. Als der gauck-
ler sahe den Juden entlauffen / auff sei-
ne fuß sprang / wol zū mūth was / das er
den Juden also betrogen hett / jederman
des schimpffs gnüg lachte / vnd dapffer
zechten allweil des Juden gelt weret.

Zween Gefellen fuhren vber Rhein.

Zween gesellen kamen zū Soma-
mers zeiten zūm Rein / weren gern
hinüber gefaren / so war der pferch
nit verhanden / zū dem hetten sie beyde
nit sehr viel gelt / Derhalben sie mit ein-
ander anlegtē / welcher zūm ersten kra-
get /

zet / Der solt den fürloñ für sie bezalen.
 Nū hett aber der ein dē erbgrindt / Der
 ander was sonst reudig. Als sie nū lang
 gewartet / der pferch nit kōmen wolt /
 vñd die Son den auff sein haupt stach /



darnon er das kragen nicht lenger ver-
 tragen mocht / anhub zū reissen vñd im
 kopff kragen / er schrey holla / pferch
 holla / wie solches der andere sahe / das
 er es gewinnen hette / vñd vergebens
 hinüber faren würde / auch das schiff in
 D uñ schon

Der Wegfürker.

schon gegen im kommen sahe / vnnnd die
in auch von hitz wegen der Sonnen zu
beissen begundte / sieng er an sich zu Ju-
cken / vnnnd sange: Gott sey gelobet der
Pferch der wil vns holen / solches triebē
sie / biß das das Schiff lin zu ihnen kam /
füren also mit einander hinüber / wel-
cher aber den fürlohn hat müssen beza-
len / gib ich einem jeglichen selbs züber-
dencken.

Dosch der bezalet die Zech nicht.

IN selkamer Abentherer
noch bey Menschen gedechtnuß
gewesen / von dem viel zūschreie-
ben were / derselbig ist auff ein zeit in ein
herberg gen Dillingen komen / vnd all-
da zechet. Nun als die zech ein end ge-
habt / hat er die Würtin gefrāget / ob sie
im beyten wölle. Meyn ich warlich / lie-
ber Dosch / sprach die Würtin / ich beyt
dir nicht / du müst bezahlen. Nun als der
güt gesell kein Gelt gehabt / oder sonst
villeicht

villeicht nicht zůbezalen willens gewesen/ vnd dannoch die würtin bezalt hat sein wollen/ist er hinauß gangen/als ob er das wasser wöll abschlagen/aber den nechste zům hauß hinauß gangen/welches die Würtin ersehen hat / den nechsten vnter die Thür gelauffen vnnnd geschryen/beyt Dosch beyt/bezale die zech vor. Meyn / sprach der Dosch/ich beyte dir warlich nicht / du hast mir auch nit beytē wöllē/zoch also seinen weg fort. Die würtin aber schrey jm weiter nach/beyt/ Doch bezal die zech. Du hörst wol sprach der Dosch / Ich beyt dir nit / du hast mir auch nicht beyten wöllē/zoch heym vnd ließ die Würtin schreyen.

Schaaß entlehnet Dosch vmb das halb.

Als ein zeit kame Dosch wider zů seiner Würtin/vnd die Würtin verdinget ihm etliche Schaf vmb das halb zůziehen / Da sie nūn also miteinander gedingt hetten/sprach Dosch:
D v Wolan

Der Wegfürker.

Wolan Würtin/die halben Schaf sind
mein? Ja lieber Dosch sprach die Würtin:
Wolan in Gottes Namen/so wil
ich meine schaf heym treiben / so behalt
en jr die ewere auch daheym. Sohe also
mit seinen Schafen zu hauß. Nun ge
dacht die Würtin (die auch ein seltsame
abentherwrin gewesen) wie sie doch Do
schen auch ein mal betriegen möcht/vn
eins tags sich begab/das Dosch ein ross
in jr herberg rit/das er verkauffen wolt.
Da gedacht die Würtin/ es ist zeit/ ihm
auch ein bößlin zuthun/sagen thet: Lie
ber Dosch gib mir dein ross zukauffen/
ja sprach Dosch ich gibs euch zukauffen.
Die Würtin sprach: Wolan ich wil dirs
abkauffen / aber wie ich dirs abkauff/ so
wil ich dir halb heller vnd halb pfennig
gebē. Des Dosch wol zufriedē was/ vnd
sprach: Es jm güt gelt were. Nun der
kauff ward vmb vier gülden gemacht.
Da gieng die Würtin hin / suchet eitel
halbe zerbrochene heller vnd pfennig
auß/vnd zelets Doschen dar. Ach liebe
Würtin sprach Dosch / was soll ich mit
dem gelt thun? Ich kan warlich nichts
damit

damit außrichten. Ey lieber Dorsch/di
weyßt wol wie wir mit einander seind
eins worden / nemlich / das ich dir halb
heller vnnnd halb pfennig geben soll/die
nimb hin / vnnnd biß zûfrieden. Ist bey
Gott recht/sprach Dorsch/ ich hab euch
mit den Schafen beschissen / so habt ihr
mich beseycht / zohe also heyme mit sei
nen zerbrochenen hellern vnnnd pfen
ningen.

Die Bawren verklagen Dorschen.

Dorsch riete stets seine Ross
den Bawren in die äcker/ die den
Saamen abfrassen/ darauß den
Bawren grosser schaden entstunde / in
offtermals darfür baten solchs müßig
stehn/ oder sie würden gezwungen in zû
verklagen/ des er sich wenig irren liesse/
sondern seine ross je mehr in die saamen
schlûg/ welchs inen lenger nit zû gedul
den war/zogē hin/vnd verklagte in vor
dem landuogt. Der landuogt beschickte
Dorschen/

Der Wegfürker.

Doschen/ hielte ihm solches für/ mit be-
felch/ er solte sein müßig stehen/ oder er
würd zu einer hohen straff gezwungen.
Darauff Dosch als bald antwort: Herz
Vogt/ sie liegen mich an/ wie Dieb vnd
bößwicht/ ich reyt sie nicht in die äcker.
Gott Dosch/ sagt der Landvogt/ Sihe
was du redest/ du wirsts beweisen wer-
den. Hört jr nit Herz Landvogt/ sie lie-
gen mich an/ wie Dieb vnnnd bößwicht/
das ichs in die äcker reyt/ aber also thue
ich jm/ ich reyt sie biß zum acker/ sind es
dann nicht schelmen in der heut/ so ge-
hen sie selb darein. Des der Landvogt
lachen ward/ jm befahl heym zuziehen/
vnd forthin die roß daheym behalten.

Ein Liedlin singt Dosch

der Würtin vmb die

Zeich.

Ins mals hett Dosch gern ge-
zecht/ vnnnd hette kein gelt/ vnnnd
forcht die Würtin würde jm nie
borgen/ so würd er sich nit können auß-
reden

reden wie vormals / Derhalben ein an-
 dern sinn erdacht / sich zu seiner würtin
 fügt / vnd anfieng zu zechen. Nun als
 die zech ein ende hatt / jederman anfieng
 ge zu bezalen. Leglich es auch an Dos-
 schen kam / der sich als baldt entschuldig-
 get / er hette kein gelt. Daran die Würtin



ein kein vernügen wolt haben / sondern
 sein herten begert. Da fieng Dossch an /
 vñ sagt: Liebe Würtin wenn ich euch ein
 Liedlin sing / das euch gefiel / wolt jr mir
 die zech schenckē? Ja / sagt die Würtin /
 wenn du mir eins singst das mir gefelle /
 so wil ich dir die zech schenckē. Aber bey
 ihr

Der Wegfärker.

Ihr selbs gedacht / du müst lang singen/
ehe du mir etwas singst das mir gefellt.
Als er nūn lang gesungen / vñ nie nichts
der würtin gefallen wolt / zohe er seinen
seckel herauß / vñ sang: Komb her mein
liebes seckelin / vnd bezal der Würtin jr
zechlin. Fraget die Würtin ob ihr das
liedlin gefiel? Ja sagt die Würtin / das
gefiel mir wol. Wolan / sagt Dorsch / die
weil es euch gefellt / so ist mein zech be-
zalt / seinen seckel in bāsen schobe / heym
zū hauß gienge / vñnd vmb das liedlin
gnüg gezechet hette.

Es were noch vil von diesem Dorsch
en zūschreiben / w3 selzamer abentheur
er seine tag getrieben / so wil es sich aber
hieher nicht schicken / dann wo es vnter
die Edlen Jungfrāwlin kommen solt /
würde sie ire zūchtige äuglin mit scham
vnterschlagen / vnd dem Schreiber diß
büchs wenig ehren vñnd zucht nachre-
den. Derhalben ich es vnterwegen ge-
lassen. Wenn aber jetzt zū den zeiten
also ein schimpfflicher Mañ were / wür-
de mans einem gleich in argem auffne-
men / dan die leut also stoltz / tyrannisch
vnd

vnd vbermütig worden / das inē armer
kurzweiliger leuten abentheur mit ge-
fallen wil/sonder von gewaltigen sache-
en her redet/ wie sie König/Keyser/Sür-
sten vnnnd Herren kriegen wollen/reden
inen auch nach/ das es ein schand vnnnd
laster ist/aber so sie vor den Herren selbs
sind / ziehen sie inen das helmlin fein wol
durchs maul / können auch den Fuchß-
schwanz dermassen streichen / das man
ir böse tück nit an inē mercken kan. Das
selbig aber ist nichts anders / dann ein
Sulcanischer anboß/darauff der teuffel
solche böse giftige pfeil schmidt die bö-
sen nachredigen Leuth aber sind solche
pfeil/darwid die Herren zur gegenwehr
brauchen sollen/schwerdt/thurn/stöck/
blöck/ vnd anders/des sie gut fäg vnnnd
recht haben / dann der gewalt inen von
Gott geben ist. Dargegen ist mancher
Herz / der sich solchs seins gewalts vber-
hebt/ vnd den mißbraucht / seine arme/
ja auch fromme vnterthanen/mit schä-
tzen/einem vnd dem andern plagt/inen
das marck auß den beynen sauget / das
Gott von himel herab sehen möcht. Ob
inen dann solches von Gott geschenck

Der Wegfürher.

wirde/glaub ich sicher nicht. Das aber
eine Oberkeit gar zu milde sein soll/ ist
auch nit gut/ sonder sie soll das schwert
über den ungerechten / dapffer vn̄ hart
brauchen/ ihn gantz vnd gar vertilgen:
dann inen solchs von Gott befohlen ist.

Warumb die Hund ein- ander für den Hindern schmecken.



In den Zeiten haben die Katzen
vnd Hund ein grossen Streit mit-
einander gehabt: dann die Hund
gemeynt

gemeynt / die Katzen solten den hunden
in allen dingen / es were mit essen / einent
vnnnd dem andern / den vorgang lassen /
welchs aber die Katzen nit thun wöllen /
sonder sich mit jrē scharpffen neglen zur
gegenwehr gesetzt / vñ den hunden in all
weg obgelegen. Das die hund auß der
massen vbel verdrossen / auffgewest / vñ
mit einand zu ihrem König so in fernen
landen gefessen / gezogen / vnd ihm den
handel / warumb sie zu ihm kommen / er-
kleret / auch vmb Privilegia / wider die
Katzen / gebetten. Ir König hat die wei-
tere yß vnnnd die grosse schar angesehen /
vnd bedacht / vnd sie gewaltig Privile-
girt / also / das fürhin die hund inn allen
sachen solten den vorgang haben / vnd
die Katzen erst den letzten. Wie sie nñ
nahend bey heymat waren / kamen sie
zu einem grossen fliessenden wasser / dar
über kein bruck gienge / vnnnd auch kein
schiff da war / darinn sie hetten mögen
hinüber fahren / war ihnen sehr angst /
wußten nit wie sie dem brieff thun sol-
ten / das er nit nass wüird. Doch leglich
zu rath wurden / es solt den brieff einer

L

vnter

Der Wegfärker.

unter den schwantz nehmen / so bliebe
er trucken. Der rath inen allsamen wol-
gefiel / gaben also einem den brieff un-
ter den schwantz / lieffen sich in das was-
ser / vnnnd schwamen hinüber / ich weysß
aber nit / wie es der mit dem brieff ober-
sah / je er empfiel jm / vnnnd schwam das
wasser hinab / das jr keiner gesehen het-
te. Als sie aber hinüber kamen / fanden
sie den brieff nit / giengen umbher / vnnnd
schmecket jhe einer dem andern für den
hindern / aber sie funden in nit. Derhal-
ben sie noch heutigis tages also einand
anschmecken / vnnnd noch stets vermey-
nen / sie wöllen den Brieff finden. Aber
ich fürcht es sey vergebens.

Ein Junger gesell erwarb eins Königs Tochter.

INzeiten ist ein gewaltiger
König gewesen / dessen nam mir
unbekant / derselbig hett mit sei-
nem Weib ein einige Tochter / die auß
dermassen ein schön Mensch war / also /
das

Das sie von jedermann die schönst in der
ganze welt geschetzt war / von deswe-
gen sie auch der Vatter kein Man / wie
mchtig er auch war / verheyraten wol-
te / sonder sie stets vor seinen augen / als
ein spiegel behalten / vnd im nit wol ge-
wesen / sie sey dann bey im. Als es begab
sich das der jungen Königin ein wartz-
lein am leib wüchse / darvon sie so vn-
mässig traurig ward / das sie sich zu beth
legt / von tag zu tag abnam / vnd sich so
obel gehub / das man meynet sie müste
sterben. Der König / als er solche seine
tochter betrübt sahe / auch schier vor ley-
de gestorben wer. Sie fragē ward / was
ir brest / oder ob man ir etwz widerdrieff
gethan hett / sie solt ihm sagen / oder ob
sie ein mann begert / so wolt er ir ein ge-
ben / allein sie solt auffstehn vnd wol zu
müt sein. Die Jungfraw wolt es aber
keins wegs sagen: dann sie vermeynt /
es ein böß ding were / weñ sie es sagte / es
möcht ir villeicht spott vnd schand dar-
durch zustehen / bat den Vatter rüwig
zu sein. Wie nun der König sahe / das
kein besserung vmb die jungfrawe war /
E ij sondern

Der Wegfürher.

Sonder von tag zu tag je lenger je mehr
abnam/ließ er ein gebot außgehn/Wel-
cher jm sein tochter lachen machet/dem
wolt er sie zu der Ehe geben. Da ward
mancher gefunden/ der der schönē jung-
frawen mit seltsamen Instrumenten zu
hofkame/ jeglicher das best so er kundt/
hören ließ/ ein jeglicher vermeynet die
Jungfraw zu vberkōmen/ welchs aber
alles vergebens was. Biß letztlich kam
ein schöner Jüngling/ welcher sich inn
Jungfrawen Kleyder verkleydet hette/
der alle Weiber arbeyt/ als spinnen/
näen/mit seidenstücken/einem von dem
andern wol kundt/ darzu mit harpffen
schlagen/ Beygen/ pfeissen/singen/vnd
allen Instrumenten gantz wol erfaren
was. Der fügt sich zu der Jungfrawen/
schlög die harpffen vor der Königin/das
der Königin wol gefiel/ vnd bat in bey
ihr im Frawenzimmer zusein/dann jeder-
mann meynt/ er ein schöne Jungfraw
were/des der Jung wol zūmūt was/ge-
dacht sein sach solt gut werden. Nū es
nit lang anstund/der Königin des jūng-
lings geberden so wol gefiel/das er bey
ihr

ihr in irer Kammer ligen müßt/ vnd wenn
 die Königin nit schlaffen mocht / schlus
 ge er jr die harpffen/etwann die lauten/
 biß sie entschlieff. Nū die Königin wolt
 nit lachen / Gott geb was er mit jr ma-
 chet. Vnd auff ein zeit / als er neben jr
 lag / sieng er an zū sagen / vnd sie zū fras-
 gen / was jr doch breste / das sie für vnd
 für so trawrig were? Ach / sprach die
 Königin / ich habß keinem mensche nie
 wöllen sagen / ja auch meinem eigenen
 Vatter nit / Aber dieweil jr liebe gespiel
 mich fragt / so wil ichs euch sagen / vnd
 wisset / das mir vor etlichen wochen ein
 wärzlin an der seyten gewachsen ist / vñ
 ich fürchte es werde mir etwas schaden
 bringē / Kan aber wol gedencen / das es
 mir zū einer straff von Gott geschickt
 sey. Dann mich mein Vatter nie keinem
 Mann verheyrathen hat wöllen / wie
 mechtig er auch gewesen / sondern mich
 allwegen als für ein spiegel vor seinen
 augen behalten / darumb ich wol weysß /
 das mir von Gott solches zūgesendt ist /
 vñ ob man mich schon jezund gern ver-
 heyrate / so wil ich aber kein haben. Dañ

Der Wegfürker.

Ich wol weysß / so einer solches an mir sehen würd / würde ich von jm ganz vnd gar veracht vnd vnwert gehalten. Vnd nach solcher red kläglich anhub züweynen. Der jung gesell so sich für ein Jungfraw außgabe / die Königin so best er mocht / tröstet / sie soll güter ding sein / bat sie / sie wölte ihn doch das wärzlein greiffen lassen. Die Königin der Jungfrawen hand nam / vnd jm das wärzlin wise / des der Jung gesell heymlich lachen was / das sich die Königin so vbel an einem solchen kleinen ding gehube / ihn zeit dauchte / das er sich der Jungfrawen züeignen vnd zü erkennen geben / sie weiters tröstet / vnd sprach: Ein vnverstandner Mann sein müßt / der ihr solches verweissen / oder dest vnwerder halten wolte / dan es jr gar nichts schiede / so were manches Mensch / das der wärzlin viel hette / wie sie dann auch selbs eins hett / damit der Königin hand nam / jr die auff sein wärzlin setzet / welches zü güter massen lang vnd starck ward / darvon die Königin begundt zü lachen / dann sie wol sahe vnd vername ihn

ihn ein Mannsbild sein / sich sehr verwundert / das er sich so lange zeit an ihrem Hof / vnd bey ihr an irem beth / wie ein Jungfraw enthalten hette / anhub vber laut zulachen / das iren viel Jungfrawen wol horten. Dessen der Junge Gesell wol zümüth was / auß dem beth sprang / züm König lieffe / vnd im solchs anzeigt. Der König der sein gelübd nicht mocht hinder sich gehn / dem Jüngling die Tochter gab / dessen die Jungfraw wol zümüt was / also bey einander lange zeit in grossen freuden lebten.

Ein Student wirdt

zu einem Nach-
richter.

In schöner wolgelerter Jüngling / der von jugent auff gestudiret / vnd jetzt die zeit vorhanden / das er Magister Artium werden solte / seinem Vatter heym schrieb / er solt ihm Gelt schicken / dann er müste Meister werden. Der Vatter zimlich vil Gelt an
 K iij seinen

Der Wegfürker.

seinen son gehenckt/ vnd noch kein auff
hörens da sein wolt/wol sahe/ im wider
zuschrieb/ ein hencfer wer auch ein meis-
ter. Da nū d gūt studiosus sahe das sein
vatter im kein gelt schickte/ im darzū ent-
botē/ er solt ein hencfer werde/ ward er
in zorn bewegt/ den nechsten zūm Hen-
cker gieng/ das handwerck von ihm lern-
et/ vnd in kurtzer zeit auf gelernet het-
te. Wie nū der Vatter sahe/ das sein
son ein hencfer worden/ ward in seiner
hertigkeit sehr gerewen/ groß gelt gab
damit er sein son widerum daus kauffte.
Doch dorfft er sein lebenslang vnter kei-
ne ehrliche Gesellschaft nimmermehr
gehen: dann im stets auf gehebt ward/
er were doch nū ein hencfer. Also sein
lebenslang von jedermann verschmecht
bleiben müßt.

Es ist ein grosse schand vñ laster den
Eltern/ das sie ire Kinder dahin ziehen/
das sie studiren müssen/ vnd hernacher
so es an dem ist/ das sie zū Herren wer-
den sollen/ erst die handt abziehen/ vnd
sie also hülf flos stehen lassen/ were viel
weger/ man hette es von ersten vnter
wegen

wegen gelassen / vnd ihm von ersten ein
 schauffel inn die hand geben / ehe er sich
 zum studieren gericht hett. Ja möchten
 die eltern fürwenden / mein son hat mir
 nicht gefolgt / ja du müstest in darnach
 gehalten haben / es wirt mancher durch
 hertigkeit seines Vatters zu vngewor-
 sam gezwungen / also / das etwan einer
 muß außtreten / vnd seine Vatter wei-
 te lassen / dan was fremd einer mag ha-
 ben / der also vom Vatter hülffloß ste-
 het / gib ich einem jeglichen güthertzigē
 sonderlich zu bedencen / nemlich / das
 demselben all sein freud zu boden liget /
 dardurch dan der son gezwungen wirt /
 heym zu ziehen / vnangesehen / wie hart
 sein Eltern sich gegen im halten. Wenn
 it aber der Vatter nit will auffnehmen /
 wirdt er gezwungen / sich etwan in ein
 teuffelisch verfürisch leben zu geben / da
 mit er sich selbs inn abgrund der hellen
 stürzt dahin in der Vatter bracht hat.
 Ob aber solches den Eltern geschenck
 wirdt / kan ich nit wessen. Vnd ob schon
 fürgeworffen wirt / Gott hat gebottē /
 Ir Kinder seit den Eltern gehorsam /

¶ v das

Der Wegfärker.

Das hat mein son nit than / dann er mir
je vñ allewegen vngehorsam gewesen/
darumb wil ich ihn nit mehr haben. Ist
war / Gott hats befohlen. Er hat aber
auch gesprochen: Ir eltern reyzet ewe-
re kinder nicht zñ zorn. Dieses Gebott
vergessen meine Väterlin / schlagens in
wind / vorab wenn sie zñ viel most ge-
laden / komen heym / muß also vber den
frommen Son außgehen / vnangesehen
was G^ott gebotten hat / Darzñ dann
die stiftmütterlin dapffer schierem kün-
nen / da lesset man kein zñ verantwor-
tung kōmen / jr schreyen muß fürgehen /
der hat das von dir gesagt / darumb ist
das dein verdienter lohn / den soltu hie-
mit empfangen / ist dan das billich / G^ott
lich vnd recht / einen in voller vnd toller
trunckner weiß / vnverschulter sachen /
schlagen / rauffen / vnd treten / kan ich
bey mir nit finden / sonder dasselbig Ty-
rannisch / Türckisch / Vnmenschlich / ja
auch Teuffelisch schätze / Ich versihe
mich / es solte ein jeglicher Vatter wol
wissen / wie er seine Kinder straffen sol /
nemlich / mit rñthen / vnd dasselbig mit
lachendem

Ichendem mund/darff er nicht sorgen/
 Das er ihnen ein Ripp oder anders ent-
 zwey schlage/aber/man wils vergessen/
 Derhalben mich für güt angesehen hat/
 dasselbighe hie ein wenig zümelden / da-
 mit sich ein jeglicher / was ihm zuthun
 seye/erinnere. Das hab ich aber hieher ge-
 setzt/das sich die Väter ein wenig Got-
 tes befehl erinnern / wiewol ich wol
 weyß / mir solches in argem außgeleget
 werden/ frage ich doch wenig darnach/
 versihe mich auch / es werde mir solches
 kein vnschuldiger auffheben / sondern
 etwan einer / den ich getroffen / zu ver-
 antworten vnterstehen.

Ein Landfknecht lehrt ein
 Edelmann/wie er im thun
 solle/das im nit friere.

Als ein zeit ritt ein Edelmann
 vber feldt/den auß dermassen (wie
 wol er wol gekleydet was) frore/
 dann es hefftig schneyet / dem begege-
 net ein armer zerrissener Landfknecht/
 welcher nichts vnd oder an hat/dan ein
 altes

Der Wegkürzer.

alts fischernez / das er villeicht kürtzlich
von einem Fischer gartet hatt / vnd ihu
dannoch nicht fror. Als der Edelmann
den zerrissnen Landfknecht sahe / sich
sehr verwunderte / das er nit erfrore / in
fragen ward / ob es in nit fröre / dieweil
er so gar nackend gieng / vnnnd fröre ihu
doch auff dem roß / wiewol er wol kleyd
det wer? Wie / sprach der Landfknecht
ist es kalt? Thet also ein finger züm netz
hinauß / zucktet den also baldt wider zu
im / vnd sprach: Schuch / schuch / ist es so
kalt. Das der Juncfherz wol sahe / ihn
fragen ward / Lieber lehr mich / wie du
im thüßt das dich nit friere / so wil ich dir
ein kleydt schencken. Der Landfknecht
war sein wol züfrieden. Vnd wie er das
kleydt hett / saget er züm Juncfherin:
Wolan vester Juncfherz / so jr wölt das
euch nit friere / so legt all ewere kleyder
an / dann ich all meine kleyder anhab /
darumb mich nit friert. Sohe also dara
von / vnd hat mit seiner kunst ein kleydt
vberkommen.

Nich bedunckt man solt der Edel
lent jezund nicht viel finden / die einens
armen

armen so trew weren / das ihm ein par
 batzen schencken / wil geschweigen von
 neuen kleyden / sondern hencfens alles
 an jren stolzen madensack / Gott geb/
 der arme sterbe hungers / erfriere / oder
 gehe jm wie es wöll / wenn sie allein tag
 vnd nacht voll stecken / vnd vergessen
 des grewlichen vrtheils GOTTES ganz
 vnd gar / da er sprechen wirt: Gehet hin
 jr vermaledeytten in das ewige vnauß-
 löschliche fiewr / welches euch vnd allen
 Teuffeln von anfang der Welt bereyt
 ist / Ihr habt mich nit gespeiset / getren-
 cket / Ihr habt mich nit bekleydet / dann
 ich bin nacken gewesen / Wo werden da
 meine zerlin sitzen? Was werden sie
 darzü sagen? Da würd man gerne golt/
 gelt / haab vnd güt den armen geben/
 das man wider erlöst were / vnd solt
 man darnach ganz vnd gar mangeln.
 Aber es wirdt alles vergebens sein. Ja
 man wirdt weniger herauß kommen /
 weder ein Kamel durch ein nadelör ge-
 hen mag. Darumb O lieber Mensch/
 wiltu dein seel von der ewigen verdam-
 nuß erretten / so gib gern allmosen dem
 dürfftigen

Der Begürker.

dürfftigen vmb Gottes willen / gehend
das du Gott solchs selbst thust: dann er
je gesprochen hat / Was jr dem mindesten
in meinem Namen thut / das habt jr
mir gethan. Sihe wie schön / herrlich /
vnd gewaltig wirst du dann scheinen /
wenn du mit den lieben Engelen vnd
außerwehlten Gottes / in das Himmels-
reich / vnd in die ewige vnauffhörliche
freud eingehst. Dargegen aber die vna-
getrewen / Gottlosen / verruchten / Ty-
rannischen Menschen in abgrund der
Hellen faren müssen. Lieber Christ / ge-
denck jm selb nach / nimm freud vnd trüb-
sal gegen einander / besihe sie eigentlich /
zweiflet mir nicht / du wirst freude für
I yd erwehlen. Wilt du nun die ewige
freud Gottes besitzen / müßt du war-
lich auch darumb thun / was sich gebü-
ret / dann Gott vmb dein böß sündlich
leben dir solche nicht geben wirdt /
sonder vil mehr vmb dein
gerechtigkeit.

Die

Die Handtwercks gesellen
 führen eine zu Straßburg
 im Schlitten umb
 her.



Zu Straßburg hat ein Metzger
 ein faule schlefferige magd gehabt/
 wie dann jertzund schier gemeinigt
 lich alle Mägde seindt/ Dieselbige auff
 ein Nacht / als jedermann schlaaffen
 gewesen / erst (mit züchten zümelden)
 die Fuß hat wäschen wollen. Nun hat
 aber

Der Begärter.

aber der Metzger erst denselbigen tag/
vnschlit geschmeltzt / dasselbig hin vnd
wider/in gelten vñ züberlin gossen/vnd
stehn lassen / wie nün die magd sahe das
jedermann schlaffen was / in die kuchen
gienge / suchet ob nirgends kein warm
wasser were/vñ vngeserde zu einem zu-
berlin kam / darein der metzger vnschlit
gossen / welchs noch ein wenig warm
war / die magd meynt es ein warm was-
ser were / ein stülen nam / vñnd sich mit
den füßen in das vnschlit stelte. Nün
der Magd thete die werm des vnschlits
so wol / das sie entschliesse / vnd nicht er-
wachet biß es morgēs taget / also in der
nacht das vnschlit gestunde / das sie die
füß nicht gewinnen mocht / Gott gebe
wie sehr sie sich bemühetete. Wie nün die
Knecht am morgen auffstunden / fanden
sie die Magd im vnschlit sitzen / namen
sie vnd setzten auff ein schlitten/vñnd
fürten sie inn der Stadt umbher / dann
es eben in der Faßnacht war / vñnd als
jedermann die Magd gnüg gefaszt het-
te / fürten sie die gesellen auff dem schlit-
ten in das bad / vnd ließen das vnschlit
auff

auffschmelzen / Darnach zohe die gute
Köchin heym / vnnnd wolt nicht mehr so
schläfferig sein.

Von einer andern schläffer- rigen Dirnen.

Noch ist ein solche Dirnen ge-
wesen / die an einem ort / welcher
nammen mir abgefallen / bey ei-
nem Meister gedienet / den man allwe-
gen für ein Kargen fützen geschetzt / nit
weyß ich / ob man jm recht oder vnrecht
than / Dañ einer leicht verschuldē mag /
das er den leuten in die meuler Kompt /
derselbig schicket sein Magd an einem
Sambstag am morgen / in das holz / nñ
die Magd macht ire bürde fluck's zusā-
men / vnd sahe wol das es noch frū war /
da es erst drey geschlagen / gedachte sie
wolt ein kleines schlāfflin thūn / Keme
dannocht noch wol heym / legt also das
holz nider / vnnnd legt sich dar auff / vnd
entschlieff als baldt / ich weyß nicht wie
es die güt Tochter vbersahe / oder wie
S sie

Der Wegfärker.

ſie im than hat/je ſie ſchlieffe widerumb
biß morgen wider vmb die drey vhren/
das ſind vier vnnnd zwenzig ſtund auff
einer ſeyten. Darnach erwacht ſie/ſtun-
de auff/vermeynt es were noch Samba-
ſtag/gedacht bey jr ſelbs/es iſt noch früh/
vnd habich dannoch ein güts ſchläfflin
gethan / das holtz auff den kopff nam/
vnd heym zů hauß zoge. Wie ſie nün zů
der Stadt eingieng/ begegneten ihr die
lent / vnd kamen ſchon auß der Veſper
ſprachen: Ey wie iſt das ſo ein karger
filz/das er ſein Magdt am Sonntag/die
jedermann feyert/in Wald ſchickt. Als
ſolchs die Magd hört/wol gedacht/vn-
welcher zeit es im Ihar were/ vnnnd wie
lang ſie geſchlaffen hett/heym mit
irem holtz zů hauß gieng/ vnd
von jedermann genüg
geſatzt ward.

Ein Köchin verſatzt alle Suppen.

Nu Straßburg ist bey einẽ Her-
 ren ein Kůchin gewesen/die alle sup-
 pen versalzen hat / Gott geb man
 sagt ihr was man wolte. Vnd auff ein-
 zeit hett ihr Heri ehrlich Gást geladen/
 denen er gern ehre bewiesen hett. Tůnt
 als die Supp auff den Tisch kame/war
 sie versalzen / das sie kein Mensch essen
 mocht. Als solches der Heri empfand/
 den löffel schnell trůcknet / der Magde
 rűfft/vñ sprach: Wie kůnt es doch/das
 du nimmer kein Suppen gnůg salzest
 Alle deine Suppen sind zů wenig gesala-
 zen? Die Kůchin die des Herien red nit
 als baldt verstanden / schnell antwort/
 vnd sprach: Warlich vñnd Gott Heri/
 ich hab den grůsten löffel der im hauff
 ist / drey mal voll Saltz darein gethan.
 Des die Gást alle lachen wurden/all ge-
 meinlich sagten / wol geantwort were.
 Die Magd aber wol verstund/warumb
 sie also lacheten/gienge zůr stuben
 hinauff/vnd welt sich densel-
 bigen tag nicht mehr se-
 hen lassen.

Der Wegfürker.

Ein Magd sagt/sie trinck
keinen wein.

In Herz hett ein Magd / die
ober tisch nimer kein Wein trin-
cken wolt / man machte es mit jr
wie man wolt / sonder sie entschuldiget
sich stets / sie hett nie kein truncken von
jugent auff / so wolt sie es nit erst anfa-
hen. Der Herz gedacht es wer güt / er
wolt ihr den Keller befehlen / so were er
on sorg / das jm nit vil wein außgetrun-
cken würde / dann wenn er Knecht zu
Kellern gesetzt hat / haben sie ihm so vil
Wein außgetruncken / das jm schier nit
mehr zu dulden gewest / gab ihr derhal-
ben den schlüssel / vñ befahl jr des weins
mit trewen zu warten. Die Magd bey
ihr selbs heymlich fro was / gedacht des
Kellers zuwarten / das er bald leer wür-
de / doch sich so fast sie mocht / wehret
mit anzeigung / sie mocht den Wein nit
wol schmecken / wölle geschweigen teg-
lich mit umbzügehn. Du hörst wol was
ich dir befilch / sagt der Herz: Die Magd
nam

nam die schlüssel zūhandē / verwase das
 Kellerampt. Nun die magd gieng hin/
 vnnnd gewan groß hāfen voll/ alles des
 besten Weins / vnd setzt die in die kűch-
 en/ wann sie dann schlaffen gieng/ nam
 sie es mit jr in die kammer / soffe sich als
 dann voll Weins. Der Heri fande etli-
 che mal die hāfen mit dem Wein in der
 kűchen stehen / er wol gedacht / solches
 niemands anders weder seine Kellerin
 thūn würd / doch er sich gegē niemands
 nichts vernemen liesse. Vñ eins nachts
 befahle er jr Wein zū holen. Die Magd
 zündet ein Liecht an/ name ein Ranten
 sampt iren hāfen / zohe in Keller/ vnnnd
 der Heri zohe ihr fein allgemach nach/
 schlug ein weiß leinen thűch vmb sich/
 vnd sagt ein schlaaff hauben auff/ vnnnd
 versteckt sich an ein ort bey der thüren/
 da er alle ding gesehen mochte / was sie
 im Keller thete. Die Magd/ als sie dem
 Herren seines tischweins genomen het-
 te/ zūm bestē vass gieng/ den hāfen voll
 liesse / darnach an Mundt satzte/ halber
 außtrancē / vñ wider voll genommen/
 des der Heri eben warnam. Nun nach
 S iij dem

Der Wegfärber.

dem die Magd jr sechlin gemacht / sich
wider der Thüren zünahete. Der Herz
die Magd schnell beym haar erwische /
ehe sie sein innen ward / vnd jr das liecht
auß den henden schlug / vnnnd vngeredt
dapffer tractiert / darnach so schnell er
mocht wider inn die Stuben zum Tisch
gienge. Die Köchin aller zerschla-
gen auch inn die Stuben kam / weynet
vnd klagt / wie ein geist jr das liecht vnd
Kanten auß den henden geschlagen het-
te / darzu sie zügericht / wie man sie sehe.
Der Herz / als der solches nit lenger ver-
tragen mocht / anhub ihr vbel züreden /
vnnnd sie vmb solch vbelthat züstraffen /
jr auch als baldt ihren verdienten lohn
darzelt / vnd lauffen ließ. Darnach sei-
nen knechten den Keller als vor befah-
le / von denen er mehr nutz in ein jar
spüret / weder er von der Magd
in zehen jaren hett geha-
ben mögen.

Wie ein junger Gesell ei-
ner ein kind im schlaaff
machet.

Ein

In gute schlaffertige Dirnen
 gewesen ist/die auch lieber verge-
 bens geschlafen hett / dann umb
 gelt gearbeytet. Dieselbig auff ein zeit
 von ihrer Mutter inn garten geschick't
 ward. Nun die Dirn als sie in garten
 komen/ ist sie entschlaffen / nit weyß ich
 ob sie die vergangnen nacht gewachet/
 oder ob sie so müd vom graben worden.
 Nu was aber ein junger muthwilliger
 gesell inn demselben Flecken / dem kein
 boßheit zu vil war / der der jungfrawen
 weiß mit dem schlaffen wol wißt / vnnnd
 eins mals sich begab / das er für den gar-
 ten gieng / die Jungfraw sahe auff dem
 rucken ligen vnd schlaffen / vnd wol ge-
 dacht / sie nit leichtlich erwachen wür-
 de / derhalben ihm sein heyl zu versuchen
 war. Nun er besan sich nit lang / trat in
 garten / vnd fieng an mit der jungfraw
 en die da schlieff / zu scherzen / vnnnd ma-
 chet des scherz so vil / das die Jungfraw
 schwanger ward. Vnd als er sein sech-
 lin gemacht / ihr ein birn darauff legt/
 darnach wider auß dem garten von je-
 derman vngesehen gienge. Also aber die

Der Wegfärker.

Jungkfraw erwacht / sich geschwechet
fande / doch nit wußt von wem / traw-
rig zů hauß gienge / irer Mütter alle sa-
chen klage ward / die sie zů solchem heff-
tiglich schlug / damit jr dannoch nit ge-
holffen war / sonder den schaden jr selbē
behalten mußte.

Ein Weib schlecht ein Körblinmacher.



In einem Dorff ein Körblin-
macher gefessen / welcher eines
mals /

mals / als er ein Korb außgemachet / zu
seinem Weib gesprochen: Wolan Weib
nün sag / Gott sey es gelobt / der Korb ist
außgemacht. Das Weib aber das halß-
starrig was / solches nicht sagen wolt.
Darvon der Korbblinmacher erzürnt / sie
auß dermassen vbel schlug / vnd sprach:
Woltest du nit sagen / Gott sey gelobt /
der Korb ist gemacht. In solchem als
der Korbblinmacher sein Frawen schlug /
der Vogt fürgieng / vnd in fragen war-
de / was doch das für ein wesen were?
Dem des Korbblinmachers fraw alle din-
ge klaget. Der Vogt so ein Edelmann
was / begundt zu lachen / heym zu hauß
zoge / vñ seiner frawen alle sachen / was
sich zwischen dem Korbblinmacher vñ
seiner frawen begeben / erzelet. Darüber
die Frawo sprechen warde: Nün wolt
ichs auch nit sagen / vnd wenn ich dar-
über zerrissen würd. Als solchs der Edel-
mann hört / sagt er: Wie woltest auch
so halßstarrig sein? Mit dem ein pengel
erwischt / vñ sie dapffer knilt. Die magd
so solches gesehen / in stall zum Knecht
lieff / im sagt: wie der Juncker die fraw
S v geschlagen

Der Wegführer.

geschlagen hette/ vnd in fragt/ ob er nie
wisse warumb? Der Knecht/ als der mit
dem Juncfherren inn des Körblinma-
chers hauß gewesen/ der Magd alle sa-
chen zu wissen thete. Als baldt die magd
solches hört/ schnell vnbedacht sprach:
Noch wölt ich auch nit sprechen: Gott
sey gelobt der Korb ist gemacht/ vnd solt
es mir gehen/ wie des Körblinmachers
fraw. Wie/ sagt der Knecht/ woltest du
auch so halßstarrig sein? Die Magd na-
me/ vnnnd dapffer mit füßen tratt/ dar-
nach wider lauffen ließ. Also warde des
Körblinmachers fraw/ die Vögtin vnd
ire Magd alle drey auff ein tag/ von ei-
nes Korbs wegen dapffer geschlagen.

Wenn man aber die halßstarrigen
Weiber allsamen schlagen solt/ würden
nicht genug pengel da sein/ man müß
auch etwan steyn vnnnd andere Instru-
menta brauchen.

Ein Bettler schlecht sein
mantel vmb fünffzig gül-
den an.

Ein

In Edelman ein mal spa-
zieren riete / vñ der weg in für ein
zaun trüge / darhinder ein Bett-
ler saß / vñnd mit dem stab auff seinen
mantel schlug / vñd sprach: Wie vil ver-
magst? Vñnd ihm selbs an des mantels



stat antwort / 10. gülden. Das aber als
offt thet / biß er auff 50. güldē kam. Der
Edelman so hinder dem zaun sich ge-
halten / vñd alle wort so der Bettler mit
seinem mantel geredt / wol gehört / her-
für riete / vñd zñm Bettler sprach: Was
thüstu da mein mänlin / du hast ein bö-
sen mantel / ja juncker sagt ð bettler / ich
möchte

Der Wegfürker.

möcht leiden ich hett ein bessern. Der Juncfherz züm Bettler saget: Wilt du aber mit mir tauschē? Ich wil dir mein umb dein geben. Ey Juncfherz sagt der Bettler/ir spottet nür mein/ Was wolten jr mit einem solchen zerrisñen mantel thün? Hörstu nit woz ich dir sage? Nimm also des Bettlers mantel/ vnd warff ihm sein rock dar. Wer was trawriger dann der Bettler / das er seine 50. gülden verlorn/hett gewölt er still geschwiegen hette. Darnach aber der Edelmann wenig fragt / ritte also in des Bettlers mantel heym / vnd ließ ihm das nachsehen.

Ein Bettler verleiwret zwenzig gülden.

Drey Landßknecht zogen einmals vber feldt/denen begegnet ein Bettler/der trüg ein sack vol Brot. Die Landßknecht waren hungerrig/sprachen den Bettler umb ein stück Brots an/er kōnte wol anders vberkommen.

men. Des sich der Bettler weigert. Als
aber sie sahen / das er inē ein stuck brots
versagt / namen sie im den sack gar / thes-
ten das brot darauß / vnd warffen den
sack auff den baum / legerten sich nider
ins gras / vnd zechten gūts mūths. In
dem aber der Bettler in die Stadt ge-



lauffen war / vnnnd dem Amptmann ge-
klagt / wie in drey Landfknecht beraub-
bet hetten / vnd im 20. gülden genomē.
Der Amptmann als baldt mit seinen
knechten auff zū Ross saß / hinauß rey-
t / vnd die Landfknecht noch alle drey bey-
einander

Der Wegfürker.

einander sitzen fand. Die fraget/War-
umb sie dem armen Mann das gelt ge-
nommen hetten? Die Landfknecht sich
als baldt verantworten / vnnnd sagten:
Sie von keinem gelt nichts wisten / sie
hetten ihn vmb ein stück Brot anges-
prochen / das hett er ihnen versagt / so
hetten sie ihm den sack gar genommen /
das brot darauff geleert / vnnnd den sack
auff den baum geworffen / sey gelt dara-
inn / wer jnen nit wissend / er möchte wol
sehen / dann es jrenthalben noch darinn
were. Der Amptmann den sack ab dem
baum nam / die zwenzig gülden darinn
vernäet fand / den auff schnit / den landss
knechten ein par gülden zů verzehren /
schanckt / mit dem vbrigen heym reyt /
vnd dem Bettler das nach sehen ließ.

Man findet manchen landstreicher /
der mehr par gelt hat / dann mancher
wolhabender Burger / welches er alles
mit bettlen / bescheissen vnnnd betriegen
gewunnen hat / dan wenn die schelmen
nit mögen arbeiten / lauffen sie hinauff
von Weib vnnnd kindern / geben sich an
bettelstab / wil denn weib vnd kind nit
hungers

hüngers sterben / so müssen sie nach hin
 lauffen / dardurch dann der hauffen ge-
 nicht wirdt / hernach geben sie einer
 Herischafft die schuldt / dieselbe hab sie
 also verderbt / vnd liegen auff sie / das
 sich die balcken bigen möchten. Da solt
 ein Herischafft ein einsehen haben / vnd
 ein solchen verthanen büben nehmen /
 vñ in straffen das im der halß bracht / sie
 zur arbeyt zwingen vñ tringen / dan die
 Landfarer vñ her farē / vñ einem Herrn
 zum andern / von einer Stadt zu der an-
 dern / dieselbigen biß auff's hinderst auß-
 mergeln. Wenn denn darnach ein fro-
 mer gesell kom̃t / der sich gern mit from̃er
 keit ernehren wolte / vmb ein zehrpfen-
 ning ansuchet / muß derselbig darnach
 dieser Landfarer entgelten / wirdt
 also mit leerer hand hindan
 gewisen.

**Zu Augspurg hanget ein
 Jungfraw mit blossen leib
 zum Tanghauß heraus.**

Der Wegführer.

D Augspurg ist auff ein zeit ein
Tanz gewesen/ darzū vil mägdlin/
wie dann jr gewonheit / gelauffen.
Nū weyß ich nit / wie es sich zūgetra-
gen / das jr zween mit einander vneins
worden/ von leder gezuckt / vñ zū einan-
der gūts müts geschlage/ von deß wege
jederman von leder gezuckt / vnd friede
gemacht. Als solches die mägdelein ge-
sehen/allsammen geflohen/dann sie ge-
forcht / sie inn solchem lerman sterben
müssen. Der lerman hat als lang gewes-
ret / das man leytern an die läden ge-
worffen/ damit die mägdlin / so nit vor
dem lerman zū der Thür mochten / hin-
auß stiegen. Nū es was noch ein jung-
fraw darinn / die sprang auff's fenster/
vnd wolt hinauß steigen/ ich weyß nit
wie sie es vbersähe/ das sie mit den kley-
dern an einem nagel blieb hangen/ vnd
also bloß vnd nackent vor dem fenster
hieng/daruon ein sehr grosses zūlauffen
wārd/jederman wolt das selzam wun-
der sehen. Also nit mit kleinem gelech-
ter der zūseher/hangen blieb / biß daß das
gefecht

gefecht ein ende hett. Hernach gieng
einer hinauff/ zohe die gute Dirn wider
hindersich hinein/ vnd furt sie heym in
ir hauf.

Ich glaub sie hette gewolt/ das sie zu
Rom were/ oder an dem ort da der pfef-
fer wechset/ dann also zu spott jederman
da hangen. Darumb hütend euch ir lie-
ben Mägdlein.

Ein alter Mann hett ein junges Weib.

Alff ein zeit starbe einem alten
Mann sein Weib / aber er verhey-
rat sich baldt mit einer andern/ die
jung vnd einfeltig was / der man doch
jetzt nit vberauff viel findet. Vnd wie-
wol sie im alle nacht an der seiten lag/
erkannt er sie doch nie / sonder stets ein
Jungfraw bliebe / so begeret sie solches
nit an in/ dann sie nichts vmb solche sa-
chen wußt. Nun begab es sich eins ma-
les/ das die gut Jungfraw zu anderen
weibern kam / die nichts dann von hals-
sen/

Der Wegführer.

sen / küssen / vnd solchen abentherwlich
en dingen redten. Die Jung fraw stund
vnd hort zu / wußt nichts darzu (als der
sachen vnerfahren) zu reden. Als nun die
fraw am abent heym kam / ware sie iren
man fragen / was doch halsen vnd büß



sen were? Der Mann jr als baldt ant-
wort: Morgen wil ich dirs zeigen. Vnd
als der tag kommen / der Mann auff-
stund / sein harnisch anleget / zu seiner
frawen sprach: Komm her / ich wil dir
zeigen was halsen ist / sie nam / vnd an
die eisen brust trucket / das sie ersticken
hette

hett mögen. Zu jr sagt/das were gehalten.
set. Darnach die eisenen hendschüch nam
me / jr umb den mund vñ das angesicht
für/ zu ihr sprach : das wer küßet. Die
güt jung frau als die dem Mann seiner
red glaubt / nicht mehr weder gehalten
oder geküßet sein wolt / sie wunder nam
me / das die Frauen den vorderen tag
von so grosser freud gesagt hetten/ vñ
es ein solch vn menschlich hart ding we
re. Nun einer nacht sich begabe / das
dem alten Kempffer ein freud in ein ach
sel schoß/ anhub sein newe braut am er
sten zü beschlaffen / doch bald der feyer
abend machet / weder der gütten Tochter
lieb war. Vñ als jr solches wol gesiel/
fragt sie ihn/wie doch das hiesse so er je
zund mit jr getrieben hett? Sy/sagt er/
es heysst (mit züchten zü reden) im hin
dern gelect. Nu ein mal begab es sich/
dß die frau in die kirchen beichtē gieng/
vñ als sie all ihre sünde dem pfarherz
erzele/sagt er/ als der sie jung vñ schön
sahet Frau ich kan euch nicht Ablass
sprechen / jr geht dan in das Capellin so
vor der kirchen stehet. Desß die frau
G u wol

Der Wegführer.

wol zůfriden was / in das Capellin gieng
ge / der Priester als baldt nachfolget /
vnd zů jr sprach: Fraw ich kan euch mit
absoluiern / es sey dan sach das ihr euch
halsen vnd küssen lasset. O weh / sprach
die Fraw / da saget mir nichts darvon /
aber wenn ihr mich im hindern lecken
wolten / dörfste ichs thun. Der Pfaff
sprach: Ey nū leck dich der teuffel / Hin-
zuge. Die Fraw on geabsoluiert heym
zuge / vnd wider jren willen keusch blei-
ben müßt.

Ein Scherer schlecht einer Jungfrawen ein Ader.

Auff ein zeit ein gute junge tocht-
er / die sich selb schön / züchtig vnd
fromb scherzet / aber die sache gar
ein andre gestalt vmb sie hatt / in eines
Scherers hauß kam / vnd ihr ein Ader
schlagen lassen wolte. Der Scherer der
wol vmb jr fromkeit wußt / gedacht zů-
wegen bringen / das sie öffentlich vor
jederman ein solche sey / bekennen müßt.
Anhüb /

Anhub / vnd sagt: Jungfraw ich hab
zweyerley eisen / eines damit man den
Jungfrawen läst / das ander gehört zu
den Weibern / vnd wenn jr kein Jung-
fraw seyt / so saget mirs / so wil ich das
Frawen eisen nehmen / anders es wirdt
euch schaden darauß entstehn / also das
jr vmb den arm kommen würden: dar-
umb sehet wie euch zuthun ist. Die jung-
fraw ein solche rede verdriessen ward /
sagt: Ob er sie für ein Hürn scherzet / er
solt das jungfrawen eisen nemen. Mei-
nethalben sagt der Scherer / es gilt mir
gleich / wil euch eben als mähr mit dem
kleinen eisen schlagen als mit dem gros-
sen / ich wil mich aber jetzt protestiert ha-
ben / widerfert euch etwas am arm / des
ich kein schult haben wil / also das eisen
nam / ihr solches auff die adern setzt / wis-
der fragen ward ob er schlagen solt? Die
jungfraw den Balbierer fragen ward /
Ob jm also wer / das jr das jungfrawen
eisen schaden bringen möcht? Ja sagt
der Scherer / ihr hört mich wol / meynet
jr das ich mit euch scherze? Wolan sagt
die gute Tochter / so nemmet gleich das
G. iij. Frawen

Der Wegführer.

frawen eisen/ vnnnd hab ihm ein güt jar.
Als solchs der Scherer sampt den vnn-
stendern hörten/ anfiengen zülachē/ des
sich die güt dirnen hefftig schemen war-
de/ hette gewölt/ geschwoigen hett/ vnd
ir mit dem Jungfrawen eisen schlagen
lassen/ heym zū hauß zohe/ vnd forthin
sich nicht mehr frölich auff der gassen
dorffte sehen lassen. Es geschicht den
schönen dirnen etwan recht/ das sie den
leuten in die meuler kommen/ dan sie im
nachstellen/ sie wöllen die frömmesten
sein/ vnd sind doch die ergsten hüren die
auff zweyen beynen gehn mögen: ja solt
einer geherzt sein/ der inen etwas arg-
nachredte/ sie wendten einem ein mes-
ser im leib vmb/ schweyg jederman still/
schmach mir meine lieben jungfräwlin
niemands/ ja wenn mans beym liecht
besicht/ so sihet man wo der belz zer-
brochen ist/ vnd was es für frome töch-
terlin sind/ aber mit ihrem glaß schönen
oberkommen sie etwan ein armen teuf-
fel/ der inen das gloch bezalen muß: vnd
die so lang eines anderen hür gewesen/
er für fromb haben muß. Da gehört ein
gütes

güter newer sack zů / vnd ein sack in den
 andern gestossen / vñ die Thonaw hinab
 geschickt / dz wer d recht lon. Wen man
 aber alle hüren solte die Thonaw hinab
 schicken / würden die weiber leiden thew
 er werden. Darumb den gůten tůchter
 lin etwan zů vbersehen ist / wen sie schon
 im nebel vmbgehen: dan man wol weyß
 das es zů nacht finster ist / ist man war
 lich baldt ir: gangen / vorab wenn die
 jungen studentē eins geleytend / so ver
 zucht man dan einander / dz man sich nit
 finden kan / biß es morgen sechs schles
 get / da ligt man dan vber einander / wie
 das vnuernũfftig Viehe / ist dann das
 ehrlich / kan ich nit wissen / vnd sol darzů
 niemand nichts sagen dōrffen / sondern
 in grad Jungfraw darzů sagen / wolt
 ich das der hagel in solch teuffelisch we
 sen schlug / vnd das hellisch fēwr solche
 Jungfrawen alle verbrennte / zweiffelt
 mir nit / man würde etwan Jung
 frawen vnter dem gemeynen
 Volck mehr finden
 dann also.

G l i c k

Wie

Der Wegfürker.

Wie ein Junger Gesell
genannt Maseto / sich zu einem
stummen machet / vnd in einem Kloster
ein Gärtner ward / dieselben Tünne-
nen mit sampt der Kptissin besess
schlieff / vnd alle die süßig-
keit der Welt vers
suchten.

Nacht weit von Florenz ein
Tünnekloster gewesen / oder vil-
leicht noch ist / gehalten von gros-
ser wurden / vnd heiligkeit / dan nit mehr
dann 8. Tünnen waren mit sampt der
Kptissin / all jung vnd frisch / die hetten
ein guten alten Mann / der die Gärten
inn dem Kloster bawet. Aber der gute
Mann des kleinen solds nit zukommen
mocht / mit des Klosters Schaffner sein
rechnung macht / der ihn bezalt / name
urlaub / vnd heymzohe. Da er von jeder
mann / vnnnd sonderlich von Maseto
freundtlich empfangen ward / der ein
gerad Mann / nach Bäwerischer art /
schön / jung / vñ ein frischer knecht was /
vnd

vnd den alten fraget / wo er so lang ge-
 wesen wer. Der güt alt Mann/der Tuto
 so genennt was/antwortet/vñ sprach:
 Wie er bey den Tinnen gedienet hett/
 vnd so lang bey jnen gewesen. Maseto
 weiter fraget / warmit er den Tinnen
 gedienet hette? Dem er antwortet: Ich
 hab in jren gärten gearbeyt / vnd zū zeis-
 ten mit zweyen Eslen ghen holz gefa-
 ren / vnd wasser zū der notturfft in die
 Kütchen tragen/ auch etlich ander dienst
 als inn den Klöstern gewonheit ist / ge-
 than/aber sie gabē mir so ein bösen sold/
 das ich mich darmit nit betragē mocht.
 Ober das sind sie alle Jung vnd frisch/
 vnd haben den Teuffel im bauch/ dann
 ich jhnen nit thūn mocht was sie beger-
 ten / deßhalben von jhnen gezogen bin/
 mich bat wol der Schaffner / keme mir
 jemandes zūhanden / der jm füglich we-
 re/ das ich jhm den zūschickte. Maseto
 des alten rede wol vernommen hette /
 welchem die zān zū den Tinnen wā-
 fern wurden/ in seinem gemüt gedacht/
 sich zū versuchen / ob er möchte zū den
 Tinnen kommen / zū Tuto sprach:
 G v Wiewol

Der Wegfärker.

Wiewol hast du gethan / das du wider
heraus kommen bist / dann ein Mann
mag nicht mit so vil Fräwen zu frieden
stehen / es solt einer lieber bey den teuf-
feln sein / dann zu sieben malen / wissen
die sechs nicht was sie wollen. In dem
von denen reden lieffen / vnd von einan-
der schieden. Maseto nit schlieff / anhub
zu bedencen / weß er sich halten solt / da
mit er zu den jungen Tinnen in das
Kloster kem / wol gedacht / er alle arbeyt
kündt / die dann Nuto gethan hette / er
aber nicht auffgenommen würde / vmb
seiner Jugend willen / welches geschehe.
Doch sich eines newen list bedacht / vñ
zu allen sachen sinn zu finden / mit ihm
selbs bedencen ward / wie das Kloster
fern von dannen wer / vñd niemandt
wer / der in demselbigen Kloster oder in
derselbigen gegne sein kuntschafft he-
tte. Darumb seinem selbest rath folget /
vñ sich zu einem stummen machet / wol
gedacht / thet er das / ihme sein sinn (wie
dann geschah) für sich gieng / vnd von
den Tannen wurd auffgenommen. Sol-
ches fürnehmen mit ihm selber bestä-
tiget.

elget/vnnd niemandt nichts saget/wo-
hin/ in eins armen Mañs form sich auff
den weg zů dem Nunnen Kloster so erst
er mocht füget/ darein gienge/vnnd zů
seinem glück der Nunnen Schaffner in
dem Hof fande / an den er durch deu-
tung des allmosen begert/vñ ob er wol-
te das er jm das holz spaltet vnd zerha-
cket. Der Schaffner gab jm zůessen/dar-
nach gab er ihm etlich groß blöck zů er-
spalten / die Tuto der ander knecht nit
mochte zerhawen. Also Maseto / der
ein junger starcker mann was / mit wes-
sig streychen die blöck zerspaltten hette.
Nun dem Schaffner dem noth thet zů
holz ziehen/Maseto mit jm fůrt (dann
er mocht holz hawen) darnach mit deu-
ten mit ihm schüff/die Esel mit holz zů
laden/vnnd zů hauß fůhren. Das Mas-
seto (als der solches Meister was) bald
de thet vnd außrichtet. Der Schaffner
hette groß wolgefallen ob dem stummen/
in also etlich tag bey jm hielt/mancher-
ley arbeyt jm fůrgab / die er alle ordent-
lich außricht. Eins tags sich begab das
die Kpissin des Klosters in gesehē hett/
den

Der Wegfärker.

den Schaffner fraget/wer er were? Der sprach: Fraw/er ist ein armer Man/Kan nit reden/ist ein stum̄ vnd vngehörnd. Der vor etlichen tagen herein vmb das allmüsen kam/den habe ich seyther zu holz vnd andern vnsern geschestten gebraucht/Könte er den garten arbeiten/vnd wölte bey vns bleiben/ich hoffte vil güter dienst von ihm zu haben/dann er ist jung vnd starck/vnd wer vns gar füglich/man möcht in brauchen zu aller notturfft/so were man auch ohn sorg/der eweren jungen frawen schimpffens vnd scherzens halben: dann er kan nit reden noch hören. Die Eptissin sprach: Fürwar du sagst wol/frag in ob er wöll den garten bawen vnd bey vns bleiben/thue fleiß ob du in bey vns möchtest behalten/gib im ein par schüch/vñ ein par hosen/vnd thū im gütlich/damit er dest lieber bey vns bleib. Der schaffner sprach/ mit ihm sein vermögen thūn wolt. Maseto der nit fer: daruon was/da der schaffner mit der Eptissin sein gespräch hett/beyder red vnd meynung wol verkommen hett/deggleichen thet den hof zükeren/

zükeren / sich endlich fro macht vnd wol
zu muth was / ohn zweiffel gedacht / im
wird gelingen / frolich in seinem hertze
sprach: Nempt jr mich zu euch hinein /
ich soll euch den Garten also arbeiten /
das er vielleicht alle sein tag inn solcher
maß nie gearbeitet ward. Der Schaff-
ner wol sahe / das er aller bäum arbeyt
wol fertig was / durch deuten so best er
mocht ihn fraget / ob er bey ihn bleiben
wölle? Maseto der vmb anders nit dar-
kommen was / mit deuten im antwort:
er sein gefallen gern thun wolt / zuhand
der Schaffner in fñrt den garten zuse-
hen / vnd im weist was sein arbeyt sein
solt / vnd in andern geschäften des Klo-
sters außgienge / in allein ließ. Maseto
den Garten sauber arbeitet / baß dann
kein Gärtner nie gethan hett. Die jun-
gen Tinnen zu zeiten inn den Garten
kamen / mit ihm begunden zu scherzen /
vnd jr satzwerck mit ihm zutreiben / als
man dann gern mit stummen thut / son-
derlich mit schamparen worten in vñs
trieben / nit meinten das sie von im ver-
nommen weren / desgleichen auch die
Eptissin

Der Wegfürker.

Leptissin vermeynt / gleich als er on red
were / er auch on ein schwantz were / vnd
achtete deshalben nicht was sie mit im
redten. Nun eins tags als er sehr gear-
beitet / vnd sich darnach geleyet / vnd
von den Jungen Tinnen in den Gang-
ten kamen / nahet darbey da er lag vnd
rühwet. Er die Tinnen auch ersehen /
vnd desgleichen thet als ob er schlief.
Die zwo Tinnen in gar eben beschawet-
ten / doch die eine frecher vnd gehert-
ter dann die andere / dieselbige anhub
vnd sprach: Wenn ich glaubet / das
du verschwiegen werest / so wolte ich dir
etwas sagen / vnd meine meynung zu
wissen thun / Ich habe zu mehrmalen
im sinn gehabt / das dir vielleicht nicht
minder lieb wer / als mir. Die andere
jhr antwortet: Sag frölich biß on al-
le sorg / ich solles niemands sagen. Zu-
handt die erste sprach / Ich weyß nicht
ob du als ich gemerckt hast / wie wir so
strenge vnd hart gehalten sindt / vnd
zu uns kein Mann herein mag / dann
allein vnser Schaffner / der ein alter
Mann ist / vnd dieser stumm. Nun hab
ich

Ich offte vernommen von den Weltlichen
en Frawen / die zu vns herein kommen/
das alle süßigkeit der Wels mit zu schea
ren seye / gegen der süßen freud / die der
Mann vnd die Fraw mit einander bes
gehen. Darumb ich mir zu mehrmalen
habefürgenommen / so ich sonst keinen
Mann nicht gehabt mag / mich mit
diesem Stummen zu versuchen / ob ihm
also sey als ich vernommen habe / dann
er mich darzu gut genug duncket / vnd
ob ers jemandt sagen wolt / so kan er es
doch nicht / du sihest wol er ist ein jun
ger auffgewachssener lapp / von Taren
vnd sinnen / darumb ich dein meynung
auch gerne vernemen wolt / was dich
gedunckt. O wehe / sprach die andere/
was sagest du? weyst du nicht das wir
GOTT vnser reyne Keuscheit verspro
chen haben? O / sprach die erste / wie viel
verspricht man teglich / vnd heltet man
in deren keins / haben wir jms verspro
chen / so suche er die jms halten. Die an
der sprach : Vnd ob wir schwanger
würden / wie würde es vns ergehen? Die
erste sprach : Du hast sorg ehe sich der
schad

Der Wegfärker.

schad begibt vnd kommen ist/wenn sich
ein solchs fügt / darnach man bedenckē
sol / weß sich zūhalten vnd thūn sey/ich
sag dir/es sind hundert güter weg vnd
sinn/damit man bedencken mag/ so fert
mir dasselbig niemandt sagen. Die an-
der die ein grösser begirde zū versuchen
dan die erst gewan/was thiers doch der
Mann gesein möcht/sprach: Tūn wo-
lan in dem nammen Gottes/ Wie thūn
wir jm? Die erst sprach: Du sihest wol es
ist jert Ton zeit/vnd vnser schwestern
sollen alle zū mittag schlaffen / doch se-
hen wir ob jemand in dem garten sey/ist
dann niemands hinnen/was haben wir
anders zūthūn / dann Maseto bey der
hand zūnehmen / vnd ihn in die hütten
fūren. Da die ein jren willen horte/ die
ander hütet/Er ist also einfeltig/das er
sich nach vnsern willen schicken wirdt.
Maseto der da wachet / vnd desgleich-
en thet als ob er schlieff/ alle jre red vnd
gespräch vernommen hett/ sich schicket
beyder willen zūthūn/ ihn biß er inn die
hütten gefūret ward/ hundert jhar sein
daucht. Die frawen sich vmbsehen/vnd
das

Das niemandt in garten was / wol ver-
 nommen. Zühand die / die der warterin
 Ursach was / zū Maseto gieng / in auff-
 wecht / der sich nit saumet / auff seine fuß
 sprang. Die jung mit einem lieblichen
 deuten oder wincken ihn bey der hand
 namme / vnd er mit einem stillen einfelti-
 gelachen in die hütten geführt ward. Da
 sich Maseto nit sehr bitten noch nöten
 ließ / der Tünen willen mit grossen ge-
 fallen vollbracht / vñ sie als ein gecrewe
 die ihren willen zū dieser stund hett ein-
 gnügen gethan / der andern ihren theil
 widerfaren ließ. Maseto erzeigt sich ge-
 gen ihnen einfeltig / doch zū einer stund
 beyder willen ein gnügen thet / vñ wol
 zūmüt von ihm schieden. Darnach gar
 oft zū einander sprachē: Es sicher war
 were / in der welt nichts süßers were / vñ
 das vil mehr / dann sie von den Weltli-
 chen je verstanden hetten. Darnach in
 fügliche zeit namen mit dem stummen
 züscherzen. Doch nicht lang vergieng /
 das sie mit dem stummen in freude wa-
 ren / sie von einer irer Schwester am fen-
 ster gesehen waren / dieselbig es den an-
 dern

Der Wegfärker.

der zweyen auch sagt vnd weiset/ vnd
mit einander eins wurden/ beyde sünde
rin gegen der Eptissin zu verklagen/
doch sich bald anders bedachten/ vñ sich
mit den zweyen gar wol vereinten/ vnd
sich Maseto süßigkeit auch theilhaftig
machten/ vnd also die drey Tinnen in
kurzer zeit mit den zweyen gesellschafte
machten. Vnd zuletzt die Eptissin/ die
eins solchen nicht wargenommen hete
te/ eins tags spazieren inn den Garten
allein gingen was/ vnd das zu der zeit
da die hitz am größten/ vnd Maseto der
nicht von kleiner arbeyt/ so er die nacht
gethan/ als lang er was/ gestreckt vn
ter ein baum/ auff dem Rücken schlaf
fend liegen fand/ vñnd der Wind hette
ihm das hembdlin vornen vber sich ge
worffen/ das das ding/ das die züchti
gen Frauen die scham nennen/ vnbez
deckt blieben was/ das die Eptissin er
sehen hert/ vnd sein gar eben warnam/
sich allein sahe/ auch in solchen lust vnd
begird/ als ihr Tinnen gethan hetten/
fiel Maseto auffweckt/ vnd ihn mit ihr
in ihr Kammer fürt/ da sie ihn etlich tag
mit

mit großem murmeln der andern Tunn
 nen hielt/ darumb das der Gärtner den
 Garten so lang öd ließ/ vnd nit arbeyt:
 Aber die Eptissin ihn so lang hielt/ biss
 sie gar eben versucht/ vnnnd wider ver-
 sucht das/ das sie vor allwegen geschol-
 den/ doch nach etlichen tagen in wider
 in sein kammer schickt/ vnd in mehr brau-
 chet dann die andern/ des der gute Ma-
 seto nit mehr zukommen mocht/ vnd vn-
 gewonet was. Darumb ihm gedenccken
 ward/ blieb er lenger ein stum/ ihm dara-
 von schaden zustehn möcht. Vnnnd eins-
 mals wie er bey der Eptissin was/ ihn
 selbs die zungen löset/ sein red wider an-
 sich nam/ vñ sprach: Fraw/ ich hab offte
 vernomen/ wie ein han 9. heñen ein gnü-
 gen sey/ vnd 10. Mann einer Frawen nit
 mögen ein gnügen thun/ vñ ich jr doch
 nemt versehen muß/ solchs ich nit mehr
 vermag/ vñ das ich bissher gethan/ hat
 mich zu solchem gebracht/ das ich wed-
 viel noch wenig mehr mag/ darumb ihr
 mich fürbaß werdet gehn lassen/ öd an-
 dern sin finden/ damit ich lebē mag. Da
 die Eptissin Maseto reden hört/ datab-

h ij sehr

Der Wegfärker.

sehr erschrocken / vnd sprach: O wehe was
ist das / nū glaubt ich du werst ein stum
Fraw / sprach Maseto / ich bin ja wol ein
stum gewesen / aber nit von natur / son
der mir ein grosse krankheit die red na
me / die mir in dieser vergangnen nacht
ist widerkommen. Das die Fraw alles
glaubt / vnd ihn fürbaß fragt / was das
bedeut / das er neune gedient hett? Mas
seto jr da alle sachen sagt / was jr Tun
nen teglich mit ihm begangen hetten.
Darbey sie wol vernam / das alle Tun
nen gleich wie sie gethan hetten / doch
Maseto von jr nicht lassen wolte / also
lang / biß sie mit iren frawen rath hett /
darmit jr Kloster vnd güter leumbd nit
geschmächet würd. Vnd etliche tag dar
vor inen jr alter schaffner tod was / vnd
sich aller sachen halb mit Maseto vnd
iren frawen vereinigten / vnd mit Ma
seto grosse freud hetten / vnd dem volck
dargegen zu verstehen gaben / wie ihr
demütig gebett zu Gott vnd den Heili
gen / inn des ehr das Kloster geweyhet
was. Maseto der lange zeit ein stumm
gewes

gewesen/ sein red im were widerkömen/
 zühand in zu irem schaffner bestetigen/
 vnd sein müß vñ reytten vnter sich theil-
 ten/das ers hinfür zu güter maß wol zu
 kam/vñ wiewol er viel junger Tünlin
 machet/doch jrē handel in solcher maß
 fñrten/das sie nie inn keinerley argent
 verdacht würdē/also verschwigen blie-
 be/dieweil die Eptissin bey leben war.
 Doch nit lang darnach/das die Eptis-
 sin mit tod abgieng vnd starb/vñ Mas-
 seto nñn daselbst abgeritten hette/reich
 widerumb heym kam/ein alter reicher
 Vatter seiner Kinder/im on alle müß er-
 zogen/der seine müß vnd arbeyt wol an-
 gelegt hett/vnd mit einer art vber die
 achßlen/als er in das Kloster gezogen
 was/widerumb heym zohe vnd sprach:
 Gott allen denen solchen lohn geb/die
 im also dienen vñ die hörner auffsetzen.
 Es sind vil Man vnd auch frawen/die
 thörlich glauben/wen einer juncf frau-
 wen oder jungen frawen ein schwarz
 ehück/das man ein weyler nennet/auff
 das haupt legt/vnnd ein schapper an
 3 in halß

Der Wegführer.

halß hencft / das sie nicht mehr Frawen
sindt / noch fürbaß mehr fröliches lust
empfinden sollen / gleicher weiß / als ob
sie auß steynen zu Tünen gemacht wer
ren / vnnnd nicht frölich sein dörssten.
Es solt wol also sein / es fehlet aber zu
zeiten gar weit / dan man etwan in den
Klöstern haushaltet / das Gott darein
sehen möchte / welches aber ich jezund
wil also rüwen vnd bleiben lassen.

Münch Albrecht einer jun
gen Frawen zu verstehen gibet /
wie der Engel Gabriel vmb
sie bület / vnder sie an
des Engels stadt
offtermals bes
schläfft.

In der würdigen Stadt Imo
la / was ein Mann von bösen vna
züchtigen sitten / genant Beron
delle Mafa / des vntugent vnd vnzüch
tig

eigwerck / in allen heusern kunt vñ wiss-
sen waren / dem glaubet man auch die
warheit nit / darbey er wol vernam / sein
wesen in Imola nit mehr gehabē mocha-
te / vñd als ein verzagter gen Venedig
zoch / das er sich seiner bößheit abthet /



vñd zū einem Mönch ward / Barfuss-
ser Ordens / nannt sich Mönch Albrecht
von Imola / vñter solcher seiner Kut-
ten anfieng / auch zū verstehen gab / wie
er ein streng vñd Göttlich leben füret /
er sehr lobet die Penitenz vñ gehorsam
ymb Gottes willen / er aß kein fleisch /
zū iij vñd

Der Wegfärher.

vnd trancß kein wein (ja wenn er ihn
nicht hatte.) Es name jederman wund
der/ das also auß einem grossen Dieb/
ruffianer/ falschen spieler/ ein so heiliger
Man was worden/ vber das er sich
auch zu priester machet/ stets ob dem
Altar stund Mess zu lesen/ vnd wenn
er in seiner Mess vil zuseher hett/er stets
beweynet das leiden Gottes/ als den
den sein zähern nit vil kostetē/ wenn er sie
haben wolt. In kurtzer zeit mit seinem
weynē vnd predigen in solcher mass sei-
nē handel füret/ das in Venedig wenig
heyrat/ Testament vnd heymliche rāth
verbracht wurden/ das er nit dazu als
ein getreuer diener Gottes begert war-
de/ ein grosser depositari/ vnd hūter
der verborgenen schätz/ ein grosser rath-
geber vnd beychtvatter der Mann vnd
frāwen/ in solchem leben er vonn dem
Wolff zu einem hirten ward/ vnd für
heiliger vnd besser gehalten/ dann S.
Franciscus je warde. Inn solchem sel-
nem heiligen leben sich begabe/ das ein
junge einfeltige fraw genant Liseta/
eines reichen Kauffmanns weib/ der zu
den

den zeiten mit Galeen in Flandern gefaren was/ mit andern Frawen zu bey-
 werten / zu dem heiligē Mönch Alberto
 gieng / vñ sie im bey seinen füßen knyet/
 als die ein Venedigern woz/ die also hoch
 erabent sind/ vñ nū wol den halben teil
 ihrer sünd geklaget hette / sie von dem
 beychtiger gefragt ward/ ob sie einen
 buben oder liebhaber hette? Dem sie mit
 scharpffem angesicht antwortet/ vnnd
 sprach: Herz Mönch / habt jr nit augen
 in ewrem haupt / dunctet euch meine
 schöne den andern gleich sein? Ich het-
 te jhr genūg wenn ich jhr begeret / aber
 mein schöne ist nicht einem jeglichen zu
 geben / noch vonn einem jeglichen las-
 sen liebhaben/ wie viel sehet jhr der/ de-
 ren schön geschaffen ist als die mein ist/
 Dann fürwar ich mich in dem Paradiss
 wergienge/ vnnd so vil vonn jhrer schö-
 ne saget / das er es zu hören verdrossen
 ward. Mönch Albrecht bald vernam/
 das sie vbel gesaltzen was/ im wol geda-
 chte sie seins fugs wer/ zu hand on maß
 gegen jhr inn lieb entzündet / doch auff
 dißmal bey im bleiben ließ / vnd sich ge-
 gen

Der Wegfürzer.

gen ihr gar heilig bewise / sie strafft vnd
sprach / solche ihre wort nichts anders
dann hoffart / vbermüth / vnnnd eitel he-
weren. Vber solche straff die jung frau
zü ihm sprach / er were ein bestia / vnnnd
kennte nicht ein schöne vor der andern.
Münch Albrecht sie nicht mehr betrü-
ben wolt / ihr die büß sprach / vnnnd sie zü
ihrer gesellschaft gehen ließ. Nach etli-
chen vergangnen tagen er ein getrew-
en gesellen nam / vnnnd zü Frau Liseta
gieng / die er in einem iren saal fand / vñ
auff ein ort name / da er von niemande
mocht gesehen werden / nider auff seine
Knye jr für die füß fiel / vnd sprach: Frau
ich bitt euch vmb Gottes willen / das jr
mir verzeyhet vnd vergebt / das ich euch
am vergangnen Sonntag euwer schöne
halb gestraffet / dann die nechste nacht
hernach / mir solche büß vnnnd pein ges-
schah / das ich mich seither derselben
zeit nicht hab mügen auffrichten / dann
erst heut auff disen tag. Da sprach frau
Liseta / Wer hat euch also darumb ge-
than? Da sprach brüder Albrecht: Frau
dz solt jr wissen / da ich als mein gewon-
heit

heit ist / an meinem gebet in meiner zel-
len was / gehling mir ein grosser schein
kam / vnnnd ich mich nicht so baldt umb-
keren mocht / zusehen was doch solcher
schein bedeuten mocht / ich ein schönen
Jungling sahe / mit einem grossen ste-
cken in seiner handt / der mich bey dem
goller meiner kutten nam / vnd zü dem
Erdrich für seine füsse warff / mich zü-
richtet / das ich sein nicht vergiß / die-
weil ich leb / den ich fraget / warum das
geschehe / oder wie ich das umb ihn ver-
schuldet hette ? Er mir antwort vnnnd
sprach : Darumb das du heut so beher-
ret gewesen / dich widersetzen vnnnd zü-
straffen die himmlischen schöne mei-
ner lieben Frauen Liseta / die ich lieb
hab (Gott außgenommen) ob allen crea-
turen der Welt. Da fraget ich ihn / Wer
er doch were ? Er antwort mir / vnnnd
sprach : Ich bin der Engel Gabriel. W-
her sprach ich zü jm / ich bitt auch / ver-
zeyhen vnnnd vergeben mir / es ist nicht
mit geferd geschehen. Da sprach er wi-
der zü mir : So sey dir vergeben / doch
solt du erstlich zü meiner lieben frauen
Liseta

Der Wegfürker.

Liseta gehen / vnd sie bitten / das sie die
vergeb / vnd wo sie dir nit vergibet / so
kom ich wider zu dir / vnd wirdt dich in
solcher maß zürichten / das du ein armer
Mann sein solt alle deine tag. Was er
mir mehr sagt / mag ich euch nit sagen /
biß das jr mir vergebet. Fraw Merzech
voll Kleyen dann saltz / sich ganz frewen
ward / da sie den Mönch vernam / dann
sie alles das glaubet / so er gesagt hatt.
Darumb zum Mönch sprach: Ich sage
euch wol Brüder Allbrecht / das mein
schön ein Himmelische schöne wer / aber
warlich / vnd als mir Gott helff / so ist es
mir hertzlich leyd vmb euch / vnd damit
euch hinfür solches mehr nit geschehe /
so vergib ich euch / doch das jr mir sagt /
wz der Engel zu euch weiter sagt. Bräu-
der Allbrecht sprach: Fraw / sintemal jr
mir vergeben habt / so wil ichs euch ger-
ne sagen / doch das ihrs bey euch bleiben
laßt / vnd das keinem menschen auff di-
ser Welt saget / wolt jr anders ewer sach
nit entweyhen / dann jr seyt die seligest
fraw auff Erden. Mir sagt der Engel /
das ich euch sagen solt / wie ihr im liebet

ob allen frawen auff Erden / in solcher
maß / das er zu mehrmalen des nachts
zu euch kommen were / wenn er nicht be-
sorget hette euch schrecken zu bringen.
Vnd jezund euch bey mir entbeut / vnd
wissen leßt / er wöll eins nachts kommen /
euch freude zu geben / wo es auch ewer
gefallen were bey euch zu schlaffen / vnd
euch der Himmlischen freud theilhaff-
tig machen / Vnd darum das er ein En-
gel ist / dem er in geists form / so mögt ihr
in nit angreifen. Darum er euch zu lieb
in geists vnd Manns form zu euch ko-
men wirdt / vnd begert von euch zu wis-
sen / weñ es euch an dem füglichsten sein
möchte / das ihr ihn solches durch mich
wissen lasset / vnd in welches Mannes
form er euch liebt vñ gefällt / er zu euch
kommen wolt / des jr euch ob allen fraw-
en selig sprechen möget. Wer was fröer
dann die fraw Giettel / zu dem Münch
sprach: Ir habt mir grosse freud bracht
daz ich von dem Engel Gab. lieb gehabt
bin / desselben gleichē von jr lieb gehabt
were / vnd wo sie in gemalet fand / sie im
allwegen ein liecht anzündet: darumb
er

Der Begürker.

er von mir nicht minder ist lieb gehalten/ als ich von jm. Vñ zu welcher stund es jr gefallen/ wolt er zu jr kommen. Antwort: Er sie allzeit würde in jr kammer zu sein willen bereyt finden (doch das er sie vor der Jungfrawen Maria nicht lassen solt/ dann ihr gesagt wer/ vnd sie auch wol gesehen hett/ das er gegen ihr on maß huld vnd liebe trüg: dann sie in allweg vor Maria kñyen funde) vnd zu ihr zu kommen/ in welcher form jm das liebet/ es ihr auch gefiel/ auff das sie nicht erschreck. Brüd Albrecht sprach: Fray ich wil es fleissig aufrichten/ aber ihr möchten mir ohn alle were mühe vñnd Kosten eine grosse gnade thun/ das ist/ wenn es euch liebt vñnd gefällt/ das der Engel mit meinem leib vñnd in meiner form zu euch komme. Tün merck was grosser gnad ihr mir thut/ er wirdt meine Seel auß meinem leib nemen/ vnd in das Paradeys thun/ vñ meinen leib an sich nehmen/ vñnd dieweil er bey euch ist/ mein Seel dieweil in dem Paradeys sein wirdt. Da sprach sie: Das ist mit lieb/ vñnd ich wil euch das an der Maria

rien

Der Wegführer.

61

rien stat / so jr von dem Engel empfangen ginnen. Nun wolan / sprach brüder Albrecht / so schaffet das die Port ewers hauß auff diese nacht geöffnet werde / in maß das er einkommen mög / dann in Menschen form er nit kommen möcht / wo ewer thür nicht offen were. Fraw Nese sprach: Herz das sol geschehen / das er nun komb wenn es ihm füglich ist. In dem Münch Albrecht wolgemüch von ihr schiede. Die fraw ganz mit freuden bliebe / mit jr selbs glorirt in solcher maß / das jr das hembd den hindern nit berürt / vnd hundert jar daucht biß der Engel Gabriel zu jr keme. Vnd als Brüder Albrecht nū wol daucht / er ein ritter vnd stecher / vnd nit ein Engel sein müßt / sich mit gūten confecten anhub zu laben vnd stercken / damit er nit geringlichen ab dem Ross abgestossen würde / von seinem Prior vrlaub nam / vnd mit einem seiner gesellen des abendes in einer seiner freundin hauß gieng / da er auch vormals mit Stuten ghen Acker gefahren was / da er die zeit wartet / sich verkleydt vñ ganz verkeret.

Da

Der Wegführer.

Da sein zeit kame / sich inn Fraw Liseta
hauß füget / da er sich mit mancherley
fantasey in Engels weiß formiert het-
te / also in der frawen kammer erschien
Da die fraw ihn also schön vnd weiß in
purpurfarb sahe / für in nider knyet. Der
Engel ihr den segen gab / auff von der
Erde hub / vñ jr den weg zum beth weis-
set : des sie baldt gehorsam vñd willig
was. Der Engel sich baldt zu jr füget
Brüder Allbrecht w3 von leib ein schön
gerad Mann / das fräwlin anders spei-
set dann ihr Mann thet / zu manch ma-
len dieselb nacht on flügel flog / darvon
das Venediger fräwlin frölich vnd wol
zumüt was / vber das er jr vil sagt von
Himlischen freuden vnd grossen ehren.
In dem sich der tag nahē war / beyde jr
ordnung gaben des widerkerens. Der
Engel in seinem harnisch von jr schied
vnd zu seiner gesellschaft gieng / vñd
damit sein Gesell dieselbe nacht nicht
forcht hette noch allein zu sein verdries-
sen ließ / die fraw im hauß jm zu beth ge-
sellschaft geleistet hett. Vnd vnser schö-
ne Fraw Liseta / als baldt sie das maal
gessen

geffen hett / jr gesellschaft nam / zů dem
Māch Allbrecht in das Kloster kam /
ihm groß wunder von dem Engel Ga-
briel sagt / vnd wie sie der Himmlischen
freunden von im vernommen hette / vnd
alles sein wesen / gestallt vnnnd geberd /
darbey vil andere newe māhr. Zů deren
brůder Allbrecht sagt: Fraw ich weyß
nit wie ihr mit ihm gestanden seyt / aber
in diser nacht da kam er zů mir / vnd da
ich im ewer bottschaft geworben hette
da nam er mein Seel / vnd trůg sie in
so vil blůmen vnd rosen / das ich jr so vil
nie gesehen hab / darin ich also stund an
einem lustigen end / biß auff diesen ver-
gangnen morgen zů Metten zeit. So
sage ich euch / sprache das vngesalgene
frāwlin / das ewer leib diese vergangene
nacht mit dem Engel Gabriel in mei-
nen armen gelegen / vnd ob ihr mir das
nicht glauben wolt / so suchet ihr vnter
ewer lincken brust / da ich einen grossen
Fuß hingethan hab / als ihr bey dem zeia-
chen wol mercken werden. Da sprach
brůder Allbrecht / ich sol auff diesen tag
thůn / das ich lange zeit mit gethan hab /

I

vnd

Der Wegführer.

vnd mich nackend aufziehen / zu befe-
hen / ob jr mir die warheit gesaget habet.
Also nach vilen öden tädigen das fräw-
lin wider zu hauß gieng / vnd Albrecht
manches mal in Engels weis
sich bey der Frawen fand. Doch eins ta-
ges sich begab / dz fraw Liseta bey einer
irrer Gefatterin ware / die beyde mit ein-
ander irer grossen schöne halb strittent
vnd Liseta / die sich irer schöne hale-
ben / vber alle andere Frawen schätzet
als die da wenig saltz in der zungen hets-
te / sprach : O liebe gefatterin / wißten
jhr / wem mein schöne ob allen gefelles
vnd liebt / jr würden euch verwundern /
vnd geschweigen des das ihr sagt. Die
Gefatterin zu ihr sprach / als die sie wol
einfeltig erkennt : Fraw jr möchten die
warheit sagen / vnd wo ich des ein ey-
genschafft / ich nit wider euch also red-
te. Zu der das vngesalzen fräwlin saget
Gefatterin man sol es niemand sagen /
der Engel Gabriel hat mich erwehlet
auff allen Frawen auff Erden / für die
schönst / vnd nach dem er mir zu versta-
hen gibt / er mich lieb hab als sich selbs.

Solcher

Solcher wort die Gefatterin willens
hett zülachen/doch sich des enthielt/da
mit sie fürbaß etwas newes von dem
güten fräwlin vernemen möchte/ vnnnd
zu ihr sprach: Fürwar fraw/ ist der En-
gel Gabriel ewer bül vñ liebhaber/ vnd
sagt euch solche ding/ es soll sicher war
sein/aber ich hett warlich nicht glaubt/
das die Engel solches theten. Die fraw
zu der gefatterin sprach: O weh ich hab
durchgangen die wunder groß / er thut
es sicher baß dann mein Mann/ er sage
mir / man thue es auch droben im Para-
deysß/ aber ich in schöner duncß dan kein
fraw in dem himel/ / darumb er gegen
mir in liebe entzündt/vnd kompt zu ze-
iten zu mir. In solcher red die gefatterin
von fraw Liseta schied / vnd daucht sie
hundert jar / biß sie keme das sie solches
sagen möchte/ vnd auff ein kirchtag sich
zu vilen manchē frawen gesellet / denen
ihr alle sach der frawen Liseta vnd des
Engels Gabriels sagt. Dieselben fraw-
en solches ihren Mannen sagten/ vnnnd
auch andern frawen/vnd also ehe 2. tag
vergangē/die gangz stadt Venedig diser
J ij abens

Der Beglückter.

abenthewer voll ward. Vnd vnter anderen Mannen denen es zuwissen kam/ das weren ire schwäger/ die inen fürnamen in geheym vnnnd still den Engel zu finden / ob er fliegen oder springen könnte. Sich etliche nacht an die hüt vnnnd wart stellten. Auch solche mähr brüder Allbrechten waren zu gehör kommen/ der sich eins nachts zu der frawen fügt/ die frawen vermeynet vmb solches zu straffen. Vnd da er bey jr in der kammer was/ vnd sich noch nit gar außgezogen hett / da kamen der frawen schwäger die ihn in das hauß hetten sehen gehen/ vnnnd stießen die kammerthür auff/ das der Münch bald vername/ was das ges sein möchte / kein andere flucht nit sahe dann ein fenster der kammer auffseth/ das ob dem grossen wasserfluss waz/ von dem er sich hinab ohn flügel in das wasser warff/ vnnnd ohn allen schaden vber das wasser schwam/ allda er eins armen Manns hauß offen fandte / den er durch Gott bat/ das er ihm sein leben hilff retten/ manche lüg vnd newe mähr saget/ wie vnnnd warumb er also nacktet daher
Komen

kömen wer. Der güt arm Mann erbarmet
 sich sein / vnd legt ihn an sein eigen
 beth / vnd sprach: er solt nür still liegen
 biß er wider kem / vnd in hiemit gar wol
 versperit / Darnach gieng sein geschefft
 außzurichtē. Nū als der frawen schwä
 ger in die kainer kamen / vñ funden das
 der Engel Gabriel ohn zweiffel zū dem
 fenster außgeflogen was / ein klein bes
 scheidt blieben / das sie ihn nit funden /
 die frawen schulten / vnd jr vbel zūred
 en / gantz betrübet lieffen / mit des En
 gels fleyd zū hauß giengen. In dem der
 tag kam / der güt Mann (in dessen hauß
 der Mönch geflohen was) auff Sanct
 Mary platz auch vernommen hett / wie
 das der Engel Gabriel dieselbig nacht
 bey frawen Liseta geschlafen hett / er
 aber entrunnen wer: zūhand gedacht /
 er der sein solt / den er in seinem hauß het
 te / sich baldt zū ihm füget / ihn erkannt /
 vnd zū im sprach: Wölt ihr nicht in der
 frawen Liseta schwäger hend kömen /
 das er im schafft fünff hundert gülden.
 Das er als balt thete. Darnach Mönch
 Albrecht begeret / das er ihm heym ins

Der Wegfürher.

Kloster hülffe. Der Man zu im sprach
Ich weyß euch mit keinem andern list
darvon zübringen / dann allein durch
einen / damit jr der frawen Schwäger /
die auff allen ecken hütet haben / nicht
in die hend kommen. Darumb duncket
mich wo es ewer gefallen were / mā ma-
chet heut gar schöne spiel auff S. Mars
platz / da kommen gar viel mit wilden
Thieren hin / ihe ein gesellschaft anders
dann die ander: darnach macht man ein
gejagd. Wenn das vollbracht ist / dar-
nach jederman gehn mag / wo sein hertz
hin begert. Darumb wolt jr / ehe ihr bey
mir erspehet werden / so wil ich euch an-
legen in eins wilden Manns form / von
hie außfüren / darnach wo euch hin lie-
bet / ich euch füren mag / keinen anderen
weg ich nicht finde damit jr von hinnen
kommen. Bruder Albrecht schwer ge-
daucht in wildes Manns form geführt
sein / doch grosser forcht halbē es zügab
vnd sich verwilliget / zü dem güten man
sprach: Er solt ihn füren wie er wolte
nür das er darvon kem. Der güt Mann
anhub in mit honig wol zübestreichen /
darnach

darnach mit federn aufffüllt/ vnd in die
 eine hand ein grossen Kolben gab / in die
 ander zween groß hund/ die er vnter der
 fleischband auffgefangen hette/ vnd
 ihn selbst an einer grossen Ketten die er
 ihn an den halß gelegt/ fûrt. Aber vor
 hinein auff Sanct Marren platz ge
 schickt hett/ der außschrey/ welcher den
 Engel Gabriel sehen wolt / das er sich
 auff den regenplatz machte. Ist also nit
 mit kleiner rumor vñ geschrey auff den
 platz bracht. Vnd da der erbar Mann
 mit seinem wilden Mann kame / da der
 platz am höchsten ist / er seinen wilden
 Man mit der Ketten gar wol an die seul
 band/ desgleichen thet als ob er jagen
 wolte/ dieweil stachen die Nucklen den
 Engel Gabriel. Vñ da der getrew man
 den platz mit Volck am vollensten sahe/
 desgleichen thet als ob er in ab der Ket
 ten nehmen wolt / ihm die schempart
 von dem angesicht risse/ vnd sprach: Lie
 ben Herren / seymal das wilde schwein
 von unser gejagd nit kômen ist / darumb
 man nicht hat jagen mögen / darumb
 ihr dann herzu kômen/ damit ihr aber
 (Hanna)

Der Wegfürker.

erwerzeit nicht vergebens verloren / ich
euch an desselben stat den Engel Ga-
briel sehen lasse / der von Himmel herab
des nachts kompt / die Jungen Venedi-
ger fräwlin zu trösten. Vnnd als baldt
Münch Allbrechten der schempart ab
dem gesicht kam / er von jedermaniters
kannt ward / ein solche rumor vnnd ge-
schrey von dem volck wider in ward / als
wider ein bösen Mann je gehört war /
ihm sein angesicht mit aller vnreynig-
keit ward beworffen / mit bösen vnzüch-
tigen Worten vbel außgericht / also et-
lich stund gehalten / biß das geschrey in
das Kloster seinen Mönchen kam / der-
ren sich etlich auffmachē / in ab der Ket-
ten namen / ein Kuttē anworffen / nicht
mit kleinem geschrey der nachfolger zu
hauß fürten / vnnd in Gefengtnuß ver-
schlossen / vnd in solcher Gefengnuß vnd
harten leben biß an sein end verhalten
ward. Also geschah dem gütē Mönch
Allbrecht / der so gehertzt was / vnd sich
zu einem Engel machet / zu nacht die
schönen Fräwlin tröstet / vnnd aber
ihm lezlich vbel gelohnet ward. Gott
wölle

wölle das allen solchen Mönchen also
geschehe.

Mönch Reynaldus be-
schlefft sein Gefatterin / darzu der
Mann kompt / dem sie beyde zü ver-
stehn gaben / wie sie dem
Kind die Würm ver-
trieben.

In Siena der alten Stadt/
was ein junger von genüg erba-
rem geschlecht / genant Rinal-
dus / derselbige besondere liebe zü einer
seiner Nachbawrin trüg / die was eines
reichen Manns weib / groß begirde vnd
willen hett mit jr zü reden / vnd des ohn
zweiffel was / wo das geschehe / von ihr
feinen willen haben wolt / doch das inn
langer zeit nit gehalten mocht. In sol-
cher zeit die fraw eins Kinds schwanger
war / des er im gedacht gefatter zü wer-
den / sich baldt zü ihrem Mann gesellet /
da in zeit daucht / so er züchtigtst moch-
te / an den begeret sein Gefatter zü sein.

I v Des

Der Wegfärker.

Des der güt Mann willig vnd wol zū
müt was. Da nū Reynaldus fraw Agnes
sen gefatter was/vnnd nūn güt vrsach
hett mit jr zūredē/on alles verdenden/
vmb des willen ein hertz empfieng/ihr
sein grosse lieb/sinn vnd meynung ent-
deckt vnnd zū verstehen gab/den sie vor
wol an seinen geberden verstanden hett-
te. Aber der gütē frawen sein böser will
wenig zū hertzen gieng/das sie sein böst
begird vernomen hett. Nach dem nicht
lang vergieng (nit weysß ich was die ur-
sach w3) Reynaldus zū einē geistlichen
Mann ward/vnd sich zū einem Mönch
machet/alle lieb vnd freundschaft sei-
ner gefatterin hinder sich zū ruck leget/
vnnd in solchem seinem Geistlichen le-
ben/alle bösen gedanken bey ihm ver-
schwunden waren/doch in etlicher zeit
wider an sich nam da ers gelassen hett/
vnnd inn seiner Geistlichkeit anhub sich
köstlich zū kleyden/sein kütten von dem
besten gewand machet/groß freud sein
selbst hett/mit singen/dantzē/allen lust
suchet. Vnd in solchem verruchten le-
ben Reynaldus wider inn sein erste ge-
wonheit kam/sich gar offte zū seiner geo-

fattern füget / vnd das viel mehr dann
er vor ihē gethan hett. Vnnd nach sol-
chem offtkommen / er mit ihr anhub zu
reden / der sach halben / die er an sie bege-
ren was. Die Gefatterin auff ihr selb-
ber stund / als die weder ab noch zusä-
gen kundt / vnnd sich vom Mönch solis-
citiert sahe / auch er sich ein schön Jung
Mann dauchte / vnd das villeicht mehr
dan er was. Nun eins tags sich begab /
das er ihr groß freud vnd kurzweil ma-
chet / vnd sie als die andern / die willen
haben sich zu begeben vnd zu geweren /
das man an sie begeren ist / sich auch in
ihrem gemüth gegen des Mönchs wil-
len entbott / vnnd darmit auß zweyen
willen ein will worden was / zu Mönch
Reynaldo sprach : Gefatter woz ist das /
das ihr sagt ? Nun meynet ich doch die
Mönch theten solches nit. Der Mönch
antwort / vñ sprach : Fraw / wen ich auß
meiner Kuten bin / als ich jecz thün wil /
so solt jr sehē / das ich ein man / vñ nit ein
mönch bin / als die andern sind. Des die
fraw lachet vñ sprach : O weh euch / nū
seyt jr doch mein gefatter / wie möchten
wir

Der Wegfürker.

wir ein solchs on groß sünde thun / dan
ich habe oft vernommen / wie das die
größt sünd sey auff Erden / vnd fürwar
weñ das nit wer / ich thet was euch lieb
wer. Auff diese wort Reynaldus ant-
wort / vnd sprach: Last jr das vmb eins
solchen willen / ich sag nicht das es nit
sünd sey / aber Gott vergibt grösser sün-
de dann diese ist / wenn man allein reu
vnd leyd darüber hat. Aber sagt mir ei-
nes frau gefatterin / wer ist ewrem Kin-
de näher / ich der es zu der Tauff in den
armen gehalten hab / oder ewer Mann
der es gemacht hat? Die frau sprach:
Mein Mann / der der Vatter ist. Ir sa-
get war / sprach der Münch: Schläffet
ewer Mann stets bey euch? Ja sprach
sie. Darum solt jr wissen / sagt d münch /
seytmals ich ewers kinds minster nech-
ster bin / so sol ich als wol als ewer man /
der doch dem Kinde näher ist / bey euch
schlafen. Die Frau kein Logica kunt /
darbey vbel gesalzen was / dem Münch
antwort gab: Wer möchte ewern wei-
sen Worten antwort geben? darbey ist
fürnam jm zu willen werden / vnd vnter
der

der decke zwischē zweyen schneeweissen
 leylachē/sich zū manchmalē bey einand
 fundē/der gefatterschafft mit mehr rüh
 vnd minder sorgen dann vor spiltē/vñ
 das mit grossē lust zū beyder seyt. Un
 ter anderem eins tages sich begab/das
 der Mönch bey der Frawen was/vñd
 niemand zū hauß was dann ein junges
 mägdlin/das er mit ein jungen münch/
 der in seiner gesellschaft was/obē auff
 in das hauß/das paternoster vñd Aue
 Maria zū lernen schicket/vñ er mit seis
 ner lieben gefatterin/die das Kindt an
 nimmeth/in die kammer gieng/sich dar
 ein wol versperren / vñd auff das bett
 zū einander setzten/da sie nach ihrer ge
 wonheit der liebe mit einander spiltē.
 Da sie nūn beyde ein gūte zeit ihr kurg
 weil gehabt hetten / so kompt der frau
 wen Mann / des Mönchs gefatter/zū
 hause. Vñd ehe jemand sein warnam/
 er an der kammerthüren rüfft vñ klopf
 fet. Da das die fraw Agnes vernam/
 mit grossē schrecken zūm Mönchen
 sprach: O weh/wie sol ich mein dinge
 thun/ich muß on zweiffel sterben/dann
 mein

Der Wegfärker.

mein Mann ist vor der thür/nün wird
er erst sehen / vnnnd die vrsach vnser bey
der grosse kundschafft erkennen. Nün was
der Münch nackend vnd on kutten. Da
er der frawē wort vernam/ zū jr sprach:
Fraw jr sagt recht/ es ist besorglich/ we
re ich nür in der Kutten/ etwan fünden
wir sinn vnser beyder ehre zū errettend
aber so ihr jm auffthüt / so findt er mich
als ich bin / so haben wir kein vrsach vñ
sind beschemet. Die Fraw geschwind
ein list erdacht/ zūm Münch sprach: So
schliefft baldt in ewer kutten/ vnd nema
met das Franck kind in ewern arm/ vnd
mercken gar eben was ich zū ewerem
gefatter sprich / darnach wißt euch zū
richten / damit sich ewere wort mit dem
meinen vergleichen/ vnnnd laßt nür mich
mit den sachen umbgehn. Der güt man
vor der kammerthür mit auffgemerck
hett/ die fraw jm antwortet/ vñ sprach:
Man hab mit mir ein klein weil gedult/
ich komme jezund : vnnnd mit frölichem
angesicht / auffstund / zū der thür lieff/
dem Mann auffthet/ zū ihm sprach : O
weh mein lieber Mann was soll ich dir
sagen/

Der Wegfürker.

69

sagen / es ist heut vnser Gefatter Reynaldus wol zu vnserm glück herkommen /
ich glaub fürwar Gott selbst hab in zu
vns gesandt / dann on zweiffel were er
nicht gewesen / vnser kind were auff die
sen tag gestorben. Da das der Mann er
hort / sehr erschrack / vnd sprach: Wie
dem liebes Weib? O lieber Mann / sprach
sie / ihm kam vor einem kleinen weil sol
che onmacht zu / das ich mich seines le
bens verwegen hette / vnd nicht anders
dann für todt schätzte. In dem vnser ge
fatter Reynaldus kam / das kind zu sei
nen henden nam / zu mir sprach: Gefat
ter des kinds krankheit sind die würm
im bauch / die gehn im zum herten / vnd
wo man das nit fürsehe / so würden sie
das kind tödten / doch seyt ohn sorg / ich
soll sie beschweren / vnd ehe ich von euch
gehe / alle tödten / vnd das gut kind ges
sundt machen / darzu wir dein gar wol
bedorfft hetten / aber wir mochten dich
nit haben / noch dich niendert finden /
vñ wir an deiner stat vnser mägdlin vñ
vnser gefattern gesellen / am höchsten
des hauß zu betten verordneten / er vnd
ich

Der Wegfärher.

er vnd ich mit dem Kind in die Kammer
giengen/dann niemand anders bey sol-
chen sachen sein mag/dann des Kindes
mütter allein. Vnd damit vns niemand
irret/ich die Kammer versperret / vnder
hat das Kind noch stets in seinem armē/
vnd ich glaub er warte nichts anders/
dann biß das sein gesell sein Gebet mit
vnsere[n] Mägdlin gesprochen hab / wo
das geschehen were / so hetten wir mit
der hülff Gottes all sorg vberwunden/
dann es stehet sehr wol vmb vns[er] Kind/
Gott sey lob. Der schlecht einfeltig güt
Mann genant Sanduzo/der frauen
alle red glaubet / dann seine lieb zū dem
Kind groß was / also das er zū der frau-
wen liegen vnd betriegen kein acht ha-
ben mochte / vnd mit einem schweren
seuffzen zū der frauē sprach: Ich muß
gehn vns[er] Kind sehen. Die frau sprach
Neyn/ nit gehe/ du seyest dann berüßet
dann du möchtest sonst vielleicht ehe
schaden dann nutz bringen/hab ein we-
nig gedult / laß mich vor besehen/ ob du
on schaden hinein gehen mögest/ so wil
ich dir rüffen. Nun Brüder Rüdel der
frauen

fratwen red gar wol vernommen hette/
vnd sich in solcher zeit gar wol vnd mit
güter müß wider angeleget hette / das
Kindt in seine arm nam / vnd aller dinge
nach seinem willen fertig ward / er
der gefatterin rüfft / vnd sprach: Gefat-
terin/hör ich nicht mein gefatter dausa-
sen reden? Der Sanduzo ehe dann die
frau antwortet: Ja Herz ich bin hie.
Der Mönch sprach: Kompt zu mir. San-
duzo sich nicht lang saumpt / bald hin-
eimgieng. Der Mönch ihm das Kindt
gabe/zü ihm sprach: Gefatter/nemmet
hin ewer Kindt frisch vnd gesundt/ aber
ihr werdet machen lassen ein wechsin
bild inn seiner größe/ Gott zü lob vnd
dem lieben herzen S. Ambrosio zü Eh-
ren / durch dessen Gebets willen euch
Gott diese grosse gnad gethon hat. Da
der gut Mann sein Kindt ansichtig war-
de/aller wolgemüt/ das halset vnd küß-
set/als dann gern die Väter den Kinde-
ren thün/es an sein arm empfieng / von
grossen freuden weynet / Gott lobet/
vnd seinem gefattern danck sage/der im
sein Kind beym leben behalten hett. Vñ
K in sol

Der Wegführer.

In solchen mähren Brüder Rinaldo gesell
das jung meidlin nicht allein ein ge-
bett/sonder mehr dan vier gelehrt het-
te/dem schenckt er ein secklein von weis-
sem faden gestrickt/das nicht lang was
im ein Tunn geben hett/mit dem er in
das töchterlein geneigt vnd andechtig
machet/vnnd das puluer ab seiner Kut-
ten schüttlet/dann er auch den Haus-
würdt/das er kōmen was/vernōmen het-
te/auch was der mann mit der frawen
vnd die fraw mit dem Man geredt het-
te/vernōmen/jederman in gutem fried-
sahē/er auch in die kām̄er kam/zū Brū-
der Rinaldo sprach:Brüder jr habt ein
bessern vnnd sterckern athem gehabt/
dann ich/jr habt recht vnd wol gethon/
Gott sey danck/ich für mich/da er er-
gefatter kam/nicht mehr dann zwey ge-
bet gesprochen hette/da Gott der All-
mechtig vnser beyder müß vnnd arbeit
angesehen/vnnd vns sein gnad mit ge-
theilt hat/das mein todt kind ist wider
zū seiner gesundtheit kommen. Nach-
d̄er dieser vergangnen rede/Sanduzo
Gott lob vnnd danck sagt: bald schüß
güt

güt Wein vnd Confect zů kommen/seinem gefattern zů ehren ein collation zů machen/ deß sie beyd mehr dann andere nöthürfftig waren. Demnach sie beyde auß dem hauß geleitet/ Gott befahle/ vnnnd baldt das wächsin bild/ als jm der Münch sein Gefatter gebotten hette/ schüß zů machen / vñ das zů dem andern für S. Ambrosi bild hieng. Hernach er sich Rinaldus vñ sein gefatterin offtermals on sorg bey einander funden. Lo zweiflet mir nie/ der güt Sanduzo hab wol gemerckt in welcher gestalt münch Rinaldus sein kindt gesunde gemache hat. Was solt er aber darzů sagen oder thün? Hette er etwas angefangen / die frau geschlagē oder solche schand von ihnen außgeschrien/ were es niemand zů größerem nachtheil kommen dann ihm selbs / dann ein gemeyn spruchwort ist/ das ein solcher ein Böser vogel sey/ der jm selbs in sein nest scheißt. Welches on zweiffel der güte dölpel wol betrachte hat / darumb still schwiege / vnnnd sie gleich den scharrer offtermals mit einander tanzen lassen.

R ij Münch

Der Wegführer.
 Münch Bureckhart schlafft
 bey einer Würtin/ darzu der
 Mann kompt.



In einem Flecken in Meissen
 ein Würt gefessen / welcher ein
 schön weib gehabt/ aber von irer
 tugent vñ fürtrefflichkeit nit von nö-
 then zñ melden/ dan jr dardurch vñlleicht
 schand vnd spott zñstehen möchte. Zu
 der ein Münch/der sein wonung in ein
 kloster nit ferz von d würtin hauß hett/
 in vnordenlicher lieb entzündet / ihr zñ
 lieb

lieb offte in das Würtshaus gieng/ dar
inn zechet/ vnd versucht ob er sie möcht
zu seinem willen bringen/ aber kein zeia
chen von ihr der liebe niergends spüren
mocht/ von des wegen der arm Münch
inn betrübnuß siel. Doch letztlich ihm
fürnam/ solche seine liebe der frauen
zu offenbaren/ darüber liebs vnd leyda
gewarten. Vnd eins tags sich begab/
das der Würt verritten was/ füget sich
der Münch inn die herberg/ sieng an zu
zechen/ vnd des Weins so viel zu ihm
name/ das er seinem bösen willen nicht
mehr mochte widerstandt thun/ anhub
vnd der Würtin seine noth klaget vnd
sie freundlich bath/ ihn nicht also vn
getröstet verderben zu lassen/ sonderen
sie wolte in des/ darumb er lange zeit zu
ihr kommen were/ geweren. Die Würt
in als die den Münch schön/ jung vnd
gerad von leyb sahe/ auff ihr selbs stun
de/ vnd gedacht/ was ihr zu antworten
were/ bey ir selbs betrachten ward/ wie
ir Mann sehr alt were/ vnd vbel von im
zu beth gespeiset würde/ so were es ihr
grosser schad/ wen sie das so ir wol were

Der Wegfürker.

den möcht/solt außschlahen/ deshalb
dem Mönch sein begeren zusagt/ vnd
nach wenig reden mit einander der Lie-
be spiltten/ vñ auß beyder willen ein wil-
len machten. Als sie solchs nū lange zeit
getrieben/ begab es sich auff ein zeit das
der Würt vmb wein vnd anders ein zu
kauffen außgeritten was/ mit der frau-
wen verließ/ er dieselbige nacht nit kom-
men würde/ sie solt kein frembde Gaste
einlassen/ oder die beherbergen. Wie nu
der Würt hinweg kam/ die frau nach
dem Mönch schickt/ im das außreyßen
ihres Mans zu wissen thet/ mit bitt/ er
wölt zu jr kommen. Der Mönch sich nit
lang saumet/ halt auff sein fuß sprang/
vnd in kurzen zu der frau kam. Vñ
der er gar freuntlich/ wie andere mal
auch empfangen ward. Wie sie nū zu
nacht mit einander gessen hattē/ sie sich
zu bett fügten/ vnd mit einander das
genßlin rupfften/ kam der Würt daher
geritten/ klopffet an vnd begert hinein.
Dem gütē Mönch was angst/ gedach-
te/ kem der Würt hinauff/ vnd in in der
kammer fünde/ on zweiffel er das leben
würde

würde verlorn haben/ hett gewölt/ das
er an dem ort/ da der Pfeffer wechset we-
re/ vnnnd in solchem schrecken sich in die
Kutten schwang. Die Fray so listig vnd
geschwind was/ den gütten brüder auff
den ofen steigen hiesse/ daselbst sich still
zuhalten biß man schlaffen kem/ befah-
le/ dann die ofen an denselbigen orten
sind/ das sich einer wol oben ob den zin-
nen verbergen mag (der Münch ganz
erschrocken vnd aller zitterend auff den
ofen stiege/ aber die Kutten nicht aller
zu im zoge/ dann das schaplier ihm vor-
nen vber den ofen herab hienge/ welches
die fray sol eillends nit wargenommen
hett/ hinlieffe/ ihrem Mann aufstet/
vnnnd den ganz truncken in die stuben
führt/ sie als baldt fragen war/ ob sie nit
fremde gäst het? Teyn sprach die fray/
ich hab niemands/ aber es sind heut ire
zwen allhie gewesen die haben gezechet/
doch gleich nach der zech hinweg zoge/
wohin das ist mir nit bewust: so hab ich
sie auch nit gefragt. Vnd als der Würt
die antwort vernommen/ er weiter zu
truncken begert/ dem die fray als baldt

Auff

Wein

Der Wegfürker.

wein/so jr vnd dem Mönch vberblieben
ware/darsetzet. Nun ich weys nit wie
der Man vmb sich sahe/je er ersah den
schäpper vber den ofen herab hangen/
die frawen fragen warde/was an dem
ofen hieng. Die fraw ganz erschrocken
dem Man antwortet/es were ein hand
zwehel so sie gewaschen/vn an den ofen
zu trüchnen gehend hette/welches der
Mann also glaubt. Vnd nach dem er
den fürgesetzten wein abermals an den
mundt sazt vnd tranc/die fraw vmb
her tanzet vnd sprang/vnd sang: Herz
Burchhart/Herz Burchhart/nun zihet
den schäpper hinauff/vnd darauß ein
feinen tanz machet/welches Bruder
Burchhart wol merckē war/den schäp
per hinauff zoch/doch also still das sein
der Mann nit wargenommen hett. Der
güt einfeltig mann die frawen wol hett
sehen vmbher tanzen/vnd hören sin
gen/den sachē nit weiter nachgedacht/
sonder schlechtlich meynt/sie wer sonst
so güter ding/schlaffen begert/dann er
von völle des weins sehr müd was. In
die fraw balc nider zündet/vn als er ent
schlaffen

schlafen woz/sie sich wid zū irem Münch
herab fūgt/ d von hertzē fro was/vn die
weil er vormalß seinē willen kein gnūgē
gethan hett/von newē auff zū roß saß/
noch etliche meylen vor tag reyt/dara
nach vō dem fräwlin außgelassen war/
heym zoge/vnd Gott dancket das er on
schaden hinauß kommen war. Diß hab
ich von den München geschrieben/ da
mit sich andere daran stossen/vnd ihren
Orden steiffer halten weder sie thünd/
oberes wil (Gott sey es geklagt) kein
warnung/straff noch vermanung mehr
helffen/sonder sie meynen/vnd sagen es
auch/sie wissen sich sonst wol zū halten/
welches / wie es geschicht / man leyder
wol sihet / dan wenig nutz/fromen vnd
seligkeit von vnseren münchlinen kom
met/ja alle verfürische/ teuflische/spitz
fündige stücklen stecken in inen/tragen
also vnter einer Schafhaut ein reißend
den zuckenden Wolff/ fressend der ar
men Witwen vnd Waisen heuser / vnd
wenden lange gedet für/ 1c. Vnd nit al
lein dasselbig / sonder sie sehen wo sie ei
nem biderman sein weib vnd kind könn
en

Der Wegfärker.

nen bescheissen/ betriegen/ vnd mit ihnen
in abgrundt der hell führen. Siehe da/ das
ist jr Gottselig leben/ das sie den armen
einfeltigen Leyen fůrgeben/ fůr heilig
vñ Gott angemem. Mā möcht vñlleicht
meynen ich redte ihnen solches zů leyd/
oder seye ihnen sonst neydig/ so sey Gott
mein zeug/ das ich solches in keinem ar-
gen nit geschrieben/ sondern allein was
ich von Mñchen hieher gesezt/ war-
nungs weiß gethan hab. Ich wolt auch
wol (so ich mein selbs vñ jr nit dran scho-
net) anders geschrieben/ vnd vil gröbe-
re bößlin hieher gesezt haben/ aber ich
hab solches nit thůn wollen/ sonder vn-
terwegen gelassen/ dan man sonst gnůg
ja auch nůr zůvil jr heilig leben sihet/ vñ
wie es gegē Gott gestalt ist. Es schreibe
je die heilig geschriffte/ daß das gebet so
gezwungen ist/ vnd nit von hertzen ge-
het/ seye Gott nicht angemem. Tůn die
Mñch/ der mehrtheil so sie zů nacht
sollen auffstehen/ in die Metten gehen/
singen/ flůchen sie/ das Gott vom him-
mel herab sehen möcht. Solte GOTT
solch laster nit straffen? ja es were nicht
ein

ein wunder / das sich der erdboden auff
thet / vnd solche leut verschlucket. Dies
weil dann nū solch jr gebet gezwungen
ist / vnd wider jren willen geschicht / so
ist es Gott nit angensem / er wil es nicht
hören / er verbirgt sich darvor. Sihe zū /
wie selig sind wir dann / wenn vnser ge-
bet Gott nit hören wil / vnd nichts vor
seinen ohren gilt? Were ja vil besser gar
geschwiegen / vnd nicht gebetet / wes
der Gott sein leiden auffheben / darob
er dann sehr zürnet / vnd zū schwerer
straff verursachet wirdt. Das sage ich
nicht von den frommen Mönchen / die
ihren Orden steiff halten / mit willen im
Gebet GOTT tag vnd nacht dienen /
dann dieselbigen ohne zweiffel selig
werdē / Sanct Dominicus / Sanct Aus-
gustinus / vnd andere mehr sind auch
Mönche gewesen / aber ihren Orden
den sie selbest gestiffet / fest gehalten /
verhalben sie auch erwehlete Engel
GOTTES sind / vnd alle die ihrem
wesen nachfolgen / scherze ich für selig /
sondern ich hab solches vmb der argen
bösen verruchten verfürischen Mönch
willen

Der Wegfärker.

willen geschrieben/ verhoff auch/ es soll
solches kein frommer zu verantworten
vnterstehn/ sondern ich bin solches al-
lein von den bösen zu gewarten/ denen
ich auch mit der hülff Gottes wil wider-
standt thun. Das sey genug von den
München/ ander ding wil ich auch mel-
den/ damit man nicht ein lied zu hören
verdrießlich werde.

Ein Pfaffe ermordet ein
schwangere Frawen jämmerlich-
en/ die ihm denselben tag
beichtet hett.

Zerweil ich lang von frölichen
kurtzweiligen vnnnd lächeringen
dingen geschrieben/ so ist nū von
nöthen/ das ich etwas von kläglichen
dingē schreibe/ damit das man auch an
Gott gedencke/ wie er etwan so manch-
erley straffen den leuthen zusendet/ vnd
zwey die einander hertzlich lieb haben/
von einander scheydet/ wie man jetzund
vernemen wirt. Es ist in einem Flecken
ein

ein pfaff auff einer pfarr: gefessen / zu
dem ein fraw (auß einem andern dorff
so in dieselbig pfarr gehörig) kommen
ist / beichtet hat / vnnnd sich zu dem kind
vorsehen hat lassen / wie dann gebürlich
ist / dann sie sehr groß gangen ist / vnnnd
die zeit also nahend vorhanden gewe-



sen / das sie kein stund mehr vor ihr ge-
habt.) Nun auff dem weg hat sie ein
Bulgen gefunden / darinn bey etlich hundert
gulden waren / welche erst daruor
ein Keyser verloren hette / dieselbige sie
sie mit ihr in die Kirchen nam / vnd als
sie

Der Wegfärker.

sie ihre sünde bekant hett/ sagt sie zum
Pfaffen/ wie sie ein bulgen funden hett/
darinn on zweiffel vil gelts wer/ bat ihn
er wolt die bulgen zu seiner handen ne-
men/ die auff der Cantzel außschreyen/
vnd wo der kempt des sie ist/ im wider zu
handen stellen/ dann sie kint solche nie
mit gutem gewissen haben. Ey sprach
der Pfaff/ seyt jr so ein thorechte fraw/
hat euch Gott etwas beschert/ so behalt
es/ vnd habt ein gut kindbeth mit/ ihr
die absolution sprach/ vñ hinzihen ließ.
Die gut fraw sich nit saumet/ dem nech-
sten heym eillet/ dann sie wol empfand
vmb welche zeit es vmb sie was. Vnd
als sie ins wäldlin/ so auff halben weg
stehet/ kam/ was die zeit das sie geberet
solt/ vorhanden. Aber niemands da
was/ der jr hett helffen mögen/ sich also
in grossen schmerzen hülffloß/ auff die
bulgen nidersatz/ mit grossen schmer-
zen die zeit vertrieb. In dem sie also
weynet/ kompt der Keyter des die bul-
gen was zu ihr/ der sie also bekümmert
sah/ fragte er/ ob sie kein bulgen funden
hett? Ja sagt die fraw/ ich hab eine fun-
den/

den / aber thut so wol / reyttend mir in
das nechste Dorff / vnnnd holend mir die
Hebam vnnnd sonst zwey Weiber / so wil
ich euch erwer bulgen widergeben / dann
ich muß sonst sterben. Der Reyttter sahe
an die bekümmerniß der frawen / vñ auch
das sein bulgen vorhanden was / umb-
kert / vñ den nechsten dem Dorff züritt.
Dieweil aber 3 reyttter nach der Hebam
men was / kame der Pfaff (dem die bul-
gen nit vergessen was) zu der frawen /
in das wäldlin / vnd begeret die bulgen.
Als aber die fraw in solche nicht geben
wolt / zohe er das Schwerdt auß / vnnnd
durchstach die arbeitselige fraw / dar-
nach schlug er ihr das haupt ab / name
dasselbig sampt der bulgen / vnnnd kere-
den nechsten vber zwerchfeld ein gros-
sen Walde zu / darinn er vermeynet zu
entrinnen. Wie nñ der Pfaff solch gross
jämmerlich mord vollbracht / vnd sich
hinweg getroller hett / kñ der reyter mit
sampt der Hebammen vnd zweyen fraw-
en / daruñ er dan von der armen frawen
hinein geschickt was. Als sie aber allein
den todē leichnam on haupt da fundē /
fiel

Der Wegfärker.

fiel ihn ein grosser schrecken zů / wußten
nit wie den sachen zůthün were / damit
der bößwicht gefangen würde. Vnnd
nach langem hin vnd hergedencken / sa-
hen sie die fůßtritt / (dann ein kleiner
schnee gelegen) vnd das blůt so von ih-
rem haupt herab gerunnen was. Der
Keytter sich eilends auffmacht / dem ge-
spor nachritt / vnnd in kurtzem den böß-
wicht erriet / in anschrey / er solt jm sein
bulgen geben / oder er wölt ihn mit dem
blossen schwert durchreñen. Der schalck
hafftig pfaff gedacht / wenn der Keyt-
ter sein bulgen wider hett / so würde er
in lauffen lassen / stund still / vñ bot dem
Keytter die bulgen dar. Als der Keytter
sein bulgen hett / nam er den mörderisch-
en pfaffen / band den seinem pferd an
schwanz / sagt sich drauff / vñ schleyffet
also den pfaffen hernach / fůrt in in den
Glecken / vnd vberantwort in der Ober-
keit / da er auch hernach seinen billichen
verdienten lon empfangen hat.

Also jämmerlich hat der diebisch pfaff
die gůt Fraw vmb jr leben gebracht / die
frucht darzů in Mutter leib verderbt /
darzů

dazü ihn der geiz gebracht hat: dann
wenn einer jm etwas arges / das wider
Gott ist / in sinn nimpt / so leßt der teuffel
nit nach / schaltet für vnd für / blast ihm
ein / das er kein rüw nit haben mag / biß
er ihn zü fall bringet / darnach singet er /
springt / lachet vñ tanzt / das er einen so
fein on grosse mühe zü jm gezogen hat /
da spielet er darnach das dicke dack mit
inen in der hellen.

O Christen mensch drumb widerstreit /
Allweg des Teuffels listigkeit.

Dier dan tag vñ nacht stets braucht /
Dardurch den menschen er versucht.

Ober in brecht zü seinem willen /
Denselben solt du also stillen.

Brauch zü der gegenweer Gottes wort /
Welches er selber gesprochen hat.

Pack dich von mir hinweg Sathan /
Kein gwalt solt du an mir han.

Mir zweiflet nit / wirst du das schon /
Er wirdt dein fürhin müßig gon.

Gelt nimpt einer vom teufel
fel / das er wölle sein weib vnd
kind vmbbringen.

Der Wegfürker.

Der Laugingen ist einer gewesen
welcher eins Jhars an der Heiligen
drey Könige tag / mit anderen mit
dem Sternen zu Dillingen vnd anders
wo gesungen. Nun auff ein zeit bald
darnach er allein vor der Statt herauf
sen vmbher gangen / ohne zweiffel stets



on gelt vnd reichthumb / wie er dassel
big vberkommen möge / gedacht / aber
doch dasselbig durch sein grosse arbeyt
nicht geschehen möchte / wol betrach
tet. Nun er hab gedacht was er wölle
jhe der leydig Teuffel (welcher tag vnd
nacht vmbher gehet / wie ein brüllender
Löw /

Löw / den Menschen zu verschlucken)
ist in gestalt eins Menschen zu ihm kom-
men / vñnd gesagt: Wenn er wöll Weib
vñnd Kind vmbbringen / so wöll er ihm
gelts genüg geben. Ach Gott der gute
Mann hat sich nicht so weit bedacht:
das ihm möchte etwas schaden drauß zu
stehn / nam dz gelt / vñ verhiess dem teuf-
fel er wölte solchen mord thun / heym zu
hauß zohe / oft im sin hett sein weib vñ
Kind zu ermorden : aber solchs nie / viel-
leicht auß Gottes schickung / oder son-
derlichen affect / so er zu Weib vñd Kin-
den gehabt / thun können. Dem Teuf-
fel gern sein gelt wider geben hett / for-
chte aber er würde es nicht mehr nem-
men. Nun eins mals der Teuffel wider
zu ihm kam / vñd fragt ihn ob er das ge-
than hett? Meyn sprach der Mann / ich
wills aber thun. Abermals willens hett
solchen mord zu verbringen: doch wenn
er die sach wolt angreiffen / war ihm nie
anders / als stunde einer hinder ihm der
in darfür bäte. Derhalben gedacht / ehe
etwas groß darob zu leidē / weder solch
groß mord an seinem eignen weib vñnd
Kind zu thun. Lij lieben

Der Wegfärker.

lieben kindlin stifften wolt/ das gelt bey
einander behielt/ vn̄ solches dem teuffel
wider geben wolt. Vnd eins tags kam
der schwarze Mann abermals zu dem
guten Mann in hunds gestalt/ fraget
ihn: Warumb er seinem zusagen nit stat
thete? Dem der Mann baldt antwort:
Er könt es nit thun/ er sol sein gelt wi-
der nemmen/ daran der Teuffel nit con-
tent sein wolte/ ihn mit dem schwanz
vmbschläg/ vnd in in hinein für/ dauon
der Mann als baldt besessen ward/ nit
anders thet/ dann wie solche leut so be-
sessen sind/ die red empfiel ihm/ also das
er gar stumm ward/ nichts redt/ dann
allein wenn die stund schlug/ sagter:
Thun helff mir der barmherzige Gott/
wie wirt es mir so vbel gehen. Darnach
aber schweige/ das so lang trieb/ biß ihm
wid geholffen ward. Also auff die stund
(anders mir nit bewust) noch leben sol/
zweiflet mir nicht/ er werd forthin kein
gelt mehr nemmen. Ein sehr selzam er-
schreckenlich vnd greulich ding ist/ das
die leut dem gelt so hefftig sollen nach-
stellen/ vnd etwan durch geiz gezwun-
gen

Der Wegfärker.

So

gen werden / solchs auch an Teuffel zu
begeren / wie dann dieser auch gethan
hat. Wiewol es aber nicht so ein groß
wunder vmb die armen ist / dann wenn
sie schon tag vnd nacht arbeiten / vnd
nichts vberkommen können / fallen sie
dann in solche gedanken / darzu dann
der Teuffel hefftig schürt / gelt zeygt / vñ
den sorgfeltigen menschen von solchen
gedanken zu den wercken reizt / darzu
erwan auch die Herren vñ wolhabenden
vrsach sind / dann wenn sie von dē armen
vñ hülff angesprochen werden / schlies-
sen sie vor jnen die hende zu / welches zu
solcher verzweiffelung ein grosse vrsach
ist / damit aber die Herren sich best mil-
der gegen den armen halten / habe ich
diese Verflin hieher gesetzt.

Wer armen nit thut hülffes schein /

Sonder in Kasten alles hinein.

Dasselbig secklet vnd versperit /

Vor dem dürfftigen ders begert.

Der wirdt on zweiffel ein kleinen lon /

Bey Gott vñ solch gütthar empfan.

Sonder viel mehr die greulich hell /

Da wirdt er sein des Teuffels gsell.

L iij

Reicher

Der Wegfürher.

O reicher drum theil auß dein güte/
Dem armen ders begeren thut. Lie
Ein schilling/guldē/ dir nichts schadet/
Dem armen aber sehr wol battsch

Dem bösen feind rufft etlicher
er sol im gelt geben.



Es ist nit lang das ein wolha-
bender Bawerßmann mit seiner
frawen

frauen vber feldt / gantz wol bezechet /
 gangen ist / vnnnd im wider umbkeren er
 vil mal vber laut geschryē hat: O teufel
 gib mir gelt / ich wil dein eigen sein. Sol
 ches er lang getrieben / vnangesehn wie
 trewlich ihn die frau dar für bat / sagt:
 Was er doch also schrye / er dörfft doch
 des gelts nit / er hette sonst gelts gnüg.
 Als er nün solch sein schreyen ihe lenger
 ihe mehr trieb / kam der Teuffel für ihn
 in angesicht der frauen hinweg / ohne
 zweiffel den weg dahin er gehöret hat /
 da er auch noch sitzt. Also wirdt den gei-
 zigen menschen / die niemand erfüllen
 kan / jr lohn. Nimb ein Exempel / vnd
 stoß dich dran.

Adam Stegman erwürgt seine zwen Kinder.

In Debernähen im Elßaß ist ein
 Burger gesessen / so Adam Steg-
 mann genant / vnd ein Rebmann
 gewesen / welcher auff ein zeit gelt von
 einem Edelmann genommen / die Re-
 ben zu bawen / doch nach empfahung
 L. iiii desselz

Der Wegfürker.

desselbigen anfahren zu zechen / vnd das
geltlin verthün / vñ in kurzem gar fey-
erabend gemacht hett. Vnd nach etli-
chen tagen krank ward / also das er nit
mehr arbeiten kondt / vnd eins tags als
sein frau sampt dem eltern sohn in den
reben warend / niemands daheym was /
denn der Mann mit zweyen Kindlin /
kam dem Mann in gedanck / on zweif-
fel durch eingießung des Teuffels / wie
er gelt auff die Reben empfangen hett /
das were schon verthan / die reben noch
vngewachsen / so were er krank / also / das
er sie nit machen kondt. In summa / in
solche verzweiffelung fiel / dz er gedacht
sich selber zu erhengen / ein art nam / im
hausß vmbher gieng / ein ort sucht / da er
mocht ein nagel einschlagen / daran er
sich selbst hengte / aber solches sich nit
schicken wolt. Vnd in solchem vmbher
gehn das töchterlin / so noch jung vñ
von wenig jahren zum Vatter kam / vñ
in bat das er ihm wolt brot geben / dann
es sehr hungert. Der Vatter frage wo
es ein messer hett ? das im das töchter-
lin baldt gabe. Wie nün der bößwicht
das

Das messer inn der handt hett / stache er
dem töchterlin die gurgel ab. Darnach
zü der wiegen gieng / dasselbige Kindt
auch umbbringen wolt. Vnd als in das
Kind ersahe / sienge es an zü lachen / dar-
uon dem Vatter sein hertz ein wenig er-
weycht ward / daruon gieng / vnd ihm
nichts thet. Doch seinen bösen fürgesetz-
tē willen nit zü ruck legen wolt / wider
zü der wiegē gieng / das Kindt auffricht /
vnd es hinten am rucken mit etlichen
stichen verletzet / dardurch es baldt sein
leben erbärmlich enden müß. Darnach
hinab gieng / nit gedacht die Kindt hin-
weg zü thun / sondern sich vor der thür
allen aller schwach vñ verzweiflet setzet.
Als aber die leut hin vñ wider giengen /
fragten sie in wie er lebt? Ey sprach A-
dam Stegmann / ich lebe wie ein böß-
wicht / ich gehör an galgen / dan ich hab
mein eigne Kinder umbbracht. Die leut
solches nit glauben wolten / sonder hin-
auff giengen / vñ den jämmerlichen mord
sahen / gleich Adam Stegmann gefan-
gē namen / vñ in in seinem hauß biß sein
fraw vnd der ältest Son auß den reben

Der Wegführer.

Kamen/gefenglich enthielten. Als die
fraw heym kam/vnd den schaden vnd
verlust irer lieben kindlin sahe/mage ein
jeglichs bey jm selbs wol ermessen/ob sie
trawrig oder nit gewesen sey. Doch das
ich es kürze / der Vatter dem son so mit
der Mütter heym kam/zü ihm rüfft/ihn
ermant das er gedecht/ vnd from were/
Gott vor augē hett / vnd tag vñ nacht
arbeitet / damit er nit also vom Teuffel
wie er verführt würd / vnd in solche ver-
zweiffelung keme / darinnen er jezunder
stecke. Nach solcher ermanung er in die
rechte gefengnuß geführt ward/vñ nach
wenig wochen darnach als ein mörder
zum tod verurtheilt vnd geführt ward.
Solchen bösen lon bringet verzweiffe-
lung mit sich. Hüt dich.

Jungfraw Lisabetha Bulet

vmb einen jungen genant Lo-
renz/welches jr brüder innen
worden/in vñbrachten/
vnd wie es hernach
ergienge.

In

In der Stadt Missinia wa-
 ren drey brüder / Junge gesellen /
 Kaufleut / zu güter maß reich / die
 hatten ein junge schwester / genant Li-
 sabetha / schön vnd züchtig / vnd noch
 nit verheyrat. Dieselben drey brüder in
 iren Krämen ein jungen hatten / ein Pisa-
 ner / genant Lorentz / der ihnen alle ge-
 schafft ires handels aufricht et vnd ver-
 rechnet / gar ein hübscher züchtiger jun-
 ger / vñ gerad von leib vnd Person. Der-
 selb jüngling der Jungfrawen Lisabe-
 tha von ganzem hertzen gefallen war /
 solcher jr lieb Lorentz vernam / alle seine
 liebe außershalb ließ / vnd sein ganz ge-
 müt zu jr kert. Also nit lang anstünd / sich
 zusamen fügten / vnd was beyder begir-
 de vnd will was / verbrachten. Solche
 lieb vnd kurtzweil ein gute zeit trieben /
 vñ auch das also vnuerborgenlich han-
 delten / das jr lieb zu liecht kam / vñ iren
 brüdern zu wissen war. Dan eins nachts
 Lisabetha zu ihrem lieben Lorentzen
 schlaaffen gieng / vnd ihres eltsten brü-
 ders nit wargenommen hette / der alle
 sach der zweyer warnam vnd sahe: doch
 als

Der Wegfärher.

als ein weiß Man̄ thet / wiewol jm sol-
che schmach vnleidenlich war / doch et-
lichs raths pflag. Da nun der morgen
kamen / was er in der vergangnen nacht
von seiner Schwester vnd Laurentio ge-
sehen hett / als seinen brüderen sagt vnd
zu wissen thet. Vnd nach langem bera-
then / mit ihnen selber eins wurden / da-
mit weder jñe noch der Schwester schan-
de zůstünde / Keins gleichen theten als
ob sie solchs gemerckt hetten / biß das jr
fügliche zeit kam / damit sie solche schan-
de möchten rechen / doch on schand von
iren augen hinemen. Also es ein güt zeit
angestanden / Keinerley sich merckē lies-
sen / vnnd mit Laurentio mehr dann jhe
frölich waren. Nū eins tags jr fügliche
zeit kam / dergleichen theten / als ob sie
alle drey für die Stadt wolten spazie-
ren gehn / vnd den jungen mit jñ fürten.
Vñ da sie an ein verborgen end kamen /
sie zeit daucht iren bösen willen zů voll-
bringen / vnd an solchem end den ellen-
den jūngē / der sich Keins argē zů jñ ver-
sahē / würgten / mördeten vnnd tödten /
begruben / vnd sich balt wider gen Mif-
finia

finia in die Stadt fügten/ vñ wer nach dem Jungen fraget/ dem gaben sie zu antwort/ sie hetten ihn in iren geschafften außgesandt/ vñnd kem in güter zeit nicht wider. Das ihnen allzeit glaubt ward/ dann ihr gewonheit was in viel hinweg zúschicken. Da nün etliche zeit vergieng/ Elisabetha gar offte ire brüder nach Laurentio fraget. Also das lang auß sein ir hertz beschwert vñd in trübsal setzt. Eins tags sie ihrem brüder gar ernstlich nach im fragt. Er ir antwort/ Was bedeut dein stet fragen/ was hast du mit im zúschaffen? Warlich fragst du mehr nach im/du empfehest dein verdienten lon. Solche wort sie sehr betrübeten/ vñd grossen schrecken empfieng/ das sie keinerley von ihrem Lorentzen vernemen mocht/ gedacht ihr wol die sache nicht recht zúgienge/ doch mit gedult ir leyd vertrüg vñ stillschwig/ vñd zu mehrmalen des nachts in ihrem beth im mit demütiger senffter stim vñd becrübttem hertzen rüfft/ vñd beth in das er baldt wider keme/ vñd mit schweren seuffzen vñd herten träheren ihrer augen/

Der Wegfärher.

gen/sein langes auß sein beweynet vnd
klaget/vnd on alle freud sein stets war-
tet. In solchem irem traworigen leben/
ein nacht nach vil langem weynē nach
irem Lorenzen/ der nicht wider kam/in
solchē ellenden gedanken sie entschlief-
fe / vnd im selben schlaffen Laurentius
ir allerliebster ir für / vnd nach irem ge-
duncken zū ir kam / aller bleych vnd vn-
gestalt/vnd zū ihr sprach: O Lisabetha
mein allerliebste Frauw / du thūst mir
stets rüffen/ das ich so lang von dir bin/
dich selbst betrübest / vnnnd mit deinem
herten weynen mich gegen deinen brü-
dern verklagest vnnnd schuldig gibst/laß
ab von deinem weynen / wisse das ich
nicht mehr zū dir kom/dann ich mit tod
von deinen brüdern auß diser Welt ges-
scheyden bin/dann am letzten tag da du
mich sahest / mir deine brüder das leben
namen/vnd jämmerlich tödteten/darbey
er ir das end vnd das ort da er den tod
von iren brüdern empfangen hett/weis-
set vnd lert/vnd zū ir sprach: das sie ihm
mit mehr rüffet/dann ihr rüffen ihm sein
pein mehret. In dem von ir schied vnd
verschwand.

verschwand. In solchem schlaaff vnnnd
traum Elisabetha erwachet / gantzlich
dem gesicht glaube / von newen anhub
kläglich zū weynen / vñ des tags schein
warten was. Da der tag kommen was /
auffstund / doch so beherzt nit was / den
brüdern etwz zūsagen / jr fürnam an dz
bezeichnet ort zūgehn / zūbesehen ob jns
also wer / als sie in dem schlaaff ihres Lo-
renzen halb vernommen hett. Des vr-
laub von den brüdern name / spazieren
ein klein für die Stadt zūgehn / mit ei-
ner gūten frawen die viel ihrer geheym
wuß / sich so baldest sie mocht an dz end
füget / da der ellend jung Lorientz begrab-
ben lag. Da sie die bletter ab dem erdt-
rich nam / vnnnd das new frisch erdtrich
fand / darbey ihr des jungen begrebnuß
kunt ward. Sie grub nit lang / sie den
toden leichnam jres allerliebsten fand /
in keinerley nit verkert / darbey sie wol
ihres traums gesicht klärlich vernam /
sah vnnnd erkent / trawriger dann kein
fraw je war / doch da nit lang zūklagen
wz / vñ wo es möglich gewesen / sie gern
den gangen leib mit jr getragen hette /
ihm

Der Wegführer.

ihm füglich begrebnuß zugeben/aber
nit möglich was/darumb jm allein das
Haupt mit einem Messer abschnitte/
in ein schneeweiß thüch wicklet/vnnd
jrer Magd zutragen gab/vnnd den leib
wider mit der Erden bedeckten/vnnd
die Stadt heym zû hauß kert/da sie sich
mit dem toden haupt in jr Kammer ver-
schlosse/vnnd von newem anhub klä-
glich zû weynen/mit ihren herten zähern
das haupt zû wäschen/das zû tausent
malen küssen. Darnach ein grossen schö-
nen scherben von Magiolita nam/dar-
ein man Negelin/Maioran oder Ba-
silicon setzet/darein sie das haupt in ei-
nem seydn thüch verwicklet legt/vnnd
mit Erdrich umbgeben vnd bedeckt/
darauß sie seet vnd sagt schöne zweig/
von Basilio Salaritano/vnd den mit
keinem anderen wasser begosse oder ne-
get/dann mit einem Rosenwasser/vnd
den zehern jrer augē/für ein gewöhnliche
gewonheit hett/stets beym scherben zû
sizen/in mit grosser begierd/bület vnd
stets ansahē/als den/der jren allerlieb-
sten bülen verborgen hielt. Vnd nach
langem

langem ansehen darüber gieng kläglich
zu weynen/ das also lang thet/ biß
sie in aller ganz genezt hett. Der Basila
kon von iren stäten zähern vñ der gey
le des erdrichs vnd todten haupts / om
maß schön vñnd wolschmeckend ward.
Die Jungfraw solches weynens vñnd
klagens ob dem Basilio so offte triebe/
das sie zu mehrmalen von etlichen iren
nachbawren gesehen was / die das mit
grossen wunder irer verdorben schöne/
iren brüder sagtē / was sie teglich vom
Lisabetha gesehen hettē. Da das ihre
brüder vernamen/sie strafften vnd dar
umb zu red sagten: aber alles vmb sonst
vñnd vngelohffen was/die sich mit ein
ander beriethen / vñnd ihr den scherben
heymlich namen vnd stalen. Den sie zu
mehrmalen mit grossen zorn vnd ernst
an ire brüder forderet vnd begert / aber
ihr darumb nit wider ward / des sie ius
weynens nit nachließ / sonder das meh
ret vñnd des willen in schwere krankheit
fiel/nit anders begerten was/dan allein
ires scherbens/das die jungen ire brüder
gar frembd nam/das sie in solcher gros

Der Wegführer.

ser Franckheit ihr zu hülff nichts anders
begert dann allein des Scherbens / mit
einander eins wurden zu besehen / was
doch anders dan Basilico in dem scher-
ben sein möcht / vñ den außschüttē / dar-
inn sie das tode haupt vnuerwesen in
dem seidin thuch funden / vnd beim schō-
nen haupt wol erkannten das es Loren-
zen haupt was / sich sehr verwunderten
vnd erschracken / darbey besorgeten / ihr
mord zu liecht kommen were / doch das
baldt begruben / vnd auß Missinia gen
Neapolis zogen. Die Jungkfraw ihr
schwester nichts anders dann ires scher-
bens begere ward / vñnd also weynend
den geist auffgab / vñ des lebens grosser
uberflüssiger lieb halben ein erbärmlich
end nam. Doch nach etlicher vergang-
ner zeit ein solches mehr personē zu wiß-
sen kam / dauon einer diß lied dichtet.
Tu guasta latrui cose fa villana.

Ein erbärmliche vñnd klägliche Hi-
stori ist das / darumb habe ich sie hieher
gesetzt / das sich die jungen mägdlin dar-
inn gleich als inn einem spiegel ersehen
sollen / vnd die liebe so sie zu den jungen
gesellen

gesellen getragen/recht in das hertz fassen/
vnnnd nit allein lieb haben / dieweil
er gelt im Seckel hat. Dann bey allen
jungfrawen / vnnnd nicht allein bey den
jungfräwlin/sondern auch bey den ehe-
weibern gegen jren Mannen/ ein solche
vnabtreibliche lieb were / würde es bass
in der Welt stehn. Aber es heyst jetzt:

Hast du gelt so hab ich lieb/

Wo nit / dich in ein winckel schmiege.

Daselbst du nar: solt bleiben stan/

Biß ich dich heysen fürher gan.

Es muß aber gewislich einer lang
bülen / ehe er solches vberkompt/ wenn
er nicht gelt hat / ja man sehe dich auch
nit an / das man dir sicher ein güt wort
gebe/wo man aber ein vollen seckel wiß-
se / da kommen meine güten töchterlin/
bieten sich selbst feyl wie das fleysch in
der merzig.

Gell wilt du bülschafft treiben/

Bey Jungfrawen vnd Weiben.

Den seckel voll gelt solt du fassen/

Außgehn nit vnterwegen lassen.

M. ij. Hieros

Der Wegführer.

Hieronimus hett lieb eine
Jungfrau genant Sylvestra
vnd damit er jr vergesse/ thet man
in gen Paryß/ er aber her
nach jr an der seycen
starb.



In der Stadt Florenz wonet
ein alter reicher Bauffmann/ der
omit seiner hauffrauwen ein jun-
gen Son hett/ genant Jeronymus. Der
selbig güt Mann alters halb mit todt
abgieng. Der junge Knab mit andern
Kindern

Kindern der nachbawerschafft erwach-
 sen was / doch mehr mit einem Jungen
 Mägdlin / die eins Schneiders tochter
 was / kundschaft hette / dann mit an-
 dern. Solche kundschaft vnnnd auff-
 wachsen beyderhalb sich in breñende lie-
 be kert / in solcher maß / das der jung keis-
 er gute stund on das mädlin gehabt
 mocht / wo er sie nicht sahe / des gleichen
 sie in nit minder lieb hett. Solcher lieb
 des knaben mütter wargenommen hett /
 in oft vnd dick darumb strafft vnnnd zü-
 rede setz / als die da meynt vmb des kna-
 ben grossen reichthumb willen / auß dem
 schlehdorn ein apffelbaum züziehen.
 Vnnnd das den Vormündern anzeiget /
 sprach: Diser mein Son / welcher noch
 nit gar zü vierzehen Jaren kommen / zü
 eines Schneiders Tochter solche grosse
 liebe hat / das ich besorg / fürsehen wir
 es nit / vnd schicken in von hinnen / er sie
 eins tags heymlich ohn jemandes wissen
 zü der Ehe neme / des ich nimmermehr
 frölich würd / vnd wo sie einem andern
 gegeben würde / er sich in den todt fräß.
 Darum ein solchs zü fürkomen / deuche
 M iij mich

Der Wegfürher.

mich güt/ ihr hetten in von ir genommen/
vnd in frembde land gesandt/ da ir ewe-
re hendel habt/ ob im villeicht sein liebe
vergessen würde: darnach wir ihm eins
erbaren Manns tochter ihm gleich ge-
ben möchten. Den Vormündern der
Frauwen red wol gesiel/ vnd sprachen:
sie wölten allen ihren fleiß thun/ den
Knaben zu inen rüfften/ vnd züchtiglich
genüg mit ihm redten/ vnnnd sprachen:
Lieber Sohn/ du bist nün mehr zu dei-
nen jaren vnd vernunfft kommen/ dar-
umb wer vnser meynung vnnnd sinn/ du
sehest selbst zu deinen geschesseten/ vnnnd
wer vnser güte meynung/ du rittest gen
Paryß/ da der mehrtheil deines handels
vnnnd reichthumb ist/ vnd besehest/ wie
dein vnnnd auch vnser sach stünde/ auch
darbey etwas zucht vnnnd tugent geler-
net hettest/ des wir nit zweiflen. Dann
da ist grosser Adel von Fürsten vñ Her-
ren/ auch Hochgelerte Männer/ die dir
ohn zweiffel gefallen werden/ darnach
wider zu vns herkommen werest. Da
nün der Knab seiner Vormündern rede
vernommen hette/ mit kurzen worten
inen

inen antwort gab / wie er das nit thun
wolt / dann in denckte er als wol zu Flo-
renz sein möchte als ein anderer. Des
Knaben Mütter solche antwort zu wis-
sen kam / die vñ solcher antwort willen
in grossen vnmuth vnd zorn fielen / nicht
darumb das er nicht ghen Paryß wolt /
sondern seiner grossen lieb halb / so er zu
der jungfraw hett / im vbel zuredt / doch
darnach mit demütigen senssten wor-
ten in bat / das er ihren willen thet / sich
schicket nach irem gefallen / ein Ihar zu
Paryß zu stehn / vnd nit lenger. Auffsaß
vnd ghen Paryß ritte. Aber sein grosse
liebe eh sich mehret dan minderet : doch
wider allen seinen willen zwey Jar zu
Paryß verharret / vñnd nicht minder in
seiner ersten liebe brant / vñnd in seinem
widerkommen befand / das sein aller-
liebste Jungfraw Syluestra sich ver-
heyrat hette / davon ihm gross leyd zu-
stund / doch wol gedacht was geschehen
wer / nicht wider zu ruck gehen möchte.
Darumb sich beflisse / ihm des frieds zu-
geben : doch sein liebe darumb nit nach-
ließ / vñnd ihr hauß erlernet. Vñnd als

M iij der

Der Wegfärker.

Der biler gewonheit ist / offte auff vnd
abgienge / vnd meynt gleich als er sie nit
vergessen hett / auch sie sein nit vergesse
sen solt haben. Aber es hette sich alles
vmb sie verkeret / es was jr nicht anders
als hett sie in nie gesehen / vñ ob jr noch
etwan eingedenck was / jedoch sich des
gegen jm nit hett mercken lassen. Sol
ches der jung wol vernam / nit mit klei
nem schmerzen pein trüg / vñ alles das
thet / das solcher lieb halben züthun ist /
ob er jr wider in jr hertz vnd gemüt kom
men möchte / aber sie sich ihrer lieb gegen
jm anders nicht erzeygt / darumb er sich
schicket zü sterben / oder er wölt mit ihr
reden. Vnd durch etliche nachbawrin
vnterricht ward die gelegenheit ihres
hauß vnd kammern. Vnd eins naches
sie vnd jr Man zü der nachbawrschafft
waren essen gangē / in dem er das hauß
erstige / vnd in die kammer hinder den
vñhang des beths sich verbarg / da ab
so lang verborgen lag / biß sie zü hauß
kamen / vnd zü beth giengen. Vnd da er
den Man entschlaffen vernam / sich an
das beth zü der Jungfrawen legt / sein
handt

handt auff jr brust leget / vnd mit niede-
 rer sanffter stim zu ihr sprach: O mein
 außerswelt fraw vñ liebe / nit erschrickes/
 ich bin dein Jeronymus. Die fraw die
 da nit schließ/willens hett zu schreyen/
 doch von alter freundschaft bezwun-
 gen/ still zu schweigen / sondern in vmb
 Gottes willen bat/das er hinweg gien-
 ge/ehe der man erwachte / dann die zeit
 ihrer beyder kindlicher liebe vergangen
 were/ Ich bin/als du wol sihest/verhey-
 rat zu der Göttlichen Ehe/darumb mir
 nit mehr zústeht frembder liebe zu pfles-
 gen. Darumb durch Gottes willen geh
 hinweg/ehe du von meinem Mann ver-
 nommen werdest/ wiewol dir vielleicht
 nichts arges zústünde/so würd ich doch
 gewißlich mit ihm nimmer in frieden
 leben/so ich jetzt werth gehalten bin. Da-
 her jung der frawen hefftige wort ver-
 nam/all seine hoffnung verlор/ vñnd in
 grossen vnmüt siele / die grosse liebe der
 vergangnen zeit beyderhalben beden-
 ken ward / vnd das sich solch sein lieb/
 wie fer er von ihr gewesen / nit gemins-
 dert/ sondern gemehrt hette / vnd die jr
 sonne

M v

gegen

Der Wegfürker.

gegen ihm so gar erloschen was. Groß
bitten vnnnd verheyssen durch einander
vermischet/er jr thete. Aber von ihr kei-
ner bitt geweret was/darum̃ ganz ver-
sagt vnd des tods begeren was. Zum
letzten sie bat/in widerkerung seiner lies-
be/ die er so lang zeit zu jr getragē hett/
das sie im vergünnet/ein klein sich bey ir
zu wermen: dañ er vor frost tod vñ aller
erkaltet wer/vnd jr versprach in keiner-
ley vnehrn wider jrē willen zūthun: als-
balt er sein warme empfangen hett/wi-
der von jr gehn wolt. Die jungfraw sich
erbarmen ließ/ die vielleicht von seinem
anrühren seines frosts empfunden hett/
vñ in des er begert/geweret. Also der el-
lend jung sich seiner lieben frawen an jr
seiten schmucket / anrühret vnnnd nichts
sprach/doch wol mit ihm selber jr grosse
hertigkeit wider in bedacht/darbey sein
verlorne hoffnung sahe/ darumb im für
name nimmermehr zu ihr zukommen.
In solchem gedancken ohn eynicherley
gedancken/ noch nichts versprochē / im
all sein Geist seins lebens verschwun-
den/vnnnd der frawen an der seiten todt
blieb.

blieb. Also etlich stund lag/ehe die fraw
 seines todts warnam / wol sie frembd
 daucht seiner grossen zucht halbē / dz er
 also sie vnangerürt liegen mocht / auch
 sorg hett / der man erwacht/vñ deß jun-
 gen warnem. Vñ deß willē sie mit gros-
 ser stille in anhub zū weckē / Jeronyme/
 steh auff vnd geh hinweg / ehe das mein
 man erwachet. Das thet sie also zū mer-
 malen / aber kein antwort von im hett/
 gedacht er were entschlaffen / jr hand zū
 im streckt in zū wecken. Also sie ihn aller
 eistalt befundē / welchs sie gar grösslich
 frembd nam / vñ sie on zweifel daucht dz
 er tod wär. Da w3 kein betrübtere fraw
 nie mehr gesehen wordē / vñ nit wust w3
 sie thun solt / doch bald mit jr selbst rath
 nā / vñ durch ein andere person iren man
 versuchen wolt / was er doch zū solcher
 sach sprechē wolt. Vñ in auß dem schlaff
 wecket / vñ aber was sich mit jr vnd deß
 jungē halb zūgetragen hett zūuerstehn
 gab / wie ein solchs einem andern zūge-
 standen wer / vnd sprach / mein lieber
 man ob mir ein solche sach bescheh / was
 Deuche

Der Wegführer.

dencht dich zůthun? Der gůt Mann ihr
antwort gab / vñnd sprach: Mich ger
dencht / den der da todt were / das man
denselben mit stille zů hauß trůg vñnd
liegen ließ / vñnd die frawen der das also
ergangen wer / in kein argen oder vbel
verdeckt / so sie doch daran kein schuld
noch gesündet hat. Die Fraw zů ihm
sprach: Mein lieber Mann / wir jm also
thůn müssen / vñnd ihm sein hand nam
vñnd auff den todten legt / der ihr an der
seiten lag / darbey er vernam / als die
fraw gesprochen hett / ganz war was
erschrocken auffstund / ein liecht anzůn
det das wunder zůsehen. Vñ ehe er mit
der frawen wider zů red kam / den tode
ten jungen in sein gewandt wider kley
det / auff die achsel nam / vñ für die thůr
seins hauß trůg / in da ligen ließ. Er des
morgēs mit grossen weynen vñ klagen
von seinē freunden funden war / sonder
vō seiner mütter / die in mit grossen ruf
mor vñ geschrey / mehr dan jemens an
ders klaget. Da er vō seinē freunden be
sucht ware / ob er niendert wund were.
Es war aber nichts funden / dan durch
die

Die weisen ärzt besehen vnd gesprochen
ward/ er von grossem leyd tod were/ als
denn die warheit was. Also den leib in
die Kirchen trügen / dem sein trawrige
mütter mit iren freunden / frawen vnd
mann gesellschaft thete/ vnd nach dem
gewöhnheit was/ den toden plagten. In
dem der güt Man in des hauß der jung
gestorben w3/ zu Syluestra seiner frau
wen sprach: Geh hin vnd nim ein man
tel auff dein haupt/ gehe in die Kirchen
da man Jeronymum hin getragen hat/
vnd setze dich vnter die frawen/ vnd ver
nimb was man doch von disen sachen
sagen wölle/ ob wir inn keinerley wege
verdacht seyē / desgleichē wil ich vnter
den manen thun/ das der jungen fraw
en/ die sich zu spat gedemütiget gefal
len hat/ als die auch den toden gern ge
sehē hett/ dem sie bey lebē nit mit einem
kleinen küßlin nit wolt zu lieb werden/
sich zu der Kirchen füget/ zusehen/ was
man von dem todten Jeronymo sagt/
nach befelch ires Manns / vnd wie sie
angeschlagen hetten/ das sie sich dar
nach wißten zürichten/ ob sie verdacht
oder

Der Wegführer.

oder argwönig wer. Es ist ein groß wun-
der zūbedencken / vñ wöllen durchgrün-
de die groß sterck der lieb / dan das hertz
welchs das vnselig glück / vnd Jerony-
mus dieweil er bey leben / nit erörffnet
noch er weychen mocht / die elend jung-
fraw selbst auffthete / vnd die alten er-
loschen flamen der liebe sich in jr wider
anzündten / vnd sich als gählingen ver-
kert / da sie den jungen also todt ansich-
tig war / in solche klägliche demütigkeit
fiel / dauon nit zūschreiben. Vñ zūhand
auß den frauen zū dem toden drang /
vñ vber in kläglichen anhub zūweynen /
vnd jr leyd zūklagen / vnd mit ihrem an-
gesicht auff das seine fiel / aber mit we-
nig zähern irer augen / dan so bald sie in
angerürt hett / zū gleicher weiß als das
groß leyd / pein vnd schmerzen / dem jun-
gen sein leben genomen hett. Also auch
jr das groß hertzleyd jr leben name. Die
zūsehenden Frauen die ihr gantz kein
kundschaft hetten / nach dem vnd sie
die lang getröst hetten / zū jr sprachen /
das sie von dem toden auffstünde / vnd
sich selbs auch tröstet / dan das der will
Gottes

Gottes were / den jungen also zů im ne-
men. Aber sie / als die auch todt was /
in kein antwort gab noch sich verrüret.
Die frawen sie angriffen ab dem jäng-
ling zů heben / die zůr stund Syluestram
erkannten vnd tod funden. Vm̄ des wil-
len alle frawen die da gegenwertig wa-
ren / mit zweyfachen klagen vñ demüti-
gen trawrē vberwunden / all kläglichem
anhuben zůweynen. Solche mären für
die kirchen vnter die Mañ kamen / vnd
Syluestra mañ / der darunder was / zů-
wissen ward / der on jemandes trost auch
anhub zůweynen vnd klagen vmb sein
Syluestram sein gemahl / vnd etlich die
bey ihm stunden / die vrsach seins leyds
fragten / denen er / was sich Jeronymū
halben ergangē / zůwissen thet / darnach
bey jedermann kundt war die vrsach ihr
beyder todt / jedermann groß leyd hett /
vnd die jungen frawen neben den kna-
ben in die haar legten / da sie beyde von
newem beweynet wurden / darnach sie
beyde inn ein Begrebnuß beschlossen.
Als die die grosse liebe im leben nicht
mochte zůsammenfügen / sie mit Tode
vnd

Der Wegfärker.

vnd ewiger gesellschaft zů einander ge-
schlossen vnnndgefügt worden. Das sey
nū gnüg von klägliche dingen geschrie-
ben / welches ein verstendig hertz hat
mag sich in disen zweyen kläglichen Hi-
storien genügsam ansehen / was ihm zů-
thū oder zůlassen sey / der liebe halben.
Die fraw in einem weg nit zůloben ist
sonder viel mehr zůschelten / vnd vnter
die vngetrewen zůsetzen / das sie dem gū-
ten Jeronymo nit mit einem fuß mocht
zůtrost kommen / dardurch sie ihm viel
leicht sein leben errettet hett / die doch
vormals mit ihrem ganzen leib / ihm so
offt er das begeret / gewesen / zůwillen
worden ist. In dem andern theil ist sie
sehr zůloben / ja auch für die keusch Lu-
cretia zůscherzen / das sie die Eheliche-
trew an irem Mann nicht hat brechen
wollen / dardurch aber der gūte Jung
sein lebē erbärmlich enden müssen. Wer
ist aber die grōst vrsach seines todes ge-
wesen? Die witzig mütter die iren Son-
etwas schöner / reicher vnd gewaltiger
gescherzt hat / weder Syluestram nit be-
trachtet / dz er als wol fleyschlich ist als
andere /

andere/vnnd was Venus vnnd Cupido
vermögen / von welches wegen er auch
todt ligen müssen. Das vollkommenlich
vrtheil aber Syluestra / ob sie recht oder
vnrecht gethan / wil ich nit fellen / dann
dasselbig sich hernach selbst felle vnnd
beweist / das sie groß rew vnd leyd vber
ihre hertigkeit gehabt hat / von des we-
gen auch gleich vber dem armen jünge-
ling gestorben ist. Derhalben wil ich ei-
ner jeglichen frawen solchs selbs zube-
denken geben / das sie sehen was ihnen
der lieb halben zuthun seye / dan etwan
solchs von vberflüssiger lieb / vnd nicht
aus bößheit vñ mütwill geschicht / wol
on sünde zugehen mag.

Fraw Agnes schickt nach
einem / den sie zween bunde
schüch zu haben ver-
meynt.

In Junger vbelgeflehdter ge-
sell / kam auff ein zeit in ein würtz-
haus / darinn ein Edle Witfraw
zu her-

Der Wegführer.

zu herberg lage / von was handels we-
gen ist mir nit beruht. Die frau sich ein-
weil auff das bettlin / so inn der stuben
was / gelegt hett / darvon der güt jung
schön gesell nit weit saß. Nun ich weyß
nit was im in sinn kam / oder was er ge-
dacht / je dz hertz im latz wüschet im auff
vnd im neben dem latz gestreckt hinauß
für / des die frau baldt dann der jün-
gling wargenommen / doch so baldt er das
selzam thür heraussen vermercket / mit
scham dasselbig wider hinein thet. Nun
hett aber der latz an den hosen nit mehr
dann ein nestel / vnd wie er ihn an der ei-
nen seiten hinein thet / der Gotts dieb
vnd bößwicht ihm zu der andern seiten
wider hinauß füre / das die frau aber
als baldt sahe / bey jr selbst gedacht / jres
willens mit im zu pflegen / dem Gesellen
baldt schüffessen zugeben / vnd als der
tag vergangen / die nacht herbey kom-
men / vnd jedermann schlaffen gewisen
ward / die frau dem güten Jungen ge-
sellē zu wissen thet bey einer irer magd /
das er solt zu jr kommen / sie hett etwas
mit ihm zu reden. Der güt gesell was
der

der bortschafft froh / gedacht wol der
 Mezen Sontag were / dieweil die schö-
 nen fräwlin nach jm schickten / sich nit
 saumet / auff seine füß sprang / vnnnd
 mit der Magdt inn der Frauen Kam-
 mer gieng. Vnnnd als sie den Jüngling
 bey ihr sahe / jedermann auß der Kam-
 mer schaffet / vnd sich freundlich gegen
 dem Gesellen erzeyget / sich mit samp-
 jm auff das beth setzet. Der güt Jung
 wol sahe was jm zuthun wer / vnd war-
 umb er beschickt wer worden / mit der
 frawen anfieng zu scherzen / vnd in kur-
 zem irem willen ein genügen thete. Zu
 vnter anderem die fraw in fragen war /
 sie hette wol gesehen / das er zween het-
 te / vnnnd ob sonst mehr Leuthe weren /
 die also wol gestaffiert weren? Meyn-
 saget der Jüngling / ich bin durch sons-
 dere gnad von Gott also begabet wor-
 den / dann ich sonst niemandt also weyß
 weder ich. Die fraw dem Jüngling
 gantzlichen glaubet / vnnnd den ande-
 ren auch zu versuchen begeren warde.
 Vnnnd der Jüngeling / der nün etliche
 meyl auff dem einen roß geritten was /
 220 N n auffsaß.

Der Wegfürher.

auffsaß/ vnd noch manich meyl vortag
ritte. Ich weyß nit wie der Jüngling
mit der frawen handelt / je er gefiel jr so
wol/ das sie in nit mehr wolt von jr las-
sen / in etlich wochen bey jr behielt/ von
newem kleydet/ vnd gern gar/ wo es des
Jünglings will gewesen were / vnd ihr
daruon nicht schand zügestanden wer/
bey ihr behalten hette. Aber dem jünge-
ling solches in die leng so streng zü treib-
ben nit möglich sein wolt. Vnd nach et-
lichen vergangen tagen vrlaub nam/
sich mit der frawen lezet/ vnd mit gros-
sem vnmüeh der frawen von dannen
schied. Gott gebe allen güten gesellen
solche güte herberg / Amen.

Die zech begert ein Wirt

an zween/ die sie vor vierzig

Jaren schuldig blieben

sind.

WEn gesellen kamen inn ein
Wirtshaus / darin sie wol bekant
waren / fiengen an zü zechen/ vnd
güter

güter ding zusein. Vnd als man die zech
trachtet / siengen sie an / vnd sagten züm
Wirt: Heri Wirt jr wißt wol das man
sage / das die Welt vor vierzig Jaren
gestanden sey wie jetzunder / vnnnd nach
vergehung der jetzigen welt / werde die



Welt ober vierzig Jar abermals anfa-
hen / da wir dann all wider züsamen ko-
men werden / vñ bey einander sein wer-
den wie wir jetzund / vnnnd dieweil wir
aber jetzund nit wol gelt haben / bitten
wir euch jhr wölt vns biß auff dieselbig
zeit warten / als denn wöllen wir wider

Der Wegfärker.

zu euch kommen/ bey euch zechen/ vnd ein
zech mit der anderen bezahlen/ darumb
was wir hie schuldig sind schreibet vns
an/ vnd wenn dieselbig zeit kompt/ legt
vns für/ so wollen wir euch bezalē. Der
würdt aber ein schalckhafftig man war/
baldt merckt das sie in vmb die zech be-
trügen wolten/ ihnen antwortet/ vnd
sprach: Es ist war lieben Herrn/ das die
welt vor vierzig jaren wie jetzt gestan-
de ist/ vñ vber vierzig jar aber wie jetzt
stehn wirdt/ auch bey einander wie jetzt
sein werden. Vnd dieweil jr vor vierzig
Jharen auch in meinem hauß gewesen
seyt/ vnd dieselbig zech auffgeschlagen/
so gedencet das jr mir nicht auß der stube
be weicht/ so lang vñ vil/ biß jr mir beyd
zechē mit einander bezalt habt/ ire rock
zu pfand nam. Was wolten die gütten
gesellen thun? wolten sie ire rock haben/
müßten sie dem Würt die zwöürten ge-
ben/ oder on rock zu hauß ziehen. Den
Würt bezahlen/ heym zu hauß giengen/
vnd kein Würt nicht mehr betrie-
gen woltē. Also traff vntrew
iren eignen Herren.

Ein Frau erzeigt sich
allweg gegen ihrem
Mann freundlich.
lich.



In frau erzeigt sich allwegen
freundlich gegen ihrem Mann/
sprach: Sie gerne so es sich (da
Gott nit ein stund / oder lang vor sey)
begeben solt / für ihn sterben. Vnd der
schmeichlende wort sehr vil tribe. Eins
mals der man gedacht / dein frauen er-
zeigt

Der Wegfärker.

zeigt sich so freundlich gegen dir / mont
mir etwas widerwertigs zu handt / so
so weynet sie / gehet es mir wol so rathet
sie / zu dem so sagt sie / sie wölle gern für
mich sterben. Nun ich will sehen ob
ihr umb das hertz ist. Vnd einß tags er
einen hanen name / denselben lebendig
ropffet / ihme allein die federn am kopff
vnd am schwantz bleiben ließe / also das
er gar erschrockenlich anzusehen was /
sich nider zu beth legt / vnd den hanen
in der kammer lauffen ließ / nit anders the
te dann als ob er gleich von hinnen schei
den wolt. Die frau hinnein in die kamm
mer gieng / aber des hanen nicht als
bald waar genommen hett / den Mann
tröstet vnd sich vbel gehüb / ihm als zu
verstehn gab / vñ schrey / wie sie gern für
ihn sterben wolte. In dem sich auffrich
tet / vnd den hanen sahe gegen ihr her
gehen / von stundan erschrack / nicht an
ders meynet dann es der todt were / mit
senffter stimm sprach / vnd mit dem fin
ger auff den Mann deutet: Hie liget er /
hie liget er / vermeynet er lege im beth /
da er ihn finden würde. Als solches der
Mann

Mann sahe / wol verstunde / wie lieb in
sein Frauw hette / vnnnd das es allein
wort vmb sie waren / auffstunde / vnnnd
forthin der frauwen weynen nicht mehr
glauben wolt.

Wachund hincfen /

die Weiber weynen.

Die Krämer schweren /

an Soll sich kein weiser Mañ ankeren.

Welcher glauben wil wenn die Hun-
de hincfen / vnnnd der Weiber träher zu
hürzen gehen lassen wil / vnnnd glauben
wil / wenn die Krämer schweren / der ist
warlich nit ein weiser mañ / aber dē wei-
bern / glaub vñ vertraw niemand zu wil.

Nam:

De ol Nere, flere, & nihil tacere,

Tri a sunt in muliere.

Historia Gisippi vnd

Eiti.

V den zeiten des Hochwirdigen
Octauiani / noch nit genannt Au-
gustus / wol ein Regierer des Key-
serlichen

Der Wegfürker.

ferlichen Ampts. In der Stadt Rom ein
Edelman gessen was/ genant Publi-
us Quintus Fuluius/ der hette ein enigē
son Titus Quintus Fuluius / vorn sehr
subtilem gemüt vnnnd grosser lernung.
Vnd damit der jung ein mechtiger Phi-
losophus wirt/ in gen Athen in die hohe
schül schicket/ vnd so er best mocht in ei-
nem seinem alten gūten freund Creme-
ti beualhe / der den Jungen Titum
seinem vatter zū lieb in sein eigen haus
nam/ in zū einē seinem son genant Si-
sippus gesellet/ die beyd in ein alter wa-
ren/ vñ zū dem grossen Philosopho Ari-
stippo/ beyd jungen von Cremeto gethō
wurden. Also beyd Jungen inn zucht/
Kunst/ lehr vñ tugent gleich auffstigen/
vñ des willen zwischē inen solche brū-
schafft erwuchß das die niemand dann
allein der tod mocht scheyden/ ir keiner
von den andern sein kont/ weder bey tag
noch nacht/ kein rñw noch rast hetten/
wenn sie nit bey einander waren / vnnnd
das mit grossen freuden des alten Cre-
metis / der nicht minder denn einen als
den andern für sein Son hielte. Also bey
drey

drey Jaren die zween Jungen ihr wö-
 nung bey einander hetten. In dem der
 alt Chremes Gisippi Vatter mit todt
 abgieng. Die zween Jungen in glei-
 cher form ihn klageten / beyde sich inn
 schwarz kleidten / vnd wed freund noch
 Jemand anders wußt vmb des gählin-
 gen tods willen / welchen von den zwey
 en jungen sie trösten vnd ir leyd klagen
 solten. Vnd nach etlichen vergangnen
 monaten / Gisippi freund mit jm vñ Ti-
 to waren / in stercken vñd trösten ein
 weib zů nemen / vñd jm ein schöne vñd
 edle jungfrau von bestē Geschlecht der
 stadt Athen / erwölt hetten / genant So-
 phronia / vñd bey 15. Jaren alt: dieselbe
 vñuerzogen Gisippo zů einem weib gas-
 ben. Da nñn die zeit komen was hoch-
 zeit zů machen / einß tags Gisippus Ti-
 tum seinen gesellen bath / das er ihm ge-
 sellschafft leistet / sein weib vñ Braut zů
 sehen / die er noch nie gesehen hett / beyd
 mit einander zů der Jungfrauen ka-
 men / die zwischen beyd jungen gesetzet
 ward. Also nach langē sitzen vñd zůchti-
 ge gespräch / Titus der Römer die groß
 schöne

Der Wegfürker.

schöne der Jungfrawen seines gesellen
braut bedenden ward / ihm inn solcher
maß lieben werde / das ihn bedauhet
mit augen sein tag schöner / züchtiger /
wolgeschickter frawenbild / nie mehr ge
sehen hat / sie mit im selbs ob allen frau
wen lobet: doch er sich solches gar nichts
mercken ließ. Da sie nū also ein gute zeit
bey einander gesessen waren / auffstun
den / von der Jungfrawen beyd vrlaub
namen / heym zū hauß giengen. Titus
allein in sein Kammer gieng / von new
em der züchtigen Jungfrawen schöne
bedacht / des er nach etlichen schweren
seufftzen wol empfand / das im der stral
der lieb sein gemüt vnd hertz verwunde
hett / zū im selbs sprach: O du ellends le
ben auff Erden / O Tite / wo setzest du
hin dein gemüt / liebe vnd hoffnung? er
kenneſt nicht die entpfangnen dienst
von Chremeto vnd seinem gesind / Gi
sippum deinen liebsten freunde / des die
züchtig schön Jungfraw ist / das ich im
die zū lieb in solchen ehren vñ reuerentz
haben muß / als were sie seine leibliche
schwester. Wes bedarffst du dich jr also
bekāms

bestimmen/ dich vñ irent willen/ in so
grosse vnruw setzen/ sie lieb haben? Wo
lest dich die blinden lieb hinfüren/ also
blenden vnd triegen / wo ist dein grosse
weißheit/ thū auff die augen deiner ver-
nunfft/ erkenn dich selbst? O du ellender
Römer/ bedenc̃ die Stadt der gerecht-
tigkeit/ zeme vñnd mässige dein vnken-
schen willen/ vñnd schick̃ dein begird zū
andern willen/ widersteh vñ vberwinde
dich selbest / dieweil du zeis hast/ du solt
nicht wöllen noch des begeren/ das vn-
zuchtig vnd nit erbar ist / darzū du dich
jergund bereytest/ vñnd wenn dir wissend
wer/ das es dir werden solte / du soltest
mit aller deiner macht fliehen / woltest
du anders der rechten waren freunde-
schafft (nach dem der Lehrer Tullius
spricht) ein gnügen thūn. Darumb be-
denc̃ dich recht/ laß dein vnmässige lie-
befahren. Du solt deinem freund thūn
als du woltest das er dir thet. Also der
gütig Jung Römer nach langem solchem
seinem bedeck̃en/ der Jungfrawen So-
phronia schöne von neuem bedeck̃en
ward/ vñnd alles das er wider sich vñnd
sein

Der Wegfärker.

sein vnmässige lieb gesprochen hett/ zu
ruch legt/ vñ sprache: Die gesatz der lieb
be stercker vnd mechtiger sind dann an
dere gesatz od gebot/ Wie offte hats sich
begeben/ das der Vatter die tochter lieb
gehabt/ der brüd die schwester/ die stiss
mütter den stission/ das erschrockenlich
er vñ vnehrlicher ding sind/ dan das ein
güt freund/ seins freunds weib lieb hat/
das sich vber tausent malen bey vnsern
zeiten begeben hat. Vber das so bin ich
jung/ vnd die jugent ist kein gesatz ver
bunden/ noch vnterthan. Darumb was
der liebe gefallen ist / das soll auch mein
gefallen sein/ dann die züchtigen werck
mehr den betagten personē zugehören/
dan den jungen / ich mag nit mehr noch
anders wöllen / dann was die liebe wil
vnd jr gefallen ist. Die grosse schöne/ die
züchtig geberd dieser Jungfrawen wol
wirdig ist / von einem jeglichen lieb be
halten / dan jrs gleichen in keinem land
ist. Vñ wiewol sie meins freunds Gisi
pi ist / vñ ich als der da jung/ sie lieb hat/
wer mag mich darumb straffen / ob ich
jr liebe trag? Nün es sey wie jm wöll/ so
wil

vilich sie lieb haben. Hieran das glück
schuldig ist/das sie Gissippo ist verliehen
worden/vor einem andern / wo dem zu
wissen kein/das ich sie vor andern weis
bern lieb hab / er nit wol zu frieden we
re. Nach solcher red vnd gedancken wi
der auff sein erste meynung came/ihm
selbs seiner vberflüssigen lieb halben v
belzüredt / auß jm selbs sein gespött tri
be. Also von einem gedancken zum an
deren / von einer rede zu der andern fiel/
in solchem nit allein denselben tag/son
dern auch die nacht mit schwerem ge
müt vertrieb/vnd das on maß/das die
selben herten gedancken / ihm nit allein
den schlaff/sond auch die speiß vnd wil
len züessen nam/vn̄ des willen bezwun
gen schwacheit halben nider in krank
heit fiele. Gissippus der in manchen tag
in gedancken vn̄ trawren gesehen/nū im
gang krank vn̄ zu beth ligen sahe / das
im besunder pein vn̄ leyd bracht / seinem
grösten freund also krank zu sein / stets
bey ihm was ihn zutrösten / vnn̄ mit
stetem fragen die vrsach seiner krank
heit begert zu wissen. Das nach langem
beschwe

Der Wegfärker.

beschweren vnd bitten/ Titus mit weynenden augen Gisippo antwortet/ vnd sprach: Gisippe lieber freundt/ wo es Gottes gefallen were/ wolte ich lieber todt sein dann leben/ damit die quellung meines hertzens ein end hett: dessen ist die vrsach/ dein schöne Sophronia/ daß sie mir mein hertz biß in dē tod durchwüdet hat. Da Gisippus sein Brancfheit vernam/ das kläglich weynen vnnnd erbärmliche wort ihn reden hort/ ein klein vngeredt auff im selbst stund/ als der die Jungfraw nicht minder lieb/ aber mit mehr mässigkeit dann Titus hett. On anders gedacht/ zū ihm selbest sprach: Meines grossen freund vnnnd gūten gesellen leben/ sol mir lieber dann Sophronia sein/ mit Tito anhub zū weynen/ vñ zū ihm sprach: Werest du nit trost nottürffrig/ als du dann bist/ so klaget ich mich selbs vber dich/ als der vnser lieb gebrochen/ vnd die entweycht hat/ das du mir solche dein pein/ leiden vnnnd schmerzē nit eh angezeigt hast/ vñ das also lang vor mir verhaltē hast/ wiewol es dich nicht zimlich sein daucht/ so sind doch

doch weder die züchtigen noch vnzüch-
tigen sachen / dem getrewen freund zu
verbergen / dann welcher eins anderen
etwoet freund ist / derselbig jeglicher er-
barn sach seines freunds in freud nimt:
also auch er inn den vnzüchtigen / allen
fleiß thut ihm zu rathen vnnnd helffen/
damit sein freundt in freud vn̄ rüw ge-
setzt werd. Also ich auch dir zu hülff vnd
trost meyne / vn̄ dahin kōmen wil / da ich
mich beduncken laß das notturfste sey.
Nach dem ich vernimb das du in So-
phronia / die mein haußfraw sein soll / in
vnnatürliche lieb entzündt seyest / vnnnd in
dem fēwer der lieb brunst / das nimt mich
kein wunder / wol mich frembd dencket /
wojn anders were / angesehen jr grosse
züht / schöne vnnnd tugent. Aber mich
frembd nimpt an dich / angesehen wer
du bist / das du dich vberwindē laßt / der
tugenthafften ding pein zu tragen / als
ich wol sihe du thūst / sondern der ding
die da leben / vn̄ als dich billich sein dun-
cket Sophronia lieb zu haben / so viel
mehr hastu vnrecht / dich ab dem glück
zu klagen vnnnd zu sprechen / das deine
Q lieb

Der Wegfürber.

lieb haben erger wer / wo sie eins ande-
ren weib vnd nicht mein gewesen were.
Bistu dan weiß als dein gewonheit ist /
vnd du allwegen gewesen bist / so hab
das glück niemandt geben mögen So-
phroniam / dem du mehr zū dancken ha-
best als mir / dann allein ich dir gehelf-
fen mag. Dann welchen andern sie das
glück geben vnd beschert hett dan mir /
wiewol dein liebhaben zū jr zūchtig vñ
erbar were gewesen / so hette er sie doch
vil ehe für sich behalten / dan dir geben.
Hast du mich nūn für dein getreuen
freunde / als ich dann on zweiffel bin / so
solt du zū mir hoffen vnd kein zweiffel
haben / vnd als dir wol wissend ist / seyt
her wir gute freund vñ mehr dann brüd
gewesen sind / dz alles dz ich hab / gleich
dein als mein gewesen ist. Were dann
sach das sich die materi als dann meut
meynung zūthūn ist / sich so ferin ver-
lauffen hett / das es nicht anders gesein
möcht / so müßt ich dem thūn als ich vil
mannich mal gethan habe : aber vnser
sach ist noch nicht an dem end / vnd in
solcher maß geschickt / das ich Sophro-

niam

niam dein eigen machen mag/ dann ich
wißt nicht was dir mein freundschaft
nütz vnd güt wer/ wenn ich einer sach die
züchtig wer/ dir zu lieb die in ehre thun
möcht/ das ich nit meinen willen dem
deinen gleich machet. Es ist war/ So-
phronia ist mein vnbeschlaffen eheliche
Braut/ hab sie lieb/ vnnnd ihrer hochzeit
mit freudē warten bin. Vñ du als der jr
mit mehr brennender lieb begert vñ lieb
hat/ als sie dann wol würdig ist/ darum
nit mein/ sondern dein sein soll/ vnnnd in
meiner kammer die erst blumen der Göt-
lichen ehe mit ihr abbrechen solt. Dar-
umb schlag von dir alle schwere gedan-
cken/ leb frölich/ eröst dich/ vnnnd hin für
mit freuden vnnnd mehr würdiger lieb/
dann mein gewesen/ jr warten biß. Da
Titus seinē freund Gissippum in seinem
trost so züchtiglich redē vernam/ dessen
wort im groß freud vñ hoffnung brach-
ten: doch darmit (als dan wol möglich)
etwas groß scham hett. Dann je größer
Gissippi miltigkeit daucht/ so viel mehr
daucht in wiß alle recht thet/ stets wey-
nen sein leyd klagt. Doch nach etlichen

Der Wegfürher.

seuffzen mit grosser scham Gisippo ant-
wort/vñ sprach: Gisippe edler freunde
mein/dein trewe/redliche/milte freund
schafft mir heut bewisen ist. Nun wölle
Gott nicht das ich von dir nemme des
du würdiger zū haben bist / dann ich!
Dan were ich Sophronia würdiger ge-
wesen dann du/weder du noch jemand
anders glauben soll / das sie dir vor mir
wer beschert gewesen / darum folge mir
freuden nach dem das dir von Gott ge-
ben ist/vnd mir als der solcher edler gab
vnwürdig was / mit kläglichen zäheren
meiner augen begabt hat/vnd mich da-
mit hat lassen verwesen. Wem der zwey-
er eins sein wirdt / ich würde solche pein
vberwinden / vnnd von dir lieb gehabe
sein / oder sie wirdt mich vberwinden/
vñ von aller pein vñ schmerzen nemen.
Vber solche red jm Gisippus antwort/
vnd sprach: Tite/ wo mir vñ dir vñ dese-
ner freundschaft mag verliehen wer-
den eins mein gefallen in deinem dienst
zūthun/ vnnd du den also nachkomst/
wilt du anders meinen willen/rath vnd
bitt zū lieb werden / vnnd das mit aller
krafft/

Krafft / als dann solcher vnser freunde
schafft gebürt / so wil ich / vnnd ist gantz
mein meynüg / das Sophronia dein eh-
lichs weib sey / dan die stercke der lieb on
maß groß vñ mir kunt ist / das mancher
liebhaber seines liebhabens einen vnse-
ligen tod empfangen hat. Tu sihe ich
dich in maß von solcher lieb gebunden /
das du on grossen schaden die zäher dei-
ner augen nit vberwinden möchtest / dz
dir ohn zweiffel dein leben neme / wo ich
das nit selbs versehe / wo das geschehe /
ich das in die lenge nit vertragen möcht /
dir mit todte nachfolgen müste. Darum
sey Sophronia dein / dann vielleicht dir
keine mehr zūhanden kem / die dir liebet
vnd gefiel als sie thut. So wil ich mein
weiche lieb ein andern weg keren / dich
vnd mich zū einer stund content vñ wol
zūmüth machen / des ich vñ vielleicht nit so
mit wer / wen weiber zūnemen so theur
wer als die getrewen freund zū finden
sind / seytmal ich nit mit grosser müh eh
ein ander weib dann ein gūten freunde
finden mag / so wil ich sie viel ehe / sprich
ich verlieren / die ich nit verlewr / wo ich

Der Wegfärker.

dir sie gib / sonder sie einem anderen der
du sein solt / ehe vergünnen wolt / dan
dich zu verlieren. Darumb Tite liebster
freund vñ brüder / hat mein bitt jr gents
krafft bey dir / so gewer mich meiner bitt
vnd schlahe von dir dein vnmüt / vnd zu
einer stund mich vnd dich tröste / schicke
dich zu meinem willen die freud zünem-
men / der dein brennende liebe allzeit be-
gert hat. Wiewol Titus Sophroniam
gern gehabt / doch sich ein wenig sche-
met / also ein klein zeit auff im selbs stun-
de. Nach dem vō grosser lieb zu Gissippo
sprach: Gissippe güter freund / mir ist nit
wol bewust woz ich thün oder lassen sol /
vnd ob ich mein oder dein gefallen thü /
nach dem du mich gebeten / vñ dich mir
erbotten hast / dein rath vnd will werd /
doch seytmal dein güte also groß gegen
mir ist / das sie mein scham vberwunden
hat / so bin ich bereyt züthün dein gefal-
len. Doch wiß / das ich nit thü / als einer
der nit erkeñ / das ich von dir / nit allein
die liebhabenden frawen empfahe / son-
der ich auch sprechen mag / damit mein
leben von dir hab / Gott laß michs vmb
dich

dich verdienen/dz du mir demütiger ge-
wesen bist/weder ich mir selbs gewesen
bin. Nach dē Gissippus sprach: Damit
ich die sache zū gütē end bring/bedunckt
mich disen weg zū haltē als dir wol wiß-
send ist/wie nach langem rath vñ beden-
cken meiner freund / Sophronia mir zū
einem weib gabē. Wo ich nū gieng/vnd
sprech ich wolt ihr nit/ohn zweiffel sich
groß schand begeben würd/vnd beyder
teil freund sich betrüben würdē/des ich
alles klein acht/wo sie nū dir würd. A-
ber ich besorg/wo ich ein solchs entdeck-
te/vñ mich merckē ließ/das sie jr freund
nicht zū hand einem andern geben/des
freundt du vñ vielleicht nicht werest als du
mein bist/als den du verloren hettest/dz
mir noch nit worden wer. Darum mich
güt deucht/wo es dir gefelt/was ich an
gefangen hab/dem also nachzükōmen.
Ich wil Sophroniam als mein eheliche
hausfrawen zū hauß führen/vñnd mein
hochzeit machē/vnd wen vns zeit dun-
ckel/nach dem ich mein ordnūg mit dir
gebē wirt/du verborgē an meiner stat/
als dein eheliche hausfraw beschlaffen
magst/

Der Wegfürker.

magst/nach dem vns aber zeit nemmen
mögen/die sach zů öffnen. Ist es denn ir
gefallen/wol vnnd güt/wo nit/so ist es
doch schon geschehen / vnd was geschee
hen ist/mag nit mehr zů ruck gehen/sie
vnd ihre freund / es sey in lieb oder leyde
dessen content vnd zůfrieden sein müß
sen. Solche meynung Tito wol gefiel.
Nach dem Gisippus sein braut in sein
hauß empfieng / inn dem Titus wol ger
schickt vnd zů seiner gesundheit wider
kōmen was. Da man ein köstliche reiche
hochzeit hett zůgericht. Vñ da es nacht
worden/schlaffen zůgehn sich bereyten/
vnd die braut vō den frawen allein bey
Gisippo gelassen ward. Nū warē bey
kāmern Titi vnd Gisippi an einander/
vñ auß einer in die ander mā wol gehen
mocht. Da sich nūn Gisippus allein in
der kāmern bey Sophronia fand/ vnd
die liecht gelöschet het/ er zů Tito gieng/
zů ihm sprach/das er zů Sophronia sei
ner lieben schönē jungfrawen schlaffen
gieng/da das Titus vernam/dz die letzt
stund die rosen seiner liebe zů empfangen
kōmen was/ein klein scham halben rero
vnd

vnd leyd hett zů braut schlaaffen zůge-
hend; widerredet. Aber Gissippus von
ganzem gůten willen sein wortē gleich
zů Tito willen geschickt was. Vnd nach
langem verziehen vñ außreden / in doch
zů der schönen jungfrawen bracht. Vñ
da Titus zů seiner allerliebste jungfraw
eh in das beth kam / inn schimpffs form
sein sein arm nam / mit niderer stim zů
ir sprach / vñ sie fraget / ob sie sein ehliche
haußfraw auch gern sein wolte? Vnd sie
als die da meynet Gissippus were es / im
antwort vnd sprach: Ja. In dem er ein
gůlden ring ab seiner handt zohe / vñ
den an ihr handt stieß / mit dem er zů ihr
sprach: So wil ich dein ehelicher Mann
sein. Nach dem / dem heiligen matrimo-
ni vnd Gůttlicher Ehe ein gnügen the-
sen / den lust vñ freud von einander na-
men / die dann solche gab gibt. Also gůt
zeit on ir noch jemandes anders wissen /
Titus sie stets beschlieff / vnd sie stets in
der meynung was / wie Gissippus vñ nit
Titus bey ir schlieffe. In solchem sich be-
gab / das Titus Publius des jungen Ti-
ti vatter zů Rom mit tod abgieng vnd
Gue O v starb /

Der Wegführer.

starb/dz jm bald ward zu wissen gethan/
darbey sich schicket gen Rom zukomen
seine geschafft zubesehen. Da Titus sei-
nes vatters todt vernam/ sich bereyete/
vñ sein ordnung gab gen Rom zu ziehen/
vnd Sophroniam mit jm zuführen/ des
mit Gisippo sein ordnung gabe. Doch
nach dem ihr fürnemen vnd die sache
gestalt hett/ Sophroniā in keinem weg
von Athen möcht führen/es müßt offen-
bar werden/das da noch verborgen w. 3.
Vnd er eins tags die fraw zu jnen in die
kammer rüfft/ vnd jr alle sachen was sich
allenthalben ergangē hett/ sagten vnd
zu wissen rheten. Vnd da die jung schön
fraw das vernā/ sehr erschrack/ vnd mit
großem zorn vnd sehr betrübtem müe/
die beyd ansah/ anhub zu weynen/ vnd
schwerlichen vber Gisippum zuklagen/
das er sie also bößlichen vñ schendlichen
betrogē hett/ vñ on etwas anders spre-
chen/ auß dem hauß zu jrē vatter gieng/
jm vnd jrer mütter kläglichchen mit wey-
nenden augen sagt/ wie sie von Gisippo
betrogen were/ vnd wie sie Titi Quinti
Suluf weib were/ vñnd mit Gisippi/ als
sie

ſie dan̄ meyntē ſie ſein ſolt. Da Sēphro-
nia vatter vñ mütter Giſippi ſchalckēit
vernomen vnd gemerck̄t hetten/ir hertz
beſchwert/vnd in groſſe vnrūw ſetzten/
Giſippi freund beſchick̄tē/ groſſe red vñ
Klag der verlauffnē ſach halben hetten/
ſich alle betrübten/vñ wider Giſippum
in groſſen zorn vñ vnmüt fielen/vñ bey-
de parthey im groſſen neyd vnd haſſ trū-
gen/vnd ſprachen/ er nit allein darumb
züred zūſetzen/ſonder groſſer ſtraff wir-
dig wer. Demnach ihn beſchick̄ten/vnd
mit groſſem drowen züred ſagten. Des-
nen er zū antwort gabe / vñ alſo ſprach:
wie er wol vnnd recht gethan/vnd was
er gethan het/ im daruñ lob vnd danck̄
wer zū geben/das er ſie beſſerē/erbaren/
reichern vnd edlern dann er wer/geben
hett. Da Titus als der/ der die Griechi-
ſchen ſitten vnd hoffertigen gewonheit
wiſt / vnd wol erkant / lange zeit ver-
tragen hett / vnd in keinem weg vernas-
me/ das ſie ſich wider Giſippum erwey-
chen wolten / das nit lenger vertragen
mocht/als der dz Rōmiſch gemüt vñ A-
thenēſier ſin̄ hett / beydē parteien Giſip-
pi vnd

Der Wegfürker.

pi vnnnd Sophronie freunden antwort
vnd zū jnen sprach: Es ist aller Philoso-
phen red vnd meynung/ was die tödeli-
chen thūn/ anheben vñ verbringen/ das
ein solches aller vntödelichen Götter
geschick vnnnd verhengnuß sey / vnd et-
liche wollen es nottūrfteig sey / vnd sein
muß/ was jr will begert. Wölt jr nū die-
se sach recht bedencen / so werdend ihr
klerlich sehen / vnd mit ganzer warheit
verneimen / geschehen ding zū straffen/
vnd euch wider die gesetzten/ die nit wie-
der zū ruck gehn mögē / in dem jr nichts
anders thūn möcht / dann allein euch
weiser vnd fürsichtiger/ dan die Götter
sein beweisen / vñ wir doch glaubē was
sie thūn/ das sie billich vnd mit recht on
alle jrrung all ding ordinirend / guber-
nirend vnd regnirend. Darumb sie zū
straffen / das an euch nit weißheit/ son-
der grosse thorheit ist/ grosser büß vnnnd
peen/ die so beherzt sind/ sie in jren wer-
cken zū straffen / von jnē sollen warten/
nach dem ich sihe/ das ihr gethan habt/
vmb des willens das Sophronia/ die jr
Cisippo geben habt / mein worden ist/
nit

nicht angesehen/woz von ewigkeit geschick
gewesen ist/mein zusein/von der heym-
lichkeit der Götter zureden/den tödtlich
en schwer ist. Darum lasset nür ab/vnd
setzet/das sie keinerley vnser geschäfte
bekümmern. Darumb were mein sin vnd
meynüg/wer es ewer gefallen/der wei-
sen rath zü pflegen/darinn ich zwey ding
wider mein natur thün müß. Das erst
ist/mich selbs zü lobē. Das ander/einen
andern zü schelten/vñ weder eins noch
anders mich von der rechten warheit
feren wil/nach dem vnser gegenwertig
ge materi begeren ist/ich thün sol/ewer
zorn/neyd vñ hass/sich mehr vñ vnfor-
me/dan von gerechtigkeit begibt/jr ver-
dämpft/schendet vnd lestert Gissippum/
das er mit Sophronia gethan hat/vnd
das von eignem rath/darum im beson-
der lob zü geben ist/vnd das er wol vnd
recht gethan hab/das solt jr wissen/vñ
er hat erst gethan als ein rechter trewer
freunde dem andern thün sol. Das an-
der das er weißlicher dann ihr/gethan
hat. Dan die heiligen gesetz der freunds-
schafft begeren vnd haben wollen/das
ein

Der Wegfärker.

ein jeglicher getreuer freund für seinen freunde thun soll / das er für sich selbsthet: darbey merckt die krafft vñ macht der freundschaft / das die grösser vñnd würdiger ist / wo sie mit rechten trewen gemeynt wirdt / nach dem durch Gysippum ist bewiesen worden / des freundschaft gegē mir grösser gewesen / als dan billich ist / dann die gegen seinen freunden. Dan wir haben die allein für freunde / die vns zu freunden erwehlen vñnd die vns vom glück geben sind. Vnd ob Gysippus mein leben lieber hat dan ewer freundschaft / seytermalich sein freund bin / dz sol sich niemand wundernemen. Doch lassen wir jezund von der red / vñd kōmen an die ander sach / da jr baß verstehen werdet / wie Gysippus weißlicher gethan hat dann jr. Ich laß mich beduncken / wie jr die geschick vñd fürnehmung vnser Götter gar klein duncken / desselben gleichen noch vil minder die geschäft vnser freundschaft. Darumb ich sprich / das jr mit ewerem rath / vñnd fürsehung Sophroniam Gysippo geben habt / der ein junger philosophus ist /

ist/ ewer will vnnnd rath/ gab sie einem
von Athen/ so gab sie Gisippus ein Rō-
mer vnd Philosopho/ ewer will/ gab sie
einem Edlen Jüngling von der Stadt
Athen/ vnd Gisippus gab sie einem viel
edlern von Rom / jr gabt sie einem jun-
gen der jr nit allein kleine lieb trüg/ son-
der mit marter erkent / so hat sie Gisi-
pus geben/ der sie ob aller seligkeit/ vnd
mehr dan sich selbs lieb gehabt hat. Vn-
des willens mit der warheit zū reden/ ist
Gisippus mehr zū loben dan jr seyt. Dar-
umb merckt vnd verstehet allen handel
vnsrer materi / Ich bin jung vn̄ ein Phi-
losopus als Gisippus / als euch mein le-
re vnd langes studieren mag wol kunde
sein/ wir sind beyde inn einem alter/ mit
gleichem schritt auff zū der hohen lehr
vnd kunst gestigen/ vn̄ er ist ein Athenea-
ser/ so bin ich ein Rōmer/ wollen wir nū
von würdigkeit der stadt sagen vnd dis-
putiren / so würd ich sagen / ich sey auß
einer freyen stadt/ vn̄ er auß einer vnter-
thäniger vn̄ tributariē statt. Mehr mag
ich sprechen/ ich auß einer Keys. statt
sey/ ein vberwinderin aller streit/ so mag
er die

Der Wegfärher.

er die sein mit nicht anders dann allein
mit irer hohen Schül loben. Auch wiſſe
das ich nit von den minſten vnſer ſtatt/
ſondern von dem beſten geſchlecht bin
geboren / vnd meine heuſer vnd paläſt/
am würdigſten der Stadt Rom gelegen
ſind / auch die Stadt Rom aller voll iſt
meiner eltern bilder vñ wapen / die zūvil
mannich malen den ſchall vñ triumph
auff vnſer Capitolium gebracht haben/
vñ noch nit vergangen ſind alters hal-
bē / ſonder mehr heut bey tag dan je die
ehr vnſers namens blühen thūt / meins
reichthums ſcham halben ich ſchweig/
ſprich vnd glaub das Giſippi freunde-
ſchafft euch lieb geweſen ſey / auch der
meinen zū Rom ihr euch nicht ſchämen
ſolt / vnd euch nicht minder ſol zū Rom
ehr vnd nutz ſein / als euch Giſippus hie
geweſen wer / dann fürwar jr an mir ein
getrewen freunde haben ſolt / nit allein
mit meinem reichthumb / ſondern auch
mit allem gewalt / vnſer policey vnd re-
giment / darumb folget mir vñnd meis-
nem trewen rath / laſt von ewerem bö-
ſen fürgenommenen willen / damit ich
erwern

ewern rath mehr dan Gissippi rath lobē
 mög/ dan on zweiffel niemand sein wirt
 d nit sprechē werde/ dz Sophronia Ti-
 to Quinto Fulvio dē wolgebornē edlen
 Römer wol verheyrat sey / d ein reicher
 mechtiger burger d stadt Rom/ vñ Gi-
 sippi mechtiger vñnd grosser freund ist.
 Welcher sich nū des beklagē ist/ d weyß
 nit w3 er thūt noch w3 er begert. Nun
 werdē vñlleicht etlich sprechē: Sophro-
 nia klag nit dz sie Titi weib sey / sond dz
 klag sie/ dz er jr als oben gesprochen ist/
 verstolē on jr vñ jrer freundschaftt wiß-
 sen/ geben ist. Dz ist kein new ding/ oder
 dz vor nie geschehen sey / ich geschweig
 der die wiß jrer eltern willen māner ge-
 nommen haben/ vñ die mit iren bñlen hin-
 weg gelauffen sind / vñ jrer freund eheli-
 che weiber worden sind/ vñ etlich die eh-
 mit hüpschheit kunds geburt ehe geöf-
 net haben / dan mit der zungē/ deren ist
 keins Sophronia zūgestanden / sonder
 ordentlich mit zucht vñ ehren/ von Gi-
 sippo ist Tito gegeben worden. Etlich
 möchten sprechen/ er hett gethan dz jm
 sū thūn nit zūgestandē wer/ dan es sind

P

einfeltige

Der Wegfürker.

einfeltige weibische ding. Wißt jr nicht
wie mancherley weg dz glück sucht zū
end zūbringē/ daß dz geschē sol? Doch
wie dem sey/ so wißt dz ich mit keinē be-
triegen gesucht hab/ ewer blūt vnd tochter
Sophroniā zū schedigen/ wiewol sie
verborgen mein ehelich weib wordē ist/
so bin ich doch zū jr kōmen / nit als einer
d̄ sie irer ehrē vñ jungfrawschafft beraubē
wōllen/ od̄ als ein feind/ vñ mind̄ dan̄
zūn ehrē gehört/ ewer freundschaft hab
außgeschlagen. Wol vñ ire grosse schön-
e vñ tugent/ in sie in brinender lieb bin
enzündet worden/ dz euch nū jertz pein
gegen mir bringt / dz ich mein sach also
verborgen gefürt hab. Zett ich sie nū
mit d̄ ordnung gesucht/ vnd an euch für
mein ehlich weib begert/ als dan̄ wol bil-
lich gewesen were/ ich besorg ihr hetten
sie mir nit widerfaren lassen/ vñ wer mir
nicht worden. Das ist die ursach/ woz ich
gethan habe verborgen / durch meinen
freund Gissippū. Wiewol ich sie auß gan-
zem hertzen lieb hett / doch dz nicht als
ein liebhaber / sond̄ als ein trewer Ehe-
man̄ sie beschlaassen hab. Ich füg mich
mit

nit ehe zû jr / als sie selber mit d̄ warheit
 sprechen mag / dz ich sie vor nit mit zûch-
 tigen erbarn Worten / vñnd einem gûl-
 den ring gemählet hett / vñd ob sie mein
 ehliche fraw sein wölt? Des sie mir zûch-
 tiglich antwort / vñd ja sprach. Bedun-
 cket sie sich nûn betrogē sein / des bin ich
 nit zûstraffen / sonder vber sich selber zû
 klagen hat. Warumb fragt sie mich nit
 wer ich were? weð jr noch sie anderst zû
 klagen habt: dann das sie durch Gissip-
 pum verborgen mein weib worden ist.
 Darum thût vñd laßt woz euch eben ist /
 nempt es in gût oder vbel auff / so ist sie
 doch mein weib. Tûn was würden jhr
 sprechen / wenn sie Gissippus einem gro-
 ben bauren geben hett / an welcher mar-
 ter vñd gefengknus würdet jr euch be-
 nügen lassen? Doch laß ich jetzt zûweil
 von meiner red / dan die zeit mir kômen
 ist / d̄ ich nit warten woz / dz ist meins va-
 ters todt / vñm des willē ich mich gen Rô-
 fûgē muß / vñ damit ich Sophroniā mit
 mir fûren mög / hab ich euch entdecen
 wöllē / dz ich vñlleicht noch lang zeit het
 verborgen / seit jhrs nûn wißt / so werdet
 p ij jr frô

Der Wegfürker.

jr frölich vñ mit gütē friē gedult habē/
dan hett ich sie betriegē wöllen/ich hett
sie also beschämpft sitzen lassen / aber da
sey Gott vor/ das in eins Rōmers geist
solche vñehr verborgen sey / als jr gnüg
wol vernommen habt/wie Sophronia
durch geschick d̄ götter vñ krafft mēsch
licher gsatz/löblicher sin̄/meins freunds
Gisippi/vñ meiner brüñenden lieb mein
worden ist. Darum̄ ich euch freundlich
bitt/jr bessers raths pflegt/legt eweren
zorn vñ vnmüth von euch / laßt mir So
phroniā frölich/das ich ewer freund sein
mög/dan̄ es gfall euch oder nit/ so ist sie
vor Gott vñ der welt mein. Vñ wo ewer
will anderst stünde/ dan̄ d̄z Sophronia
mein were/so solt jr wissen/das ich euch
Gisippū nim̄. Vnd kom̄ ich ghen Rom/
d̄z ich die habē wil / es sey euch lieb oder
leyd/die mit recht mein ist / vñd jr sehen
solt / w̄z die Rōmischē gmüt dazū thūn
werden. Mit dē Gisippū bey d̄ hand na
me / in maß als ob er jr kein acht hett/
auß dem tempel gieng/ vñ etlich von de
nen die im tempel waren / Tito nit vn
recht gabē. Doch am letzten der sachen
all

all eins wurdē / wie Titi freundschaft
 auffzünemē vñ nit außzūschlage / besser
 dan Gissippi freundschaft were / seite
 mal Gissippus jr freundschaft außge
 schlagē hett / all miteinander zū Tito gien
 gē / zū jm sprachē: jr aller güter will wer /
 in für ein güten freund zūhaben / vñ Gi
 sippū für ein güten güner. Des Titus al
 les wol zū mūth w3 / da jr newe freunds
 chaft beschlussen / vñ jm Sophroniam
 heim zū hauß schickten. Die da thet als
 weisen frawen gebürt / alle lieb so sie zū
 Gissippo hett / zū Tito keret / vnd frölich
 mit jm ghen Rom für / da sie von seinen
 freunden empfangen wurden. Gissip
 pus zū Athen blieb / hinfür von jedermā
 ein vnnützer Mann gehalten wurde.
 Nachdem nicht lang vergieng / zwy
 tracht halb von seinem geschlecht vnd
 anderen / arm vnd elend von Athen auß
 getriben ward / nit allein in armüt lebt /
 sonder zū leben dz almüsen suchen gien
 ge. Vnd wie er ghen Rom kam / zū sehen
 ob sich sein guter freund Titus in seiner
 armüt vber in erbarmen wolt / dann er
 wol vernommen / wie er bey leben / vnd

Der Wegfürker.

In hohē löblichē stand wer/ grosse gnad
bey allen Römern hett. Da sich Gissip-
pus für sein hauß füget/ zū sehen ob er
im in sein außgehen zūsprechen vnd er-
kennt. Da also lang wartet/ biß Titus
mit viel andr burgern beleytet zū hauß
gieng/ Gissippum wol sah/ aber nie war
nam wer er war / vnd vñ seiner grossen
armüt willen Gissippus nit so behertzt
was Tito zūzūsprechen/ noch sich im zū
erkennen geben/ sonder da er sahe das er
von Tito nit gesehen ward / vnd er ihm
nit zūgesprochen hett / sonder nach sei-
nem beduncken in ehe gescheuet hett/
in grossen vnmüt vñnd verzagnuß fiel/
bedencken ward was er im zū Athen in
Sophronia bewisen hett/ vnd jertz in wi-
derkerung desselbigen von im verschme-
het wer/ trauriglichē von danen gieng/
danne es nacht was/ vnd desselbigen tag
ges keinerley speiß versucht hett / dann
arm/elend vñ on gelt was/ nit wußt wo
hin/ willens hett ihm selbs den todt an-
zūthū. In solchem seinem leyd er in der
stadt an ein wild end kam/ da er ein hōle
ersahē/ darinn er dieselbe nacht zūbleiben
vermeynt/

vermeynt/ vnnnd sich auff das bloß erdt-
 rich/ vbel gnüg kleidet / niderleget/ von
 dem langen klagen vñ weynē entschließ
 fe. In dem sich begab / dz zwen dieb mit
 dem das sie gestolen in die hōle kamē zū-
 theilen / vnd vmb solches diebstals wil-
 len zūtheilen/ zū krieg vnd streit kamen/
 vnnnd der ein den andern erstach / nach
 dem hinweg gieng / den erstochne ligen
 ließ. Alle diese ding Gisippus wol gese-
 hen hette/ zūhand ihm gedacht/ wie das
 jm ein gūte vrsach des tods / des er stets
 begeren was/ were. Da nū der liecht tag
 kōmen was/ der tode Mann in der hōle
 von den fürgehenden gesehen was / die
 das dem Richter zūwissen theten/ Des
 knecht bald gelauffen kamē / Gisippum
 in der hōle funden / mit grossen rumor
 fiengen/ vnnnd für den Richter füreten/
 der vngenōtet dem Richter verjahe / er
 den Mann getōdtet hette / vnnnd nach
 dem auß der hōle nit mögen. Derhal-
 ben er von dem Richter zūm todt verur-
 theylet ward. Nū eben zū der selben
 stund Titus ohngefārd auff das Richt-
 hauß kame/ vnnnd den armen Gisippum

p üñ ernstlich

Der Wegfürker.

ernstlich in seinem angesicht ansah / die
ursach / warum er verurtheilt was / wol
vernommen hett / vñ in solchem seinem
ansehen erkannt / das es sein getreuer
freundt Gissippus was / seines vnglücks
groß wunder nam. Baldt auß brinnen-
dem hertzen ihm zühelffen begert: aber
keine weg so schnell sahe / dan allein sich
selbst des verbrachte mords schuldig zū
gebē. Balt für den richter trat / mit ho-
her stim schreyen ward / Marce Varro /
der arm man ist des tods vnschuldig / dē
du verurtheilt hast / schaffst in baldt wi-
der herum zū fürē / ich hab das gethan /
vñ mit der sünd wider vnsern Gott ge-
than / den zū tödten lassen / den deine
knecht diesen morgē in der hōle funden /
Darumb straff den der schuldig ist. Var-
ronem groß wunder vñd sehr frembd
daucht / das Titus gegenwertig aller-
menig / sich des mords schuldig gabe:
dann die gesatz der gerechtigkeit ihren
weg haben müsten. Baldt gebot Gissip-
pum wider in gefengnuß zū führen / zū im
sprach: Wie hast du so torecht sein mö-
gen / dessen dich schuldig zū geben / vñd
doch

doch weyst / das es dir das leben gielt/
dessen du vnschuldig bist? Du sagst vns
alle marter / wie du in der vergangnen
nacht den mann getödt habest/so kömte
jetzt zu vns Titus Quintus Fuluius /
vnd spricht: Tit du/ sonder er den man
getödt habe. In dem Gissippus Titum
ansah vnd erkant/das Titus sein gro-
ßer freund was/der jm den empfangnen
dienst zu Athen jetzund lohnen vnd wi-
derkerē wolt / demütiglich vñ weynend
sprach: Varro ich hab fürwar dem man
den todt gethan / vñnd Titi miltigkeit
nūn meinem heyl zūspat kōmen ist. Auff
dem andern theil Titus sprach: Varro
du wol magst vernemen/ das der arm
Mann ein gast / vnd on alle waffen bey
dem todten funden ist / auch vernemen
magst / das in groß armūt vnd verzag-
niß darzū bracht hat/also zūreden/ vnd
mit willen ohne vrsach sterben wōllen.
Darumb sag ihn ledig/ vñnd richt mich
wie ich verschuldt hab. Varro sich irer
beyder bestendigkeit vñnd stāter mey-
nung nicht gnüg verwunderen mocht/
wol gedacht / jr keiner deß er sich schul-
dig

Der Wegfürker.

dig geb/ schuldig were / vnnd wie er sie
beyd mit ehren ledig machet/ suchē gien
ge. In dem sich begab/dz villeicht Got-
tes gefallē was / das ein junger genant
Publius Ambustus / ein verwegner bö-
ser wütericht / von jederman ein offner
verrätther vnnd dieb gehalten was / der
das Mordt gethan hett / nach dem sich
ein jeglicher schuldig gab vnd nit schul-
dig was. Der beyder versehen vnnd vn-
schuldt ihm sein hertz erweycht / in maß
das er beyderhalb groß pein trüg/ ganz
in Barmherzigkeit bewegt / die zween
zū entledigen / vnnd sich selbst schuldig
gebē. Für Varronem kam/zū jm sprach:
Pretor / gerechtigkeit mich zwingt der
zweyer vnschuldigen streyt zū richten/
darumb wißt das ihr keiner an dem be-
gangnē mord schuldig ist / Ich bin der/
der den Man in der vergangnen nacht
getödt hat/ vnd disen armen Mann sa-
he der da stehet/vnd in der hōle ließ: Ti-
tum den erbaren darff ich nit entschul-
digen/dann jedermann sein lob wissend
ist. Darumb Varro ledige sie/ vnd richt
mich nach meinem verdienen. Nū hett
Octavia

Octavianus/ des Keyserthums ein ver-
weiser/ die sach auch vernommen/ schüß
die drey für ihn zükommen/ begert zü-
wissen/ was ursach jegliche bezwäng zü
thün/ das er gethan hett? Das jeglicher
besunder ihm saget vnd züwissen thet.
Das Octavianum ein sehr fremde sach
daucht/ jeglicher des tods zü begeren.
Den zweyen vnschuldigen/ vnd dem
schuldigen vñ jren willē vergab. Nach
dem Titus Gisippum bey der hand na-
me/ heym in sein hauß fürt. Da ihn So-
phronia mit manchem zähern ihrer au-
gen empfangen/ mit essen vnd trincken
herlich lebet. Darnach Titus jm seiner
schwester eine Fulvia genant/ zü einem
weib gab/ jm zü der wahl gab/ bey jm zu
Rom zübleiben/ oder mit allem das er
jm geben hett/ gen Athen züziehen/ wel-
ches zü ihm stünde. Gisippus die groß
von jm empfangne freundschaft/ vnd
wie er von Athen ein vertriebner mann
was/ das bedencken war/ auch die groß-
se lieb die er zü Tito hett/ ihn zwang/
vnd ich mit jm selbs eins ward ein Rö-
mer züsein/ bey Tito zü Rom blib/ da er
mit

Der Wegfürker.

mir frawen Fulua / vnd Titus mit Sophronia in einem hauß lange zeit mit grossen freuden lebten / vñ stets mehr jr freundschaft wuchs. Wolt Gott das wir alle solche lieb gegen einander trügē / stünde vnser leben besser gegē Gott dan also. Gott verleyhe vns sein gnad / Amen.

Register vber den Wegfürker.

Auff ein zeit kam ein wunderbarlicher abenthewrer ghen Franckfurt in die Mess vñ schlug ein zettel an / er wolt ein jedes mensch vñ ein weißpfening witzig machen. Solio 1.

Auff ein zeit macht man zu Franckfurt ein hochzeit / vñ vnterstunde sich einer die braut heim zu führen / war ihm aber nicht befolhen. 3.

Ein junger gsell bschlaafft eines hirtens tochter. 4.

Ein fraw stellt sich Franck vnd wil nit essen. 7.

Ein baurenknecht wirdt zu Breysach gegen

Register.

gegen einer Jungfrawen in liebe en- zündt.	11
Von einem alten Båler.	13
Vonn einem Schneider der ein König ward.	eodem
Ein schwab hett ein läberlin gefressen.	19
Ein pfaff sang am Ostertag das Re- quiem.	22
Von einem Juden/ der ein gauckler ein fuß auß dem leib zoge.	23
Zween gesellen füren vber Rein.	25
Dosch bezahlt die zech nit.	eodem
Dosch entlenet schaf vmb's halb.	26
Die Bawren verklagen Doschen.	27
Dosch singt ein lied für sein zech.	28
Warum die hund einander für den hin- dern schmecken.	29
Ein junger gesell erwarb eins Königs Tochter.	30
Ein Student wirdt zu einem Nach- richter.	33
Ein Landstknecht lehret ein Edelmann das in nit frier.	35
Von der Jungfrawen ins vnschlit zu- ber.	37
	Von

Register.

Von einer schläfferigen dirn.	38
Ein köchin versalzt alle suppen.	39
Ein Magdt sagt sie trinck kein Wein.	eodem
Ein junger gesell macht einer ein kind im schlaff.	41
Ein Rörblinmacher schlegt sein weib.	eodem
Ein bettler scherzt sein Mantel für 50. gülden.	43
Ein bettler verlewrt 20. gülden.	eodem
Ein jungfraw hangt zu Augspurg mit blossem leib zum dantzhausß herauß.	45
Ein alter Mann hett ein junges Weib.	46
Ein Scherer läßt einer Jungfrauen mit dem Fraweneisen.	47
Von einem Gartner der ein stum̃ was.	49
Münch Allbrecht einer jungen frawen zu verstehen gibt/ wie der Engel Ga briel vmb sie büle.	56
Münch Rinaldus beschlefft sein gefat terin.	66
Münch Burckhart schlafft bey einer Wur.	

Register.

Wirtin.	71
Ein Pfaff ermordt ein schwanger frau wen.	75
Gelt nimpt einer vom teuffel sein weib vnd kindt vmbzubringen.	78
Einer ruffet dem teuffel vmb gelt.	80
Adam Seegmann erwürgt seine zwey kinder.	81
Von Jungfraw Lisabetha vnnnd dem Jüngling Lorenz.	83
Jeronymus stirbt Syluestre an der sei- ten.	87
Von einem Jungen gesellen der zween hett.	94
Die zech begert ein Wirt an zween / die vor sie vierzig Tharen schuldig blie- ben sind.	95
Von einer frawen / die für ihren Mann sterben wolt.	97
Die Historia von Gisippo vnd Tito.	98

Ende des Registers.



2m Sept 1860

[The page contains faint, illegible text, likely bleed-through from the reverse side.]

Ein sehr schön
vnd fast nützlich Büchlin /
darinn die Jungen Gesellen / beuor
ab die so sich frembder Landen gebraus
chen wollen / weß sie sich halten sollen /
vnterwisen werden / mit schönen Histo
rien gezieret / vnnnd newlich durch
Martinum Montanum von
Straßburg in Truck ges
ben lassen.



Frankfurt am Mayn / Anno
M, D, L XV.

Deus in excelsis
et in terra pax
hominibus
bonae voluntatis
Amen



Deus in excelsis
et in terra pax
hominibus
bonae voluntatis
Amen

Der Wegfürker.

Wie Andrenzo von Peru-
sio zu Ross auffsaß / vñnd
ghen Athen reytten
wolt.



Als Andrenzo als er auff ein zeit ein
schön Ross bey einem Athener ge-
sehen hett / ward er sich zu demsel-
bigen fügen / der hoffnung / er würde es
vñ mehrliche bezalung vberkommen. Des-
halbē den Athener ansprach / vñ bate / er
wolt jm solchs zu kauffen gebē / er wölte

a ij es

Der Wegfürker.

es im bezalen / so lieb es im were. Solch
es aber der gute Herz von Athen ganz
vnd gar nicht thün wolt / ihm dem jun-
gingen züchtiglich antwort / er wet nit
willens oder darumb gen Pernsis kom-
men / das er wölle sein roß verkauffen /
sondern so er das verkauffte / müßte er
hernach ein anders kauffen. Welcher
antwort der Junge sehr trawrig war
doch so viel von dem guten Mann ver-
stund / das er solch roß zu Athen wol vn-
in zimlichen wert vberkommen möcht.
Zeym zu hauß gieng / leyd trüg / das im
solcher kauff des schönen Roß nit was
für sich gangen / gedacht er selbs ghen
Athen wolt / da finde er die wahl vnter
vil manchem / dem Mann bey ihm selbs
vbel redt / vnd sprach: Ihm nit darumb
danken wolt / ob er im schon das pferd
geben hett / seine sachē daheym schickt /
500. gülden inn seckel nam / allein auff
zu roß saß / den weg für sich nam /
vnd als ein newer vnd vor
nie außgeflogner vo-
gel / ghen Athen
werts kert.

Wie

Der Wegführer.

Wie Andreyzo ghen Athen
kompt / allda er vom Würt em-
pfangen / vnd den gebrauch des
Marckts vnterwisen
ward.

Snd nach solchem seinem auß-
reyten in wenig tagē gen Athen
kam / nach der besten herberg wie
dann solcher jungen gesellen gewonheit
ist / fraget / dahin er gar baldt gewisen
ward / da er auch von dem würt wol em-
pfangen ward / wol gedacht / er ein gü-
ten vogel haben würde / den er dapffer
berupffen wolte / aber ihm doch nit ge-
riet / sondern den besten rogen ein ander-
er zohe / wie ihr hernach hören werdet.
Der jung den Würt die gewonheit des
Marckts frage / vnd wie er sich darauff
halten solte / das er von dem Würt ge-
nüg vnterwisen ward. Darnach sich zu
Tisch satz / mit andern das Nachtmal
name / vnd nach dem nachtessen zu beth
geführt ward / da er die ganze nacht inn
gedancken / wie er schöne Rosß kauffen
a iij wolte /

Der Wegfürker.

wolte/vngeschlaffen lage/offt den liech-
ten tag begert / dann jm die zeit lenger
was/ wed leg er in einem tieffen thurn.

Wie Andreyzo am morgen
als er auffgestanden was/auff den
Marckt gieng/Ross zů kauf-
fen/aber ihn kein kauff
fürsich gieng.

Als nu der tag die finster nacht
vertrungen hette/vnnd die Sonn
auffgangen war / Andreyzo auff-
stund / sich anleget / vnnd so baldet er
mocht / sich auff den Marckt / da man
pflegt ross zů kauffen/füget/vnder also
der seinen fürgenommen meynung ein-
gnügen wolt thun / viel pferd seylten/
aber ihm kein kauff nie wolt fürsich ge-
hen. Dann wie man jm dieselbigen bo-
te/jn allzeit daucht zů thewor sein. Vnd
als ein Junger büffel vnnd vnerfarner
kauffman / nichts wust darauß zů legē/
sonder allwegen daruon gieng. Darum
jederz

Der Wegfürker.

jedermann sein gespött auß Andreyzo
triebe/sprechend: Er ein vnuerstandner
Kauffmann were / vnd vielleicht nicht
Ross zů Kauffen willens were / welches
Andreyzo der sich weiß vnd fürtreffens-
lich scherzet / sehr verdriessen ward / vnd
damit man sehe / das er kein gespött tri-



be/sonder ross zů Kauffen gen Athen ko-
men wer / er offtmals den seckel vor mes-
siglichen auffzoge / vnd seine 500. gül-
den sehen ließ / gleich thet wie dann sol-
che Junge Männlin thün / groß pracht
mit ihrem güt treiben / meynen / sonst
niemandt kein gelt hab weder sie / vnd
a iij machen

Der Wegfürker.

machen sich frazig genüg / treten fein
hochtrabig herein / darmit das meine
Juncfherren gesehen werden / da erzür-
ne sie niemand / jedermann sagt ihnen /
gnad Juncfherz / da muß man jnen auß
dem weg weichen / damit der gewaltige
Herz platz hab. So findt man dan feine
leut / suchßschwengler / feine züdüttler /
die einem glatte wörtlin geben können /
den Juncfherren alle sachen gewonnen
geben / GOTT gebe es sey recht oder vn-
recht / sie zügast laden / sprechē: Ey mein
lieber Juncfherz / kompt hünacht zü mir /
seyt mein gast / ich wil mit euch theilen
was ich liebs vnd güts vermag. Ja sie
schmecken den schweren Seckel / wenn
derselbig nicht were / würde Juncfherz
Hans offte hinder dem ofen sitzen muß-
sen / so er also herfür gezogen wirdt / vnd
oben an die Tafel gesetzt. Darmit ich
aber wider zü meiner angefangnen Hi-
storia kom̃ / nün in solchem seinen pran-
gen mit den fünffhundert gülden sich
begabe / als er eins mals den seckel auff-
thete / vnnnd seine fünffhundert gülden
sehen ließ / ein schön junge fraw / welche
einem

Der Wegfärber.

einem jeglichen / ja auch vmb ein gering
gelt willig zů sein geschickt woz / fürgien
ge / die hett ein alte vettel bey ihr. Vnnd
als sie die gülden ersahe / bey jr selbs ge
dacht / Ach weren die gülden mein / doch
vngeredt fürgieng. Vñ als die alt fraw
Andreyzo erschē hett / sie die jung allein
gehn ließ / zů Andreyzo gieng / dem vmb
den halß siel / vnd freundlich empfieng /
welches die junge fraw wol wargenom
men hett / schwieg still / gieng heym / ge
dacht wol die sache solt güt werden. An
dreyzo dem alten Weib dancket / dann
er sie wol erkannt / an sein Herberg zů
gast lüde / dann er sich auff dem marckt
nit gnüg ersprachen mocht. Damit sie
von im schiede / er wider anhub zů kauf
fen vnd marckten / vnd doch desselbigem
morgens keins kauffs kunt eins werdē.
Das jung weib die Andreyzo seckel wol
wargenomen vnd gesehen hett / vnd die
alte fraw so sie bey ihr hette / so freunde
lich in hett sehen vmbfahen vnd mit im
reden / zů hand gedacht / wie sie versuch
en wolt / ob jr die alten gesehenen gülden
alle / oder zům wenigsten ein theil wer

a v den

Der Beglückter.

den möchten. Das alte Weib das schon
heym kōmen was / berüfft / freundlich
mit jr anhub zureden / vnd sie fragt / wer
der jung mann wer / woher sie sein kana-
te / oder wo sie vormalß bey jm gewesen
were / das sie sein güt kundtschafft hett
vnd in so freundlich empfangen hett
Das alt weib als die die sach nit so weit
verstund / vnd nit meynet / das die frau
sie auff ein solche böse meynung gefra-
get hett / ihr alle sachen wie sie bey sei-
nem Vatter in Cicilia / vnnnd auch dar-
nach lange zeit zū Perusio gedient het-
te / von stück zū stück erzelt / auch jr sagt
wo Andreyzo an der Zerberg gelegen /
vnd vmb was geschäfts willen er ghen
Athen kōmen wer / nemlich das er schö-
ne Ross kauffen wölt.

Wie das jung Weib nach Andrenzo schickt.

Sod als das jung weib alle sa-
chen vō seinem Vatter / von allen
seine freunden / zū Perusio / vñ ire
nammen

Der Wegfürker.

nammen jung vnd alt/ nach allem irem
willen gar wol von der alten erfahren
vnd durchlernet hett/ zūhand jr gar ein
subtile boßheit erdacht / vnd dem alten
Weib des tags so vil geschäfft aufflūde
vnnnd gab/ das sie nicht des tags zū Ans
dreyzo Komē mochte/dann sie besorget/



so das alt weib zū Andreyzo kem/möchte
te sie ihn vñlleicht vor der frawen war-
nen / darmit dann ihre sach verhindert
würde/vnnnd nicht für sich gieng. Dar-
nach sie ein Junges Mägdlin zū ihm
schickt / dz sie zū solchem dienst gar wol
gemustert hette/das ihr auch zū solchen
sachen

Der Wegfúrker.

sachen gar meisterlich helffen kúndt / in
die herberg gieng / nach Andreyzo fra-
get / vñnd eben den es fraget / Andreyzo
selbs ware / auff der porten der herberg
stund. Er zú dem mägdlin sprach / was
begerst du / ich bins / das mägdlin in bey
dem Rock name / auff ein heymlichs ort
fúrt / da sie von niemand móchte gehört
werden / vñ zú jm sprach: Herz / ein Edle
erbare frau / von diser Stadt Neapoa-
lis / mich zú euch gesandt hat / die hat et
wz nótigs mit euch zúredē / wo es ewer
gefallen were / vñ bitt euch freundlich /
jr wöllend jhr solches nicht abschlagen /
sonder den nechsten mit mir zú jr gehen
wolt. Gern / sprach Andreyzo / vñnd sich
selber zúbeschawen begund / bey jm selb-
ber gedacht / der Mezen Sonntag were /
diweil die Edlen fräwlin von Neapo-
lis nach jhm schickten / vñd nemlich jhm
gedacht / die frauen nach jm schickten /
vmb seines schönen leibs willen / aber
weit ein andere meynung was / dann sie
den schweren vñnd feysten Seckel bey
jhm gesehen / vmb des willens sie nach
jhm geschickt hett / welcher jr auch her-
nach

Der Wegfürker.

nach zůtheil ward/wie jr hören werdet.
Zů dem Mägdlin sprach/er were bereyt
wo vnd wenn die frau wolt/ mit ihr zů
reden. Das Mägdlin/ als das meister-
lich liegen kunt/zů jm sprach: Herz were
es ewer gefallen/ in ihrem hauß sie ewer
wartet. Andreyzo balt zů dem mädlin
sprach: So gehe du vorhin/so wil ich die
nachfolgen. Also das Mägdlin vorhin
gieng/jm Andreyzo auff dem fuß nach-
folget/ vnd in der herberg niemand dar
von saget/zů der schönen frauen in das
hauß kam/ die da wonet inn der gassen/
genant/zů dem bösen loch / bey dem mā
wol merckē mag die fromkeit d̄ gassen/
da wußt Andreyzo nichts von zůsagen/
er vermeynt es an dem erbarsten ort der
Stadt were / vnn̄d er zů einer erbaren
frauen/ vnd nit zů einer bůbin gangen
were. Aber die sach ein and̄ gestalt hett/
darn̄b sol einer fragen/wo einer in ein
Stadt kompt/ da er vor niemals gewea-
sen/ noch derselbigen kundtschafft hat/
wo er hin gehen wölle/oder das man an
das oder das ort nach jm geschickt hab/
ist es das ein vñehrlich ort/wirt jm das
selbig

Der Wegführer.

selbig als baldt widerrathen/vnnd an-
gezeiget / was es für ein ort sey. Wel-
ches aber mein gütter Andreyzo nicht
gethan hat / sondern gedacht es nicht
billich were / solches anderßwo oder sei-
nem Würt anzüzeigen / das die schönen
fräwlin nach ihm geschickt haben / wel-
ches ihm auch vbel geriet / wie ihr hören
werdet.

Wie Andreyzo in der frau- en hauß kame/vnd was sie mit im redt.

Als er nun dem Mägdlin nach-
folget / er nicht lang gieng / zů der
frawen hauß kam / da er anklop-
fet / als baldt er von der frawen gesehen
was / sie gedacht die sach schon gewun-
nen were / die thür baldt zů öffnen ver-
schüß. Andreyzo hinein gieng / die stie-
gen antrat / vnd nicht gar halb hinauff
gangen ware / die schön Frau köstlich
geziert / gerad von leib / vnnd schön von
angesicht / ihm die stiegen abwertz ent-
gegen

Der Wegfürker.

gegen gieng / mit auffgethanen armen
vnd mit einem schweren seuffzen ihn
umbfieng / in kleiner weil nichts sprech-
en mochte / zu gleicher weiß / als ob sie
vor grosser freude vnd liebe nicht reden
kündt / als dann der frawen gewonheit
ist / wenn ihnen seltsame grosse freunde
zu hauß kommen / sie von freuden wey-
nen vnd nicht gereden mögen. Des-
gleichen thet die schöne erbare Frau
auch / vnd mit weynenden augen sie
Andreyzo an seine wangen küßet / mit
kläglichen seufften Worten sprache: O
Andreyzo / nün biß mir zu tausent mas-
len Gott willkommen / abermals ein
schweren seuffzen ließ / vñ kläglich wey-
net: dann sie das wasser ihrer augen /
wenn sie es haben wolt / nicht vil kostet.
Solcher grossen freundschaft vnd lie-
be Andreyzo sich gar frembd nam / vnd
sehr wundert / dann auß ihrem klägli-
chen weynen vnd schweren seuffzen er
wol verstund / sie sein groß freud hette.
Doch ihr züchtiglich antwort / vnd so-
vil danc widerumb sagt. Darnach na-
me in das böß listig Weib bey der hand /
fürs

Der Wegführer.

fürt ihn die stiegen vollens hinauff / in
einen schönen weiten palast vnnnd saal
vnd auß dem saal vngeredt in ein kam-
mer so nahend darbey war / gienge / die
von edlem geschmack geziert was / dar-
innen stund ein köstlich schön wolberet-
tet beth / mit seiden umbhengen / dessen
seulen waren schön gepolierte marmela-
stein mit guldin knöpfen / die wend wa-
ren mit reichen harnisch vnd heydnisch
werck umbhencet. In summa sie wa-
ren dermassen zügericht / das sie baß ei-
nem Keyser gezimpt hetten / weder ei-
nem solchen schnöden verflüchten weis-
be. Als Andreytzo solche schöne ding sa-
he / als der ein newer außgeflogener vog-
gel was / gedacht / ich bin ein reicher
Edelmann vnnnd einß Ritters Son / füre
ein ehrlichen standt / aber solche schöne
reiche vnnnd köstliche Kleinot habe ich
nicht. Weiter als ein frembding / der
der Neapolitaner / auch solcher fräuw-
lin sitten nicht wußt / gedachte sie were
ein mechtige gewaltige Fraw oder Für-
stin / ihr vil ehr bewiese / vnd sich vnter-
thenig erzeyget. Desß die fraw wol war
genoma

Der Begärker.

genommen hette. In bey der hand nam
me / nebē sich auff ein schöne Kisten oder
sidel vor dem bech setzet / also zu ihm
sprach: O Andreyzo / ich sehe vnd ver
nim wol / das dich der freundschaft / so
ich dir mit meinem freuntlichen umb
fahen vnd kläglichen zähern bewiesen
hab / sehr verwundert vnnnd befrembdt /
als der meiner nie kein Kundschaft ge
habt / vnnnd auch villeicht mein nie hast
gedencken hören / doch das sol vnd wirt
dich auch noch grösser wunder nemen /
das ich / wie auch waar ist / dein leibliche
Schwester bin. Darumb so sag ich dir /
das ich jezunder gern vnd vil desto frö
licher sterben will / das ich dich als mein
brüder / des mein hertz lang zeit begeret
hat / gesehen hab / vnnnd ob ein solches
dir nicht wissend oder kundt ist / wie mir
dann nicht zweiflet / du nie nichts von
mir gehört habst / so vermerck mich wei
ter / vnnnd hör was ich dir sagen wil: Es
ist dir ohn zweifel wol wissend / wie Pe
ter mein vnd dein vatter langer zeit in
der schönen vnd mechtigen stadt Paler
ma in Sicilia sein wonung gehabt / der
b umb

Der Wegfürker.

umb seiner reichthumb / gůte vnn̄d tugent / von jederman / nit allein der statt / sonder auch frembden außländern / wol ehrlich vñ herlich gehalten ist worden. Doch ob allen die ihn lieb hettē / mein mütter in lieb hett / die ein fraw / vnd zůzeiten ein witwen was / die ihn lieb hett vber alle Mañ. In solcher maß sich mit einander vermischen / das ich von inen beyden empfangen vnd geboren ward / vnn̄d bin als du mich sihest. Darnach vrsach halben sich begab / das Peter mein vñ dein vatter von Palerma schide / zohe heym / vnd mich ein junges kind meiner mütter ließ. Darnach weder an mich noch an mein mütter nit mehr gedacht / gleich als ob er mein Vatter nie gewesen / vnd mein mütter nie gesehen hat. Aber aller vbel gethaner ding / deren gedechtnuß vor langer zeit vergangen vñ vergessen ist / sind vil geringer zůstraffen dan wider zůkeren. Doch im sey wie es wöll / so ist es doch also: Er ließ mich ein junges kindt von Palerma / da bin ich gewachsen als du mich wol sihest. Vnn̄d mein Mütter die ein reiche fraw
was /

Der Wegfürker.

was mir ein Edelmann zu der ehe gab/
vnd mir vñ im oft zu lieb gen Palermas
Kā. Vñ als er ein grosser Gualfo w3 mit
vnserm König Carolo / wider König Fri-
derich vñ Neapolis / was sach sie zuge-
richt hetten / König Carolo zu hülff / vnd
König Friderich zuschaden. Vñ ehe ein
solches zu end kam / König Friderich sol-
chen handel wider in vernommen hett /
vñ des willen mein mann weichen vnd
auff Sicilia fliehen müßt / da ich mit
im die gröst ritterin worden bin / die in
allen Königreichen ist. Darumb namen
wir das wenigest dz vns werdē mocht /
das gar klein was zu schetzen gegē dem
grossen / das müsten wir verlassen / als
dann waren heuser vñnd schlösser / vnd
andere gelegne güter / vnd her gen Nea-
polis geflohen sind / da vnser Herr Kö-
nigs gnad so gnedig gegē vns gewesen
ist / vnd vns ein teil vnsern schaden wi-
derkert hat / die wir in Sicilia verloren
hetten / vnd vns hat geben heuser vñnd
etliche güter / vñnd bey dem allem / mei-
nem lieben Man̄ deinem schwager stets
güte prouision geben hat / wie du (wils

b ij

Gott)

Der Wegfärker.

Gott) baldt sehen solt. Also bin ich hiez
Gott sey lob. Vnd ihm von newem mit
den armen umb den halß fiel/ mit weys
nenden augen an sein wangen züchtig
lich küßet. Da Andreyzo der schönen
frawen red vnd nähr so ordenlich vnd
eben warnam / derē das wort in keinen
weg in irem mund oder zwischen ihren
sänen starb / ihr was die zung mit fleiß
gelöst worden/ vnd stamlet nit. Es kam
ihm wol in gedechtnuß/ wie er vernom
men hett/ das sein Vatter etlich zeit in
Sicilia vnd Palermo sein wonung ge
habt hette / auch bey ihm selbs wol ge
dacht/ wie der Jungen gesellen gewon
heit were/ schöne frawen lieb zū haben/
darbey auch sahe die kläglichen weyeh
en zähern / vnd das lieblich halssen vnd
züchtig küßen / er fürwar nicht anders
meynt/ dann was im die schön fraw ge
sagt hatt/ war sein. Er jr antwort/ vnd
sprach : Kressstig vnd mechtig sind die
wort der frawen/ besonder so sie mit et
was schöne vnd zucht scheinen/ von her
zen gehn/ vnd ist doch zū zeiten ein fal
sche vnd mit listen erdachte red/ darum
Andreyzo

Der Wegfürker.

Andreyzo sprach: Fraw lassend es euch
mit frembd duncken / ob ich mich wun-
derlich die warheit zusagen / warumb
mein vatter ein solchs gethā hat / noch
was er mit ewer mütter begangen hat /
davon hab ich keinerley nit vernomen /
vnd ob er ewert halb mit jemandt ist zu
redt komen solches mir vnkundt ist / dar-
umb nicht möglich das ich ewer kunds-
schafft haben mög / aber mir so viel desto
lieber / das ich ein Schwester hie funden
hab / des ich mich nit versehen / auch kei-
nen Mann so mechtig erkenne / dem ihr
nit für ein Schwester soltē gefallen sein.
Vnd solcher reden viel trieb. Dann er
als ein vnuerstandner lap / nicht so weit
betrachtet / wohin solche reden reychen
solten. Darumb sie jm hernach zu gros-
sen schaden kamen / vnd darzu jm gar na-
hend vmb sein leben bracht hetten: wie
irdann baldt hören werdet. Wider an-
sieng zu reden / die fraw fleissig bat / das
sie jm sagen wolt / wer ihr sein beywesen
kunds gethan / oder wie sie sein warge-
nommen vnd erkennt hett? Die fraw
jm baldt antwort / vnd sprach: Ich hab
eyerck b ij ein

Der Wegfürker.

ein gute arme alte fraw bey mir / die ist
den vergangenem morgen bey euch auff
dem Rosmarckt gewesen / vnd on zweif
fel mit euch geredt hat / wie euch dann
kandt sein mag / die bey vnserem vatter
wol nach dem als ich vñ im verstandē /
lange zeit zñ Peruß gedienet hat. Vnnd
wer es nit gewesen dz es mich füglich
deucht / vnd erbarlicher / wenn du mir in
mein hauß kämest / dann dz ich zñ dir in
anderleut heuser käme / ich hett mich so
lang nit können saumen / oder zñ dir zñ
kommen verzogen / ich wer zñ dir in die
herberg gangen. Nach allen diesen ver
gangnen listigen worten / sie rñ new
em anhub zñ fragen / nach allen seinen
freunden / wie es jeglichem insonderheit
gienge / wie sie lebten / oder was gewerb
vñ handel ein jeglicher triebe / deren na
men sie alle vnd ein jeglichen / wie oben
vermeldet / von dem alten weib erlernet
hette. Als Andreyzo solche fragen / vnd
die nacken seiner Freund so eigentlich
nennen hört / ward er der frawen wort /
daran er vormals noch zweiffelt / genz
lich glaubē / zñ der frawen sprach: Erst
glaube

Der Wegfürker.

glaube er/ dz sie sein rechte Schwester sey.
Darnach schüß die fraw bald guten fris-
schen wein zů kommen/ vnd mancherley
confect / nach solcher zeit gewonheit/
dann die hitz groß was. Als Andreytzo
mit ihr tranck vnnnd collation machet/
solches lang auffzog / vnnnd ihm dapffer
mit trincken zůsetzet/ der meynung/ das
er bey ihr bleiben solt / wie dann hernach
auch geschach.

Wie Andreytzo in sein her-
berg zům nachtmal gehn wol-
te / Aber die Fraw ihm sol-
ches nicht erlauben
wolt.

Snd als solche zech ein end vnd
lang gnüg gewerth hett/ Andrey
tzo an sein herberg gedachte/ vnd
das man allda sein warten würd / von
der falschen Frawen / die er jetzt seine
Schwester sein meynet/ des vrlaub bege-
ret/ welchs im die fraw in kein weg ver-
b iij gönnen

Der Wegfürker.

günnen oder zugeben wolt/ desgleichen
thet/ als ob sie sich darumb sehr betrübt
vnd trawrig wer/ ihn aber mit ihren ar-
men umbfieng/ vnd sprach: Heu me/ O
wehe mir/ ich erkenn wol das dein liebe
Klein zü mir ist/ vñ so gar nit bedenkst/



Dz du bey einer deiner nie gesehnē schwe-
ster bist/ bey deren du doch/ da du herk-
mest/ abgessen soltest sein/ von deren
du dich scheiden/ vñnd an die Herberg
essen gehen wilt/ das wölle Gott nicht/
das ich dich auß dem hauß gehen lasse/
wiewol mein Mann dein schwager nit
daheym

Der Begürker.

daheim ist / welches mir sehr leyb / ich
nach frauen vermögen dir wol ein ehr
thun sol. Auff welches jr Andreyzo der
güt Jung nichts wuste zu antworten/
dann allein zu ihr sprach: Frau ich hab
auch lieb als mein leiblich Schwester / für
die ich euch auch erkenn/ vnangesehen/
das ich euch vor nie gesehen hab / noch
von euch niemals hab hören sagen: aber
geh ich nicht heym/ so wartet man mein
die gāz nacht/ das wer nit wol zūthun/
vnd wurd mir solches morgen von mei-
nem Würt verwissen werden. Ey das
sey Gott gelobt / sprach die frauw/das
ich niemandt in meinem hauß hab/den
ich in das würtshauß schicke/vnnd an-
zeigen laß das man dein nit wart. Aber
so du wilt vnd auch wol thetest / wenn
du mir zu lieb nach deinē gesellen schick-
test / das dieselbigen das nachtmal mit
uns nemen/darnach giengen jr mit ein-
ander heym (das thete sie darumb/das
sie der vögel viel inn das garn bringen
möcht/ so künt sie darnach mit jnen ires
gefallens umbgehen / dann sie verhoffte
wenn sie kēnen vnd mit jr zu nacht es-
sen/

b v

Der Wegfürker.

sen/würden sie die zech theur gnüg bezalen müssen / wie dann Andreyzo geschehen / welcher wider seinen willen das geloch bezalt / vn̄ darzū schier vmb sein leben kōmen war/wie dan̄ k̄rzlich hernach soll angezeigt werden.) Andreyzo antwort: er sein gesellen auffdise nacht nit bekūmern wolt / aber dieweil es ihr gefallen were bey ihr zū bleiben / solt sie mit im thūn was sie wolt. Tūn diezū nicht frauw desgleichen thet/als ob sie an die Herberg schicket v̄nd anzeigen ließ/das man sein nicht wartet/dann er zūm nachtessen nit kōmen wūrd/sonder bey seiner Schwester essen wūrde. Aber solches nit thet/dan̄ jr leyd gewesen were/das man gewist hette/das er in jrens hauß wer. Darnach zūhand sich zū tisch setzten / mit herlichen trachten beyden wol gedienet ward/mit dem es die frauw mit fleiß nach dem lengsten verzoge/ damit der nacht dest mehr vergieng / v̄nd es sich dest tieffer darein verzog/darmit sie vrsach hette in bey jr zūbehalten. Da sie nū das nachtmal verbracht hetten/v̄nd von dem Tisch auffgestanden waren/

Der Wegführer.

ren/vñ Andreyzo an sein herberg meynt
zügehn / er von jr vrlaub begert / das sie
im in keinen weg vergünnen noch geben
wolt / zñ im sprach: Neapolis wer nicht
ein stat des nachts auff der gassen züge
hen / sonderlich dē gästen vñ frembden /
dann sie wol wißt so er hinauß gieng / er
von den schergē oder riffianern gefan
gen / oder vñleucht gar zñ tod geschlagē
würdt / vñd im alles so er hett / genomen
würde / so hett sie auch dem würt künde
gethan / das er nit heym schlaffen kem /
derhalben er bey jr bleibē solt. Andreyzo
der frawen trewlich warnen vñd ernst
lich bittē sahe / gētzlich der frawē glau
bet / bey im selbs gedacht / wenn er seine
500. gülden also verlieren solt / vñd ob er
schon mit dem leben darvon kem / würdt
es im groñße pein bringen / darzñ würdt
er als ein vnweiser Kauffmann von je
dermann zñ seinem schaden vñnd ver
lust / verspottet werden. Also bey der
frawen bliebe. Als sie nñn lange zeit bey
einander gefessen waren / vñnd die zeit
schlaffen zñ gehn vorhanden ware / dan
ein gñt teil der nacht schon erschienen
war /

Der Wegführer.

war / aber nicht on vrsach ihn die fraw
so lang auffgehalten hat. Doch da die
zeit kommen was / sie ihn mit sampt ei-
nem kleinen büblein / das in das heym-
lich gemach zeigen solt / inn ihr kammer
schlaaffen weisset / vnd sie mit ihren
andern frauwen in ein andere kammer
schlaaffen giengen / bey ihr selbs gedac-
hte / wenn Andreyzo entschlaffen we-
re / sie auffstehen wolte / ihrem Ruffia-
ner so in einer andern stuben was / ruf-
fen wolt / 8 in villeicht vmbbracht hett /
oder doch auff das wenigest das gelt ge-
nommen / Welches aber auff einen an-
dern weg geschehen.

Andreyzo sellt in ein sprach
haus / da er vermeynet sei-
nen oterturfft zu vers-
bringen.

Als Andreyzo nun von solcher
seiner schönen schwester / wie gehö-
ret / mit dem Knaben was schlaaf-
en gewisen worden / vnd die hitz zu der
selben zeit groß was / vnd Andreyzo
sich

Der Begfürker.

sich allein sahe / sich zu frischen vnd kü-
len baldt außzohē / vñnd den leib biß an
das hembd' entblöset / seine Kleyder zu
haupten auff das beth legt / vñ den leib
von oberiger beschwerung des bauchs /
seine natürliche recht begeren was / vñd
nit wußt wohin / den jungen Knaben fra-
get / der jm als baldt an einem ort in der
Kammer ein thürlin zeiget / das hinauß
auff einē gang zum heymlichen gemach
gieng. Andreyso on alle forcht vñd sorg
zu dem thürlin hinauß / gegē dem heym-
lichen gemach wertz gieng. Nun zu sei-
nem glück oder vnglück wie es sich be-
gab / er in dem gehn auff ein brett trat /
welches nür auff einem ort auffgenag-
let was / vñd ohn zweiffel ihm zu einem
meynschlag oder strick / darinn er ge-
fangen vñd todt bleiben solt / hieher ge-
setzt vñd gestellt worden ist. Darumb er
hinab fiel / vñnd wiewol er sehr hoch ge-
fallen was / vñ sich von kot vñ vnflat in
solcher maß zügerichtet hett / dz er mehr
ein teuffel / dan einem menschen gleich
gesehen. Doch Gott ihm so viel gnade
thet / vñd ihn so lieb hett / das er ihm in
dem

Der Wegfürker.

Dem grossen vnnnd schweren fallen kein
schaden zústehen ließ. Damit man aber
verstehe / wie vnnnd wo das vn sauber
gäßlin gewesen: es was ein enges geßlin
zwischen zweyen heusern / von den zwey
hölzer von einem hauss zú dem andern
giengē / darauff vngenaglete bretter la-
gen / darauff man zú dem heymlichen ge-
mach gieng / derselben vnangenagleten
bretter eins mit jm hinab fiel / als jr ver-
nommen habt. Es sey ihm nún wie ihm
wölle. Andreyzo sich in dem Kott fande /
wer woz trawriger dann er gedacht / wie
spöttlich vnd vbel ihm dz anstünde / das
er also vn sauber solt hinauff ins hauss
zú seiner vor nie gesehenen Schwester
kommen / hette gewölt er tausent meil
von dannen were / doch dem jungen kna-
ben rufft / vnd in bate / er wolt jm behol-
fen sein / damit er wider herauff komen
möcht / dann so er solt ein weil da stehn /
er vor geschmack zergehen vnnnd sterben
müß. Als bald der arg knab solchs ver-
nommen hett / das Andreyzo hinab gefa-
len was / er zú der frawen lieffe / vnnnd ihr
solches baldt anzeyget vnnnd zú wissen
thet /

Der Wegfürker.

thet / die bald zu der Kammer eingegan-
gen kam / nach seinem gewand oder Kley-
de suchet / welches sie sampt den 500. gul-
din bey den haupten fandt. Wer woz frö-
er dan sie / vñ trawriger dann der güt An-
dreygo / der niemand vertrawt / vñ stets
solch gelt bey ihm getragen het / vmb des
willē ein Schwester von Palerma einem
Brüder von Peruß solche letz zügerich-
hett / nach ihm nit mehr fraget / das thür-
lin zügesperrt hett / da der vnselig mensch
hinauß gefallen was. Vnnd da der Knab
ihm kein antwort gab / er sein stimme er-
höhet / vñ leuter schreye. Aber sein schrey-
en vmb sonst was. Ihm grausen vnd ge-
dencken warde / Die sache gieng nicht
recht zu / aber es zu spat gedacht / nicht
wust wo auß oder ein. Doch vber eine
Maur / darmit das gäßlin vermaures
was / er stige / vnd auff ein rechte strassen
für die Thür des hauß kame / wol erken-
net / das er des tags da was eingegan-
gen. Da er erst anhüb zu rüffen vñ zu
schreyen / da auch lange zeit sein müß ver-
lore / vnd mit weynenden augen / als der
da alles sein vnglück klar sahe / zu ihm
selber

Der Wegführer.

Selber sprach: O wehe mir/ wie hab ich
inn so kurzer zeit 500. gülden vnnnd ein
schwester verloren. Vnnnd nach viel an
deren kläglichen worten vnnnd weynen/
er wider anhub mit grossem geschrey an
die thür züschiagen/ das so lang trieb
das etlich in der nachbawerschafft ihm
seins rüffens vnd schreyens nicht mehr
vertragen mochten/ ihm vbel zü redten
vnd schalten. Auch eine der frauen
magd gar schläfferig an dz fenster lieff/
mit bösen vnzüchtigen worten fraget/
wer da were? O sprach Andreyzo Ken
nest du mich nit? Ich bin deiner frawen
Siordelis brüder. Sie ihm wider ant
wort: Güter Mann hast du zü viel ge
truncken/ so geh schlaffen/vnd kom biß
morgen herwider/ich kenne vnnnd weyß
von keinem Andreyzo/ noch von deinem
öden thädigen züsagen/ gehe das dich
Gott berach/vñ laß vns schlaffen. Wie
mag das gesein/ sprach Andreyzo/ das
du mich nit kennest noch weyßt wer ich
bin? Fürwar du weyßt wol wer ich bin/
verstehest auch wol was ich sage/ es ist
dann der Sicilianer gewonheit brüder
licher

Der Wegfärker.

licher trew vnd schwesterlicher freundschaft inn kurzer zeit vergessen / so gib mir doch mein gewandt wider / das ich auff dem betth züm haupten gelassen hab / das dich Gott bewar / damit ich gehen mög meinen weg hin / den ich her kommen bin. Die magd ihm antwort: Güter Mann dir hat geträumet / oder du bist voll vnd truncken. In dem sich hinein zoge / das fenster züschlög. An dreyßo seiner schädē abermals mehr eigenschafft hett / vnd vor leyd vnd zorn schier von sinnen kommen were / im gedacht / das er durch sein wort nicht gehaben möchte / er seine sterck brauchen wolt. Vnd von newem mit einem grossen steyn stercker dann nie inn die thür lieff / mit aller macht darein schlög. Vm des willen vil herumer in der nachbawrschafft auffstunden / an ire fenster gien gen / vnd meinten es wer etwan der das der nachbawrschafft mehr züleyd thet / dann der frauen / im züschreyen als einem frembden hund / vñ sprachen: Was grosser büberey ist das an dir / zü solcher zeit in der nacht für Gretlins thür zü kommen /

Der Wegfürker.

Kommen/ vñnd niemand in der gangen
gassen schlaaffen laßest/ geh hinweg an
den liechten galgen/ hastu etwaz mit der
frawen zůschaffen / so kom̃ biß morgen
herwider/ vñd laß vns hinnacht schlaf-
fen. In dem einer der vñlleicht der fraw
en Rissianer sein mocht / an das fenster
kam / welchē Andreyzo in dem hauß nit
gesehen oder gehöret hett / mit grober
grausamer vñnd erschrockenlicher stim̃
sprach: Wer ist daniden d̃ vns nit schlaf-
fen lest? Andreyzo sein haupt auff hūbe/
vñ wol einen sahe / nachdem jm daucht
vñnd vernemen mocht/ wie es das klein
schülerlein mit dem grossen Penal wer/
mit einem kolschwarzen bart/ vñnd zů
gleicher weiß thet / als ob er von dem
schlaaffentstanden wer / mit ginendem
maul sein augen rieb / wie die schlaaff-
truncknen thūn/ dē Andreyzo nicht mit
kleiner forcht antwort/ vñd sprach: Ich
bin Andreyzo der frawē Brüder/ die in
dē hauß wonet. Der bartet Baccalau-
rius nicht wartet / biß Andreyzo seine
wort zů end bracht/ sonder viel grausam
er dañ er vor gethan hette/ sprach: sie
her

Der Wegfürker.

cher vnd fürwar/ ich weyß nit wer mich
haltet/ je wider mein natur/ dz ich nit hi
nab kom̃/ vnd dir dein haut so voll schla
ge/ das es mich selber erbarmet/ du vn
nützer trunckner esel/ 8 du in diser nacht
niemand wilt schlaffen lassen/ mit disen
worten das fenster wider zûsperret. Et
liche von den nachbauren die des barte
ten Baccalaurij kundtschafft hettē / zû
Andreyzo sprachē: Güter man / wilt du
auff diese nacht nit zû stuckē geschlagen
werden/ so gehe vmb Gottes vñ des bes
sten willen deinen weg/ dan du weyßt nit
mit wē du zûschaffen hast/ dz rathen wir
dir mit trewen. Andreyzo 8 von des Rif
fianers grausamen stim̃ vnnd angesicht
sehr erschrocken woz/ vnnd von dem rath
der gûten leut/ die / als ihn dunckt von
barmhertzigkeit bewegt warē/ bezwun
gen was darvon zûgehen. Betrübter
dann kein Mann je ward/ sich seines gel
tes gantzlich vermag/ vnnd den weg hin
gieng / dē er mit dem Meyblin des tags
herkommen was / doch nit wußt wo er in
der stadt was. Aber gegen seiner Her
berg wertz meynt zûgehen/ vnd jm selbs
c ij ab jm

Der Wegfürker.

ab im grewelt / vnd sein selbst abschewen
hett / des vnsauberen geschmack
halben / der von im kam / willen hett zu
dem Meer zügehen sich züwäschen. Da
sihe zü lieber gesell / wie das gelt Andrey
zo so in grosse not vnnnd gefahr seins le-
bens gebracht hat / das er sich als er inn
den heymlichen gemach gesteckt / ganz
verwegen hette / dann er nit hoffet sein
lebenlang mehr vnter die leuth zükom-
men / sondern also inn dem vnsauberen
geschmack verderben vn̄ sterben müßt /
aber Gott der nicht verlest / die so in an-
rüssen / vn̄ im vormals im fallen / besten-
dig gewesen / hat ihm da weiter geholfen
/ das er nit also / on jedermans wiss-
sen / sterbe vnnnd verderbe. Darauff sich
aber keiner verlassen sol / vnd gedencen
wölt / ey wenn ich schon umb das gele-
tume / so beschert mir Gott morgen an-
ders / es geredt nicht allweg / gleich wie
auch dem güten Andreyzo solchs nicht
geraten ist / dann er one sein 500. gülden
die Stadt Neapolis raumen müssen /
Dannes nicht wol möglich ist / das die
Gott gleich so anders werde geben. Er
spricht :

Der Wegfűrker.

spricht: Arbeyt vnd gewinn/dein brot.
Er hat nit gesagt: Thû das maul auff/
siß daher wie ein gansß / ich wil dir vmb
faulkeit genûg geben. Darumb sihe ein
jeglicher was ihm zûthûn sey / nemlich/
das er arbeite / vnnnd sich mit frombkeit
ernehre. Damit das ich aber mit meiner
angefangenen Historien zû end kome/
so merck et weiter.

Wie Andrenzo zu dem
Meer gieng / vnd sich wâ-
schen wolt/vnd wie es
im ergieng.

Es nun der gût Andrenzo also
von sein gelt/beschissen/vñ mit wû-
stem vnflat behenck't/ danon mü-
ste / ward ihn solches seines narrechten
gen Neapolis reyten sehr gerewen/dar
zû ward im selbs ab dem vnsaubern ges-
chmack sehr geweln / zohe derhalben
die gassen Catalena genant/gegen dem
Meer wertz hinab. Vñ als er also gieng/
bekamen im irer zween mit einer later-
c iij nen/

Der Wegfürker.

nien/vor denē er sich besorgt/ daß er mey
net es weren die scharwächter/ flohe der
halben ab dem weg/vnd gieng in ein al-
tes gemeur. Die zwen mit der laternen
auch zū dem alten gemeur eingiengen/
vnd da mancherley werckzeug von jnen



legten/als Eisen/stangen/haacken/ 2c.
auch darmit mancherley gespräch hat-
ten. Vnnd dieweil sie also mit einander
redten/ ihr einer sprach: Was bedeutet
das? dunckt dich als mich/mir bekompt
vnnd empfinde des bösten geschmack-
den ich je gerochen hab? In dem die La-
ternen

Der Wegfürker.

ternen auffhebt/ vñnd den armen vnse-
ligen mensche gesehen hett/ beyderschra-
cken/ doch fragten wer da were? Aber
Andreyzo als der sich sehr forcht/ schwi-
ge/ sie fürbaß zñ ihm giengen/ vñnd ihm
fragten was er da also kotig thete? An-
dreyzo alles das ihm zñgestanden was
erzelet/ vñ zñwissen thet. Die zween aber
wol gedachten wo dz möchte geschehen
sein/ als in des Scharagone Putoffogo
hauß/ zñ ihm sprachen: Güter Mann/
wie oder wo du dein gelt verloren hast/
so hast du doch Gott sehr zñdanken/
dz du also in das kot gefallen bist/ dann
wer dir das nit widerfaren/ wenn du ent-
schlaaffen werest/ so werest du on zweif-
fel getödt worden/ vñnd hettest mit dem
gelt dein leib verloren. Aber was hilfft
dich nñn mehr dein weynen/ dann dir
mag das gelt so wenig wider werden/
als die Sternen am Himmel/ Aber du
möchtest dardurch wol erstochen wer-
den/ wenn er vernäme das du von et-
warem geredt hettest. Nach diesen wor-
ten/ die zween was ihnen Andreyzo hal-
ben zñthun were/ sich bereyteten/ dar-
c

Der Wegführer.

nach zu ihm sprachen. Güter freunde/
vns ist leyd vñ erbarmet vns dein scha-
den / doch wilt du ein güter gesell sein/
so wollen wir dich mit vns nemen/etli-
che sachen außzurichten/ vnd da wir je-
zund hin wollen gehn/ das zu vollbrin-
gen/ da zweiffel nicht daran/ dir zu dei-
nem theil mehr werden soll/ dan du ver-
loren hast. Andreyzo als der an jm sel-
best zweiffelt/ zu jnē sprach: er willig vñ
bereyt were / alle ding so sie begerten zu
thun. Tū es sich den tag daruor bege-
ben hett / das der Erzbischoff von Te-
apolis tod ware / vnd mit grosser reich-
thum/ auch köstliche kleynoten was be-
grabē worden/ besond mit einem köstli-
chē Rubin/ den er an der hand in einem
schönē ring gehabt/ der auff 500. güldē
gesetzt ward. Da was der zweyer mey-
nung/ hin zu gehen / vnd den toden Bi-
schoff zu berauben/ als sie dan auch thea-
ten / zu dem sie da den armen vnweisen
Andreyzo zu jnen namen. Darumb sie
sich alle drey mit einander bedachten/
sich mit einander auff den weg mache-
ten / gegen der grossen kirchen wertz.

Wie

Der Wegfürker.

Wie Andreyzo von zweyen
in ein brunnen gelassen
ward.



Als sie nun der kirchen zu nahe
ten / ward sie des vnsauberen ge-
schmaccks so von Andreyzo gieng /
sehr verdriessen / darumb sprachen sie /
Wögen wir nit ein rüstung erdencken /
das der sich wische von seinem kot / wo
das irgend were / damit er nicht so vbel
stüncke / balt sich bedachten / hiebey na-
hend ist ein brunn / da ist ein grosser ey-
mer an / darinn wöllen wir in hinab las-
sen

Der Wegfürker.

sen / da mag er sich fast wol in wäſchen.
Da ſie zů dem brunnen kamen / wol das
ſeyl daran man pflegt waſſer zůſchöpf-
fen / funden / aber der eymer was nit dar-
an. Doch bald eins wurden / ihn an das
ſeyl bunden / vnd in brunnen hinab lieſ-
ſen / vnd wenn er gewäſchen wer / er das
ſeyl erſchütten ſolt / ſo wolten ſie in wie-
der herauff ziehen. Da ſie nūn ihn in den
brunnē gelaffen / vnd schier gewäſchen
was / fügt ſich d3 etliche Reuter knecht
welche etlich gejagt hetten / vnnd hizzig
waren / jezund groſſen durſt hetten / vñ
zům brunnen kamen da zů trinckē. Bald
hūben ſich die zwen dauon. Die knecht
die hetten die zwen nicht geſehen / noch
Andreyzo der im brunnen was / vñ ſich
jezundt gewäſchen hett / er ſchütt das
ſeyl / aber ſie wolten ſchlechts trincken.
Legten ab ihre tartſchen vñ ſchwerter /
da fundē ſie des eimers nit / meynten er
wer im brunnen / ſich ans ſeyl richteten /
vnnd den eimer herauff zogen. Da aber
Andreyzo erſahe den port des brunens /
ſich daran hieng mit den armen / des er-
ſchraffen die knecht gählingen / lieſſen
das

Der Wegfürker.

Das seyl faren / vnnnd lieffen darvon vn-
geredt so fast sie mochten / vñ lieffen ih-
re schwerdt vnd harnisch bey dem brun-
nen / nicht anderst meynten / dann sie
den Teuffel auß dem brunnen gezogen
hetten. Da Andreyzo auß dem brunnen
was / ihn gar frembd daucht / das er sei-
ne gesellen nit solt finden / ihn verwun-
dert / wer in auß dem brunnen gezogen
hette / wol die schwerter vnnnd tartschen
da sahe ligen / solchs seine gesellen nicht
dargebracht hetten / wol wüßt. Darum
ihn frembd nam / von wannen das her
kame. Abermals betrübt was / nit wußt
was er thun solt / ihm selbs sein leyd kla-
get / vnd keinerley anrürt / von dannen
gieng / nit wußt wohin / doch in dem ge-
hen er seinen gesellen wider begegnet /
die wider kamen ihm auß dem brunnen
zuhelffen / sich sein verwunderten / vnnnd
ihn fragten / wer ihm auß dem brunnen
geholffen hett? Da von er in nichts kon-
te sagen / dann allein was er bey dem
brunnen gefunden / vnnnd auch da ge-
lassen hett. Darbey die zween wol ver-
merckten / dz es die stadt knecht müßten
gewesen

Der Wegfärker.

gewesen sein / des lachten / vñnd da ihm
sagten / warumb sie da von dannen ge-
flohen weren / vñd wer die gewesen we-
ren / die ihn auß dem brunnen gezogen
hetten. Tu wolt es sich zñ mitternacht
nahen / darumb machten sie sich auff die
straß / vñ fügten sich zñ der grossen kir-
chen / on mühe baldt darein kamen / vñd
das grab das von Marmelsteyn was /
darinn der Bischoff vergraben lag / bes-
hend auffgethan hetten / vñd also hoch
vbersetzt / dz einer wol darein schlieffen
mocht. Nach dem das also geschah /
einer zñ dem andern sprach : Welcher
vnter vns wirdt hinein steigen ? Der an-
der sprach : Warlich ich kom hinein mit.
Der erst wider sprach : Andreyzo sol hin-
ein steigen. Gott mir nicht / sprach And-
reyzo / das ich hinnen come. Die zwen
wolten sich gegen jm streussen vñ spra-
chen : Warumb wilt du es nit thun / bey
Gott wiltu nit gern / so müßt du es wol
thun / oder müßt dir dein haut voll schla-
gen lassen / oder vielleicht gar zñ todt /
Darnach wisse dich zñ richten. Andrey-
zo mit grosser sorg inn das grab stiege /
wol

Der Wegfürker.

wol gedacht / die werden mich freylich
betriegen / dann wenn ich alle ding hin-
gegeben hab / werden sie mit dem güt
daruon lauffen.

Wie Andrenzo in das grab
stig / den Bischoff den Ring abzoch /
hernacher von seinen zweyen gesellen
in das grab verschlossen
ward.

Wie nun Andrenzo schon hin-
ein gestigen was / vnd gedacht /
wie oben vermeldet / sie würden
in betriegen / derhalben bey jm gedacht /
er wolt sich selbs versehn / vnd jm seinen
theil selbs in behalten / vnd der köstlich
ring mit dem Rubin jm in sein gedeck-
tuss kam / daruon er seine gesellen vnter
wegen hette hören reden. So behend er
im das grab kam / er dem Erzbischoff
den köstlichen Ring ab der handt zoch /
vnd den ihm selbst an sein finger stieß.
Darnach den Pastoral / die Insel / die
hendtschüch mit allem anderen / das er
ymb

Der Wegfürker.

vñ vnd an hett / seinen gesellen herauß
gab / vnd den todten Bischoff nackend
in einem hembd allein ließ / zñ seinen ge-
sellen sprach / er nit mehr fünde. Da sien-
gen seine gesellen an nach dem ring zñ-
fragen / vnd sprachen / das er wol süchet
dañ er je da sein solt. Er fast dergleichē
thet als ob er suchet / vñnd sie also mit
beyten auffhielt / die allweg sprachen:
Süch wol / als die ihn mit vntrew mey-
neten. Da es sie nñ zeit gedaucht / vñnd
ihr bürde gar wol gebunden hetten / sie
die stüzē / damit sie das grab vntersetz-
heten / außschlügen / vnd die deck nider
fallen lieffen / die da von Marmelstein
vnd schwär was / vñnd den gäten An-
dreyzo also im grab versperten / vñ mit
dem güt daruon lieffen. Wer woz in grös-
serm jamer / ängsten vnd nōten dañ der
güt Andreyzo? welches ein jeglicher bey
ihm selbs bedencen kan. Er sich zñ mer-
malen versucht mit dem haupt vnd ach-
sel / ob er den stein möcht erheben / aber
nit möglich was / vmb deß willen von
pein / onmacht vñ schmerzen vberwun-
den / nider auff den todten Leichnam
sanck /

Der Wegfürker.

sand / vnd da ligen blieb. Der ihn da gesehen hett / nit wol hett mögen erkennen welcher todter gewesen wer / er oder der Bischoff. Darnach vber ein kleine weil wider zu ihm selbs kam / anhub kläglich zu weynen / vnd im gedacht / würde das grab von jemand auffgethan / dz er wider her auß käme / vnn ledig würde / er sonst von hunger von bösem gschmack des todten leichnams sein leben da enden müßt / vnd ob auch jemand kem das auff züthün / vnn er darinnen funden würd / aber gleich wie vor für einē Dieb gefangen vnd an galgen gehengt würde. Als er ein kleine zeit in solchē betrübten gedanken gestanden was / er in der Kirchen vnn umb das grab leut horet vn vernam / aber in grossen sorgen was / das waren etliche böse buben / die auch kommen waren den Bischoff zu berauben.

Wie Andrenzo wider auß dem Grab kam.

Als

Der Wegfärker.

Als nun Andrenzo solche Leuth
gehört hett / ward er sich fürchten
vnd auch frewen / vñ gedacht wol /
weren es rechtgeschaffen leuth / sie bey
tag her kemen. Nun die buben richtes-
ten sich an die Arch / den steyn balt auff-
gehaben / vñ vnterstützt hetten / dar-
nach nicht eins waren / wer in das grab
stige / dan jeglichem grauset: doch nach
etlichen Worten ein Pfaff der mit ihnen
was / sprach: was besorgt ihr euch? oder
vor wem habt ihr fürcht? die todten es-
sen niemand / wil ewer keiner hinein / so
lasset mich hinein / seinen mantel balde
von im warff / sich auff dz ort schwang /
vnd sich mit den füßen meynt hinab zu
lassen / das der gute Andrenzo ersehen /
sich nit lang saumet / balt auff seine füß
sprang / vnd den Pfaffen bey dē beynen
nam / dergleichē thet / als ob er hinab zie-
hē wolt. Da das der Pfaff empfand / ont-
maß erschrock / ein grossen schrey ließ /
vnd sich auß dem sarch warff. Die ander-
en seine gesellen nicht minder erschra-
cken dann er / darvon flohen / das grab
offen lieffen / alle lieffen vnd flohen / nit
anders

Der Wegfürher.

anders dan ob sie von hundert tausent
seuffel gejagt wurden. Wer was fröer
dan Andreyzo / sich bald auß dem grab
vnd der kirchen machet / den weg den er
hinein kommen was. In dem es sich ge-
gen dem tag nahet / ongefärd gieng / da
er zu seiner herberg kam / darein gieng /
den Würt vnd seine gesellen fand / die
all sich sein verwundertē / also nackend
vnd vngestalt heim zu kōmen / in frag-
ten wo er doch her kāme? Das sagt er al-
les nacheinander / vnd thet jnen zu wiß-
sen vom anfang biß zum end / woz sich in
der einigen nacht seinethalben verlof-
fen hett. Vber dz sie sich miteinander be-
riethen / vnd was der rath also: Andrey-
zo so bald er möcht sich solt auß d statt
machen. Dem rath er volget / auff saß
wider heim ghen Perusiam reit / vñ fort
hin weißlicher handelt. Tūn sihe lieber
Leser / woz dem gūten Andreyzo für nutz
oder fromen bracht hat / das er mit sei-
nem gelt also daher pranget hat / war-
lich keinen nutz / weder das er schier dar-
durch vmb sein leben kommen wer / vnd
zu dem gelt auch den leib verloren het-
te.

Der Wegfürker.

te. Darumb hab ich diese Historia hieher gesetzt / das sich die jungen gesellen / gleich als in einem spiegel / ersehen sollen / was ihnen zuthun oder zulassen sey. Dann ich wol weyß dz iren viel sind / die das gelt außgeben wie haberstro / so findet man wollich leut die kōnnends ein fein ablausen / geben einem die besten wörtlein / ja weil das gelt in seinem seckel ist / da ist alls nūr gnad juncfer / ey mein lieber juncfer sitzen oben an tisch. So findet man Stütgarter Jungfräulein / die vmb ein klein gelt zū bekommen seind / die werden jm alßbald an die seiten gesetzt. Wenn dann meine Jünckerlein die groß ehr so man ihrem seckel beweist / sehen / meynen sie es geschehe ihnen zū lieb. Da müssen alßbald spilleuth sein / die dem Jünckerlein zū dantz machen / damit er sich mit seinen tōchterlein erspringen könne / da dauret in kein gelt. Nun trage auff / ich hab gelts genūg / ich kan es alles doppel bezalē. Das ist ein fein geschrey / der Würde vnd solches gesindlein hören es leiden gern / ja solchs verwegēs gesindlein wer nit darfür

Der Wegfürker.

für im Himmel/dann es jnen freud genüg
ist. Wann man denn genüg gerammlet
hat / so ist jederman heiß / da muß man
wider gesoffen haben / so schreyen sie
dann: Ey Juncker laßt wein bringen/
dann wir haben euch zu lieb gedancket
das vns warm ist/welches wir sonst nit
vmb groß gelt gethan hetten. Ey das
gefelt dan dem Würt wol / weñ er wein
soll bringen/der schreibt alßbald für ein
Panten wein drey an die tafel/ darmit
die summa dest grösser wirdt. Ey geden
cket er/man achtet es nicht / es ist jeder
man voll vnd toll. Vnd ob es schon et
wan einer achtet vnnnd wargenommen
hette / so will er solches nicht melden/
Dann sich keiner gern gegen dem Würe
abwirfft / ein jeglicher gedencet / der
Würdt ihm die lenge nützer sey / dann
ein solcher Hagjuncker. Wenn dann
mein edler Juncker gnüg gezechet hat/
vnd ihn zeit duncet schlaaffen zügehn/
darzū in seine zügesetzte Junckfrewlein
treiben/ ruffet er: O da saumpt sich nie
mand/ da wischt jedermā auff/damit dē
d ij Juncker

Der Wegfürker.

Juncfer sein meynung für sich gang /
vnd in niemand erzürne / da sind Kerzen
vnd liechter / deßgleichen diener / die ei-
nem mechtigen Fürsten genüg weren /
schlassen zu zünden / vnnnd legt man also
dem guten Juncfherin seine dirnen zu /
mit der er dann die nacht nach seinem
willen scherzet / da dauret ihn 100. Kro-
nen nit / die er einer solchen hüren sol ge-
ben. Wenn man aber einem armen men-
schen nür solt ein heller geben / welches
doch ein gering ding ist / wurd man mey-
nen man hette vnsern Herigott mit den
henden in himel hinauff gehebt / vn̄ ein
grossen gottslohn than / gedenc̄en nit
wie es so ein grosse sünde vmb hürerey
vnd füllerey ist. Dann Christus spricht
klarlich: Kein hürer / kein weinsaußer
sol kein theil am reich Gottes habē. Ja
möchtestu sprechē / solt ich nit wein trin-
cken / ich müßt eh zeit kām sterben. Gott
hat weintrincken zimlich nit verbottē /
aber voll sauffen dz ist wider sein gebot /
dan̄ darauß kompt allerley vn̄rath vnd
büberey. Bistu voll / so wil dan̄ das böß
fleisch sein willē haben / dz ist / vn̄keusch
heit

Der Wegfürker.

heit/ dē du den zaum fein nach hengest.
Du möchtest aber auch sprechen: Ich
bin also genatüret / ich kan nit keusch
bleiben / so bin ich noch zū jung ein weib
zū nemen. Ey wie ein tochter red ist dz.
Christus spricht: Welcher nit k̄a keusch
vñ reyn bleiben / der greiff zū der Eh. Eh.
Er hat nit gesagt / du bist noch zū jung.
Wer wol fein vnd Gottselig / das man
k̄öndte lang keusch vñd reyn bleiben /
dann die juncfrawschafft ein edle zier
vor Gott vnd allen Engeln Gottes ist.
Wen aber die sach je also geschaffen ist /
dz du nit kanst keusch bleiben / od̄ etwas
böfers darauß besorgen müst / so greiffe
im namen des Allmechtigen zū der Eh /
die Gott der allmechtig selbs im Para-
dis hat auffgesetzt / da er gesprochē hat:
Es ist nit gūt das der mensch allein sey /
ich wil ihm ein gehülffen schaffen. Hiera-
nach da er sie zūsamē geben / hat er ge-
sprochen: Crescite & multiplicamini, dz ist /
Wachset vñd mehret euch / in welcher
du deinem Ehwēib treu vnd freunde-
schafft leyssen solt / bistu viel seliger vnd
glückhaffter / dann wenn du lang im b̄u-
d iij ben

Der Wegfürher.

ben leben/ ja auch ins Teuffels leben also verrückt wie ein vnvernünfftig vieh/ umbher lauffest. Tim doch den hefftigen spruch vnnnd sententz für dich / welchen Gott gesprochen hat: Kein hörer/ Kein Weinsaußer wirdt theil am reich Gottes haben. Lieber besich vnnnd ver-
stehe in recht / gedenc̃ wie ein erschrocklich ding wirdts sein/ so er das gewulich vnnnd vnwiderrüflich vrtheil wider alle solche zernichte leut fellen vnd pronunciren wirdt/ da er sage wirdt: Gehet hin jr vermaledeyten in dz ewige fiewer der hellen/ welches euch vnnnd allen teuffeln von anfang bereyt ist/ ihr habt mich nit gespeißt/ jr habt mich nit getrenck̃t / ihr habt mich nit bekleidt / jr habt mich nit heimgesucht/ &c. Das sagt er aber nit allein von denen/ sond es sind auch hörer/ weinsaußer/ todschleger/ vnd all andere so wider die gebott Gottes gehandelt/ darunder begriffen. Dann auß füllerey solche böse stück kōmen / wie man dann sagt von einem Einsidel / der in einem walde bey einem Man vnd einer Frawen sein wonung gehabt / vnd ein Gott-
seliges

Der Wegfürker.

seliges leben geführt hat/ welches der ley
dig Satan nit leiden mögen (wie dann
sein gewonheit ist / wo er den menschen
sicht seligklich leben/ schawt er wie er in
von Gott abtrinnig mache) derhalben
zü ihm kommen/ vnd gesagt/ er soll sein
haußwürdt zü todt schlagen. Welches
der Einsidel nit thun wöllen. Da hat in
der Teuffel abermals angesprochen: Er
ehe soll doch bey seines haußwürts frau
en ligē/ vñ dieselbigen schwächen/ dz der
Einsidel auch nit thun wöllē. Nun der
Teuffel / welcher mit seinem versuchen
nit nachleßt/ den Einsidel noch ein mal
ansprach/ er solt sich doch nür voll wein
sauffen/ welches im der Brüder verhiess
sich vol weins tranck/ dardurch er zü vn
keuschheit bewegt war/ bey seines hauß
würts Frauen ligen wolt / darzü der
Mann kam / vñ den Brüder zü todt
schlagen wolt / da schlug der Einsidel
den Mann zü todt. Sihe/ solcher vnrat
kompt auß füllerey / hett er den Teuffel
abgewisen / wie er billich solt gethan
haben/ vnd ihm nit gewillfaret / so het
te er solche grosse sünde wider GOTT
d iij nicht

Der Wegfürker.

nicht gethan. Werden wir dann so wol
vnd hübsch sitzen / wenn wir von den
Engeln vnd auserwehlten GOTTes/
gleich wie die Böck von den Schafen
abgescheyden werden / vnd von den
Teuffeln mit grossem geschrey vnd ru-
mor in abgrundt der hellen geführt wer-
den / da wirdt einen jeglichen erst seines
sündlichen lebens gerewen / aber zu spat
vnd alles vergebens sein. Darumb O
mensch sihe wz dir züthün sey / betrachte
deiner Seelen heyl vnd seligkeit / für sie
nit selbs müthwillig in abgrund der hell/
sondern viel mehr für dein leben / das sie
dort in ewige freud vnd wollust gesetzt
werde. Damit ich aber wider auff mein
angefangene historien kom. Du möch-
test jetzt sagen : Lieber du kanst mir wol
hoch gnüg auffmützē / das ich das mein
vnnützlich verthū / gib mir auch ein lehr
wie ich mich halten sol. Daruon ließ diß
Verßlin:

Hör gsell ich wil dir lehren geben /
Wie du in diser welt solt leben.
Das es Gott wolgefellig sey/
Darneben auch dein nutz darbey.

Erstlich

Der Wegfűrker.

Erstlich so du wilt wandern auß/
Vnd kōmen thūst in ein würtshauß.
Zu gsellen setz dich nit zūhandt/
Die dir sind frembd vnd unbekannt.
Thū nit mit jnen pandetieren/
Das sie dich nit mit in verführen.
Dann es gibt oft gar bösen lon/
Als des wir vil Exempel hon.
In heiliger gschrifft auch anderswo/
Lieber liss von Willibaldo.
Wie der was so ein frommer Knab/
Lotharius in verführet hab.
In heiliger gschrifft findst du fürwar/
Luce am fünffzehenden klar.
Wie das ein reicher alter Mann/
Der hett ein jungen son gehan.
Der sich auff böse gsellshaft gab/
Dardurch verführet war der Knab.
Hiesch sein erbtteil vom Vatter zhand/
Verthet dasselb in frembden land.
Mit hüren/ böser gsellshaft zwar/
Verprasset er sein gütlin gar.
Letzlich in solche armüt geriet/
Das er ein zeit der sewen hüt.
Biß in sein Vatter wider auffnam/
Ein jeder sich sol stossen dran.

d v

Das

Der Wegfürker.

Das sein fein zimlich geben auß/
Damit wo er ein mal kem zhauß.
Er auch ein zimlich narung hett/
Darmit ein gwerb anfahen thet.
Vnd wenn im ein krankheit züstieß/
Den nechsten nit in Spittal müß.
Dann da wirdt offte gewart der armen/
Das es möcht einen sein erbarmen.
Darnach erst an dein güt gedencst/
Wen du es hast verschwendet lengst.
Darzū verthon mit gsellen böß/
Der dich keiner in deiner krankheit
Wilt aber mehr exempel haben/ (tröst.
Kan ich dir noch wol etlich sagen.
Wie lesen an ein ort fürwar/
Wo es stat ist mir vergessen gar.)
Ein reicher Mann der hett ein Son/
Derselb kurtzumb nit güt wolt thün.
Das krenckt dem Vatter offte sein hertz/
Vnd dem son war es alles ein scherz/
Doch wie der Vatter sterben solt/
Zür lezt sein son vermanen wolt.
Bat in von lastern abzūstan/
Der son solchs für ein gespötte thet hā.
Welchs der Vatter baldt ward gewar/
Sprach son es wirt nit stehn ein jar.
Wirst

Der Wegführer.

Wirst haben all dein güt verthon/
Darnach in solch verzweifflung kon.
Das du dich selber wirst erhencken/
Oder vncerstehn dich zů ertrencken.
So wil ich dich gebeten han/
Du wölst mir souil zůfallen thon.
Vnd an den ring erhencken dich/
Das nit werst zůschanden offentlich.
Welchs der son wol vernommen hett/
Darauß allein trieb sein gespött.
Wie solcher büben gewonheit ist/
Den Eltern spotten zů jeder frist.
Wie nün der Vatter gestorben war/
Der Son lieff zů der losen schar.
Ansieng zů schlemmen vnd zů prassen/
All zucht vnd erbarkeit thet hassen.
Auff spielen/hüren er sich gab/
Dardurch nam ab sein güt vnd hab.
In einem jar verzehren thet/
Was jm sein Vatter verlassen hett.
Im niemands wolt vertrauen mehr/
Den glauben hett verloren er.
Leglich in solch verzweifflung kam/
Das er sich wolt erhangen han.
Gedencken ward seins Vatters wort/
Die jm vor warend nür ein spott.

Der

Der Wegfürker.

Der ring jm auch kam in sein sinn/
Zu dem gieng er den nechsten hin.
Ein seyl dardurch stieß thû ich sagen/
Wolt sehen ob es jm möcht tragen.
Da fiel der stein mit sampt den ringen/
Sechshundert gülden thetē klingen.
Die der Vatter vermauret hett/
Solchs seinem Sohn wol kommen
thet.
Dann er wol wußt wies würd ergon/
Des sich sein son würd hengen thon.
Vnd wenn er dann das gelt da fünde/
Vielleicht von seinem leben stünde.
Ein ehrlichen stand sienge an/
Als auch hernach er hat gethan.
Dann als baldt er das gelt bekam/
Den nechsten er dasselbig nam.
Löst widerumb sein silber geschir/
Das er versetzt vnd was hinfür.
Gantz heußlich thet sich ab der Knaben/
Die in in die not gebracht haben.
Mehr hast du ein histori so/
Von Andreyzo von Perusio.
Wieder gen Neapolis kam/
Sich einer hantierung bald annam.
Ein Rosstauscher er werden wolt/
Billich

Der Wegführer.

Billich er sich vernügen solt.
Lassen an dem so jm glück beschert/
Sein hantierung nit han verkert.
Dann jm solchs vbel gerathen ist/
Wie mans in der Histori list.
Ein bose sach jm an seinem leib/
Zustund von einem falschen weib.
Ward sein 500. gülden erblicken/
Thet nach jm in die herberg schicken.
Nach dem er aber zû jr kam/
Eins falschen list sie sich annam.
Sagt jm wie sie sein schwester were/
Andreyzo glaubt die falschen mähre.
Dieweil sie jm sein freund all nennt/
Sprach sie die allesamen kennt.
In beredt das er bey jr bleib/
Darnach ihn schier bracht vmb sein
Ein lotterfall jm richtet zû/ (leib.
Das er da in ein sprachhausß fül.
Als solchs die frau vernommen hett/
Gieng sie den nechsten zû dem beth.
Die 500. gülden vnd kleyder nam/
Vnd wider in die kammer kam.
Andreyzo den frommen stecken ließ/
Galt jr gleich es gieng jr saur als süß.
Doch Gott die seinen nit verlat/
Andreyzo

Der Wegfürker.

Andreyzo theilet mit sein gnad.
Das er zületzt wider kam herauß/
Da er trat vornen für das hauß.
Welchs er fand gar wol zügesperit/
Jämmerlich schrey sein gelt begert.
Da er mit spott ward dannen trieben/
Erst in seins glaubens war gerewen.
Aber es alles was umb sust/
Von dannen on sein gelt gehn müßt.
Dem glück sehr flucht vnd vbel redt/
Gdacht nit er solchs verschuldet hett.
Vnd ers jm selbs hett züwegen bracht/
Als er sich so prächtig gemacht.
Mit seinem gelt auff dem Rosmarck/
Welchs gsehen hett die fraw so argt.
Wie sie das gelt von jm gedacht/
Möcht bringē/solchs züwegē bracht.
Die sach ich nicht erzelen kan/
Drumb ichs wil vnterwegen lan.
Dann sie hienor geschriben sind/
In der Historien man es findt.
Ander Exempel muß ich auch erzelen/
Zü nutz vnd güt den Wandergsellen.
Das sie sich wissen zühüten wol/
Was einer thün oder lassen sol.
Sein gelt mit jeden sehen lassen/

Sich

Der Wegfürker.

Sich dessen gātz vn̄ gar thūn massen.
Dann es fürwar gibt bösen lohn/
Wie ichs dann selbs gesehen hon.
Ein junger Knab zoch vber feldt/
Derselb hatt bey jm etlich gelt.
Vnd da er in die herberg kam/
Villich dasselb hat sehen lan.
In der herberg zwen Behemar /
Die hattends gelts genommen war.
Den Knaben fragten in dem hauß/
Wo sein sinn stünde jetzt hinauß.
Der Knab inen das zeyget an/
Die zween sich beraten hatten schon.
Den Knaben wolten bringen vmb/
Das was jr letzter beschluß vnd sum.
Dem Knaben sagten baldt die zween/
Wie sie den weg auch müsten gehn.
Des auch der Knab zū frieden war/
Zū jn nichts args versahē gar.
Des morgens kamen sie auff die straß/
Vnd als sie nūn zū güter maß.
Die sach sein daucht zū greiffen an/
Vom fürnemen nit wolten stan.
Der jüngst dem Knaben gab ein schlag/
Das er todte auff der Erden lag.
Von jm gar baldt das gelt sie namen/
In

Der Wegfürker.

In dem zween Reuter eben kamen.
An der thaat die bößwichter fanden/
Zu hand dieselben allda banden.
Ein jeder je einen führen that/
Ghen Türingē in die Fürstlich Stadt.
Da man sie gsfenglich name an/
Bald in gab den verdienten lohn.
Man schlug in ire Häupter ab/
Ein solchen lohn jr gsellschaffe gab.
Damit wz nicht geholffen dem jungen/
So von gelts wegen vñ was kōmen.
Die schuld die kondt man niemand ges
ben/

Denn ers ihm selber bracht zūwegen.
Ein jeder merck was im zūthun sey/
Stell sich im außgeben nit zū frey.
Dann solches warlich bringt kein nutz/
Wie jetzt gehōret ist in kurtz.
Noch muß ich euch eins zeygen an/
Wie es mir selbs auff ein zeit thet gā.
Das man nit sag ich schreib viel hie/
Hab deren keins erfahren nie.
Als ich eins mals zoch vber feldt/
Vnd hett bey mir nit wenig gelt.
Im Würdtshauß solches sehen ließ/
Groß vnglück mir zū handen stieß.

Als

Der Wegfürher.

In ein Wald heyst Knitlinger steg.
In welchem mancher wirdt beraubt/
Fürwar ich hett es selbs nit glaubt.
Wenn ichs selbs nit erfahren hette/
Ir etlich mich gar blündern thete.
Das gelt sie mir als hetten gnon/
Wer schier darzu vmb's leben kon.
Doch auff mein freuntlich bitt gar es
ben/

Sprach einer lieber laß in leben.
Ist gnüg das wir jns gelt han gnon/
Wolt jr jm erst den todt anthon.
Als ich die wort erhöret hett/
Von dannen ich mich trolen thet.
Ein andern weg baldt für mich nam/
Damit ich von den Schelmen kam.
Ich kert gen Knittlingen da ein/
Niemandt mir thün wolt hülffes
schein.

Ich bate gleich ja wen ich wolt/
Ein jeder sagt selbs sehen solt.
Wie ich das mein wider bekem/
Keiner sich meiner nit annem.
In dem handel dan so bsorgen müßte/
Das in auch ein vnfall züstiess.
Als ein beraubter ich hinzoh/

Der Wegfürker.

Ein andern weg die Keytter flohe.
Ich dacht wo sie mich kommen an/
Mein leben ich verloren han.
Dahin bracht mich das schnöde gelt/
Darumb wilt leben in der Welt.
So thue wie ich dich hab gelehrt/
Dann etlich leut sind so verkert.
Wo sie gelt bey ein jrgends wissen/
Sehends wie sie in mögen beschissen.
Damit das gelt als jnen werdt/
Gott geb wies im hernacher geht.
Hast bey dir gelt/ sag nichts darvon/
Das du nit thüest darumb kon.
Mancher in grosser not gesteckt ist/
Wie man solchs von Rinaldo list.
Wie derselb auch beraubet war/
Von zweyen Raubern gantz vnd gar.
Im nichts liessen danns hemmetlein/
Darinn er solt erfroren sein.
Was kalt ein grosser Schnee da lag/
Der knecht von im slog wie ein zag.
Von seinem Herren wolgethan/
Als indie Rauber griffen an.
Was macht das sie im also nachsteltes
Sie wusten bey im gar viel gelte.
Welchs er villeicht hett sehen lassen/
Darumb

Der Wegfürher.

Darum er beraubt ward auff der strassen.

Aber Gott welcher nit verlat/
Die seinen/sonder in beystat.

Die so in trewlich rüffen an/
Denselben wil er beygestan.

Wenn aber einr Kompt an die end/
Schlecht er zůsamen baldt die hend.

Vnd rüffe Gott seinen Schöpffer an/
Das er im hülffes schein soll then.

Das betten geht auch gwiß von herzen/
Dan ich weyß wol das ich nit scherzen.

Sondern mit ernst sich Gott befahle/
Als ich den todt vor augen sahe.

Glaub gantzlich Gott hab mich erhört/
Vor diesen reubern mich ernehrt.

So vnterstunden mich zů tödten/
Vnd mich gebracht auß solchen nöten/

Das ich im noch zů dancken hab/
Auch dancken wil dieweil ich mag.

Mein Zungen vnnnd mein Mund auch
regen/

Derselb wöll vnser aller pflegen.

e ij

Das

Der Wegfürher.

Das aber ich zu ende bring/
Allhie mein angefangne ding.
Es ist die lehr vnd meynung mein/
Ein jeder sich soll fleissen fein.
Das er in allweg mässig sey/
Nit im außgeben sey zu frey.
Vnd nit stets panchethier vnd zeche/
Mit vbermüt nit sey zu freche.
Wo er an frembden orten ist/
Dann da sucht man vielerley list.
Wie man ein bringt vmb das sein/
Darnach leßt man dich faren fein.
Wenn kein gelt mehr im beutel hast/
So bist von jedermann gehast.
Niemand wil dein kein gnad mehr hā/
Du bist von jedermann verlan.
Man redt dir vbel/ speyt dir nach/
Als einem Menschen je geschach.
Zulezt die reuſtöß kommen her/
Die brencken dir dein hertz gar
schwer.
Denn aber ist es vil zu spat/
Darumb bitt ich volg meinem rath.
Es wirdt warlich nit gerewen dich/
Sag ich dir glaub mir sicherlich.

¶ N D ¶

Getruckt zu
Frankfurt am Mayn/
bey Martin Lechler / In
verlegung Sigmund Feyers
abends vnd Simon
Hüters.



A N N O M, D. LXV.



2016-B213..

